



Vincotig


Vergl. Ankl.

1969.

gibelin 1740

(1. Ausg. = 1640)
Landwehr 716

J. Meyer am Rhein.



Digitized by the Internet Archive
in 2017 with funding from
Getty Research Institute

R. P.

JOANNIS VINCARTIJ
Gallobelgæ Insulani

E Societate JESU

SACRARUM
HEROIDUM
EPISTOLÆ.

EDITIO SEXTA.

*Cum Privilegio Sac. Cæs. Majestatis ,
& Serenissimi Electoris Bavarie
ac superiorum Permissu.*



MONACHII,

Sumptibus JOANNIS JACOBI REMY,
Bibliopolæ.

Typis MARIE MAGDALENÆ RIEDLIN Viduæ,
Anno M. DCC, XXIII.

THE UNIVERSITY OF CHICAGO

LIBRARY

OF THE

PHYSICS DEPARTMENT

HERIOT-WATT

UNIVERSITY

OF EDINBURGH

SCOTLAND

U.K.

1990



1990

PHYSICS DEPARTMENT

LIBRARY

OF THE

UNIVERSITY OF EDINBURGH



R. P.

JOANNIS VINCARTIJ
GALLOBELGÆ INSULANI
E SOCIETATE
JESU.

SACRARUM HEROIDUM
EPISTOLÆ.

LIBER PRIMUS.
EPISTOLA PRIMA.
ARGUMENTUM.



Um Hebrais lege sancitum esset . ut
ter in anno Jerosolymam templum
adirent; eoque Joseph, ex more cum
MARIA & puero Iesu jam duoden-
ni profectus esset in Paschate . quò
dies apud Judæos præcipua obser-
vantia, & cultûs erat & accidit, ut Iesus clam pa-
rentibus, facta oblatione Nazarethum revertentia
bus, Jerosolyma remanserit Quod statim MARIA
ad primam scilicet reditûs vespertinam animadvera-

tit : siquidem puerum antehac viru permistum arbitrata , qui diversam à feminis viam tenebant : subito vi ingentis doloris saucia , filio requirendo animum pedesque convertit. Verum cum Ierosolymæ diem jam tertium partim labore itineris , partim luctu atque angore fatigata , frustra impenderet ; hanc Epistolam ad eum scribit , mittitque per Angelum. In hac autem quidquid questus & lacrymarum maternus amor exprimit , operose adhibet : tum & rationum momenta precésque inserit , quibus amissum profugumque inducat , ut quantocius revertatur , seseque matri afflictissimæ restituat. Luc. 2.





SYMBOLUM.

Turtur hic & *Virgo* uti loco proximæ ,
ita & simul gemunt : turturi enim id pro-
prium esse docet *Plinius* & *Virg.* Eclog. 3.

*Nec gemere aëra cessabit turtur ab ul-
mo.* Si causam inquires , certe ut turturū
amissum comparem , ita & *Maria* Filium
lucendi , meritò adscripseris.

Quia sola.

Maria Christo.

Mittitur à Solymis, ubi te mea gaudia, Fili
 Perdidimus, luctûs nuntia charta mei;
 Ut te non lateat; tamen hæc tibi Mater, Jusu,
 Tradidit Aligerâ verba ferenda manu.
 Ad questus pia turba meos properavit; amicum
 Et notus Gabriel obtulit ales opem.
 Attramen, heu! quantum diversam vidit ab illa
 Cum tu visceribus conciperêre meis.
 Qui mihi tunc niveo candeat lumine vultus,
 Fuscabat madidas nubilus imbre genas.
 Nec malè: venturi solis mihi nuntius ille
 Obtigit; amissi nuntius alter erat.
 Quod facit hoc gratum est: i protinus, Angele
 dixi:
 Longa mihi damni vel brevis hora mei.
 Nectuntur scribendo moræ? suffecerit istud
 Dicere vel sola, voce: MARIA dolet.
 Scribo, tamen; sic cogit Amor: quantum libe
 udis
 Luminibus calami præpediatur opus,
 Quaecunque aspicias charra squallente lituras,
 Perlege: maternæ pondera vocis habent.
 Tertius affusas sol mundo eliminat umbras,
 Et madidam sparsio lumine siccet humum,
 Cum mihi, sed frustra, pectus suspiria rumpun
 Et Solyma amissus quæreris urbe puer.
 Sive diem numeres, seu tardæ tempora noctis
 Non caruit lacrimis ille, nec illa meis
 Sæpe locum incusans, qui nos acceperat ambos
 Venimus (exclamo) si duo, redde duos.

Vel nato matrem , vel natum redde parenti :

Quodlibet hospitium dulce duobus erit.

Cut animis juncti tecto non jungimur uno ?

Heu ! ubi pars nostri maxima, CHRISTE, lates.

Hæc ego dum gembunda queror , subnixa fœ
nestræ ,

Pallidâque aspiciens sidera , tristis eram.

Nimirum ut tacito patientia sidera mundo

Eniteant , summx luminis unus abes ,

Penè (fatebor enim) cælo convicia teci ,

Ausâque sum verbis astra ferire meis.

Astra , quid ? inclamo : Reges duxistis 1. Eoos

Ad cunas pueri , qui mihi natus erat :

Ducite nunc matrem ; nec enim malè debita
posco ?

Utsque reor , parvum est , quod præeatis iter

Vix ea finieram , cælo indoluisse putabis

Sidera , nube suas occuluerè faces.

Ite , licet , stellæ ; confundite nubibus ora ;

Non regitur vestro lumine noster amor.

Sidera bina tui , Jusu , quæruntur ocelli ,

Sidera maternam ducere docta ratem.

Cætera quid memorem ? seu primi vesperis um-

Seu loco tristitiæ conscia facta meæ ? (bras

Reddita erant Solymo Paschalia munera tem-
plo ,

Cæperat & notâ quisque redire viâ.

Josephus comes inde viris , comes inde redibam

Matribus : incertum , cui comes ipse fores.

A 4

Cre-

1. Eoos , matutinus , sive Orientalis : Græcis enim

ἡὺς ἑὼς aurora dicitur.

Credula res amor est : malè sed coniecimus ambo
Inter & isse viros , inter & isse nurus

Interea 2. Ramæ 3. Gabæque relinquimus ur-
bes ,

4. Cissæaque , olim regia recta , domos.
Jàmque propinquabam s. Macmas , sistique ju-
bebat

Ultima pars lucis , primæque noctis iter.
Cum mihi nescio qua subitò formidine tactæ ;
Incerto mœstum vulnere pectus erat.

Nec tenui gemitum : stabat quæ proxima nobis,
Quid subiti casus pectora turbat ? ait.

Ipsa ego nil aliud quàm formidare locuta ;
Suppressi lacrimis cætera verba meis.

Scilicet hinc aberas , frustra quærendus , JESU.
Sive viros inter postmodo , sive nurus

Fit clamor : gemitusque : feror circum anxia
mater :

Acta est in lacrimis nox mihi : quanta fuit :
Manè erat ; egredimur flentes , Solymâmque
redimus !

Tempestiva meis , heu , nimis illa malis !
Quid facis ô Solyme ? quo te vesania raptat ?
Quo mihi commisso durior esse potes ?

6. Infantem quondam dedimus tibi ; furta re-
pendis :

Heu , mala perfidiæ uuntia prima tuæ !

Dura

2. 3. Rama & Gabaa sive Gabe , urbes , quæ Hiero-
solymâ Nazarethum revertentibus prima occur-
runt : & Gabaa quidem Saulis , 4. filij Cis ortu , ac
postea regio domicilio nobilis.

Dura sed est Solyme, nec nostris surda querelis
 Tangitur immitti condita rupe Sion.
 Affer opem, Jesu, mœstamque revise parentem:
 Plus mora quàm lethum, te sine, fellis habet.
 Confiteor, quondam peregrinas visimus oras,
 Qua prope limosis 7. Nilus oberrat aquis.
 Dulce tamen sic ire fuit, comes additus ibas;
 Exulis & nati mater & exul eram.
 Sarcina pendebas collo, brevibusque lacertis
 Quam premeres matrē, tam leve pondus eras.
 At modò qua Solymæ profugus statione moreris.

Nec mihi, quæ subeas limina, scire licet.
 Hinc Iosephus abit; feror huc: clamatur, Jesu,
 Sed loca, quod reddant, nil nisi nomen habent.
 Est aliquid (fateor) nobis locus adgemit: ille,
 Quam differs, matri ferre videtur opem.
 Interea, quas calco, viæ ploratibus hument,
 Combibit & lacrimas quælibet herba meas.
 Ventum erat ad portas: qui stabat miles in armis,
 Multa mihi de te, multa rogatur anus.
 Addimus & faciles (si te modò viderit usquam)
 Quò citiùs nobis repperiare, notas.
 Bissenno puer est anno, violacea vestis.
 De tenui filo textile matris opus,

A 5

Cæsar

5. Macmus oppidulum quinto abs Ierosolyma lapide: quò vero simile est Mariam ac Iosephum primâ reditûs Vesperâ pervenisse. 6. In purificatione, quando ex lege oblatura filium in Ierusalem dedulit. 7. Nilus Ægypti fluvius, qui & eandem abluuione sua oblimat, facundatque.

Cæsaries illi crispum flavescit in aurum ,

Depingit niveas purpura viva genas.

Lætitiam vultu spirat ; cognoscitur illâ :

Tolle fugam , nulla parte dolendus erit.

Illa sibi visum templi circum atria , narrat :

Egressum muris , altera narrat anus.

Accrescunt curæ : nunc huc , nunc dividor illuc ;

Ardor inexpertum nil finit esse meus.

Et modò per Solymæ vicos , templique recessus ,

Et modò maestandas quæreris inter oves ,

Excurro , surgunt. 8. oleis quâ clumina : vel quæ

9. Golgotheus siccis ossibus albet apex.

Quin 10. Zachariadæ quoties latebrosa recur-
sant.

Tesqua , illuc etiam me novus ardor agit ;

Quis scit enim , mores num fors pertæsus ini-
quos ,

Ponere vis istâ bis duo lustra casâ ?

Effice , quidquid erit ; partes veniamus in illas ;

Possumus & nuda ponere corpus humo.

Et mihi mella placent , quernis sudantia truncis ;

Quique sitim gelidæ proluit humor aquæ.

Ipsa comes veniani ; nec me spelæa movebunt ,

Antræque crudeles sueta fovere lupos

Nimirum sylvâ si quis lupo accubat istâ ,

Hospitio cœpit mitior esse tuo.

Nec

8. Mons olivarum. 9. Golgotheus Calvaria mons
ab Hebræo Golgotha. 10. Zachariades Joannes
Baptista à Zacharia Patre.

Nec nocet hîc serpens ; nec virus lûsibus apta
 11. Vipera, quo quemquâ lædere possit, habet .
 Ipsa ego poma legam, summis pendentia ramis,
 Et plenâ carpam dulcia fraga manu.
 Sic agimur votis: quantus, dulcissime, nôsti
 Sis mihi nunc Solyma perditus urbe, dolor,
 Et dolor & timor est: auget timor ipse dolorem,
 Dû tam falsa animus, quàm mala certa tinet.
 Seu quis Pontificis, seu Præsidis atria narret:
 Hæc mihi sunt ipso nomina dura sono.
 Seu quis 12. Maltacidem Solymæâ viderit aulâ:
 Maltacides nostri causa timoris erat.
 Interdum timui, ne quòd sine matre vagaris,
 Causa tuæ fuerim forsitan ipsa fugæ.
 Parce precor, puerum tractavi viribus impar;
 Cætera fœminæ non valüere manus
 Quòd primùm gelidæ sensisti frigora brumæ,
 Straminea recubans vix bene natus humo:
 Quid potui genitrix? genitor sic iusserat edi.
 Idquæ tuum fuerat iussu sequentis opus,
 Attamen & madidos siccavi flentis ocellos,
 Et tepido fovi membra tenella sinu.

A 6

Lac

11. Habitabit lupo cum agno, & delectabitur
 infans ab ubere super formaine aspidis, & in ca-
 verna reguli, qui ablactatus fuerit, manum suam
 mittet. Isa. 8. Quod quidam ad tempus Messie re-
 ferunt, impletumque ajunt ad litteram in Joanne
 Baptista, qui puer in desertis habitans, Leonibus ac
 serpentibus innoxie colludere solitus fertur. 12.
 Maltacides Archelaus, Herodis Infanticidæ ex
 Maltace conjuge filius.

IO SACRARUM HEROIDUM.

Lic quoque molle dedi : panem crescentibus
annis ,

Et quidquid potui reddere mater opis.

Debueras aliam , puer , ascivisse parentem :

Ancillæ officio vix bene digna fui,

Atque utinam ancillas inter modò ! forte petenti

Porrigerem promptâ candida liba manu.

Hæcque tibi tradens, puer ô pulcherrime, matre

Quò sine, subjicerem, quò sine matre fugis?

Hic remane paullùm, matrèniue accersero :

dicat

Hoc, ancillarum quæ tibi cunque favet !

Interea lacrimis, dum scribo, perpluor ora :

Vixque capit iussas uda tabella notas :

Solatur Joseph (locio nam scribimus illo)

Mox erimus plures ; nec puto , fallor , ait ,

Effice nos plures , lacrimis , precibûsque petite ,

Et penitùs toto corde recepte mihi,

Sic faveant Genij, cæli lætissima turba ,

Sed propè jam lacrimas mœsta videre meas.

Sic mihi succrescant majora ad vulnera vires ;

Golgotheo quando monte sequendus eris.

Sic mihi parcat Amor, donec te funere perdam ,

Dêque tuo nostrum, transeat hasta latus.

Sic mea supremo claudatur Epistola voto ,

Quod cupiam vultu matris amante legi.

Vel puer ad matrem fugitive revertere : vel me ,

Quo properas, Domini more venire jube.



EPISTOLA SECUNDA.

ARGUMENTUM.

JEPHTE Galaadites, qui Ducis inter Israeliticos nomen famamq; obtinuit, cum adversus Ammonitas dubio Marte pugnaret, Victoriâ voto pactus est. Deo scilicet immolandi, quemcunque primum, à caeso stratoque hoste revertens obvium haberet. Accidit autem, ut filia ejus unica (quam quidam SEILAM appellant i nobis autem à patre JEPHTIADA, seu JEPHTIN appellare placet) prima in occursum parenti Victori gratulabunda processerit. Quod ubi advertit JEPHTE, gravis eum subito dolor & pœnitudo invasit, utique voto, de quo jam memoravi, obnoxium.

Quamobrem contravenire non ausus, de nece & victima, quam in sacrificium, neque libentia Victoriæ pretium pactus erat, filiam admonet: similiter hæc religione paterni voti aucta, parenti se se ultrò permittit. Nihilominus binos menses postulat, obtinetque quibus per Sylvas errabunda cum sodalibus, primum juventæ suæ florem, propero factum occupandum, deploret. Dum hæc agit, senfimque dies elabuntur; sub extremum mensis secundi; hanc Epistolam ad patrem scribit: in qua infortunium suum exagitant rationes adfert, quibus paternum animum emolliat, & à cruenta sententia retrahat. Ceterum ut ut fuerit, statuto tempore venturam se pollicetur, jugulûmque ferro oblaturam, ut nova victima ad aram procumbat, Judic. II.



12

S Y M B O L I U M,

Lepus, timidum naturâ animal, atque adeo in fugam pronum. In hoc Jephthadem agnosce, nemora inter & saltus pavidam : sibi que mortis effugium per Epistolam quasi captantem, Utrique lemma convenit.

— *Si forte salutem
Cursus meta ferat.*

Jephthæ

Jephthas Jephthæ.

Quæ tibi JAPHTHADIS signatur Epistola voto,
 Venit ab umbrosis Galaad illa jugis.
 Cautæ viæ justæ est: venit oratura salutem,
 Quæ nunquam insonti jure negata fuit.
 Forſitan incultam mirabere fronte papyrum,
 Albæque pulvereas vellera passa notas.
 Da veniam genitor: fatis agitamur iniquis:
 Quam trahimus, viæ convenit iste color.
 Nimirum occurrat lethi feralis imago,
 Pallidæque in vultus transvolat utque meos.
 Otia seu sylvis, seu fontibus otia captem,
 Fata mihi sylvæ, fata loquuntur aquæ.
 Est locus, unde tibi nunc scribimus, obſitus
 umbrâ:
 Plurima quæ viridem taxus opacat humum,
 Alta quies illic, circumque silentia locum
 Horrificant: nullas esse putabis aves.
 Sola sibi raucum defuncto compare turtur
 Adgemit; ut media cætera nocte silent,
 Illa suo, nostro sed & adgemit illa dolori,
 Erudit & gemitus ad mea fata suos.
 Ah, quoties dixi: turtur gemeunda, quid usque
 Concinis infaustum? præfica cæcumen avis?

Sci-

I Galaad regio trans Jordanem, ipsiusque terræ
 promissæ limes. Ad orientem, montosus, ac nemo-
 rosus: quem Jephthæ à tribu Manasse oriundus in-
 coluit, unde & Galaadites dictus est. 2. Præfica
 apud antiquos mulieres erant conducticia ad la-
 mentabilem cantum clendum in funeribus.

Scimus , & ille mihi cantus fatum occinit ; ille
 Sanguinolenta mei vota parentis habet.
 Interea quamvis leti niger ingruat horror ,
 Sylvâque conspectus terreat atra meos :
 Saxa tamen miserata meas sine crimine pœnas ,
 Molliri nostris edidicere malis.
 Nam quoties clamo toties nemus , antrâque
 clamant :

Méq; silente silent , méque gemente gemunt.
 Ergo etiam duræ plangent mea funera cautes ?
 Cautibus ipse pater durior unus erit ?
 JEPHTIAS infelix ! meliori digda parente ,
 Si tam saxosum pectore robur habet !
 Vincimus ? an contrâ necdum pater exuit iram ?
 Et revocat patrias in sua jura fibras ;
 Vincimus , ô genitor : succedunt tædia voti ,
 In tua quæ charus pectora versat amor.
 Forfan & absenti succlamas : filia vive :
 Vive , nec unius funere perde duos.
 Cùm fatis conjux cessit , tibi , téque relicta
 Dimidia genitor parte superstes eram.
 Quò rapimur ? culpa est , cædem voluisse : quid
 ultra

Urgemus pavidas ad fera jussa manus ?
 Novimus 3. Abramidem ; jugulum malè præ-
 buit cæsi :
 Quod pater incepit , 4. rescidit Ales opus.
 Quid facis ? exclamat : vibratæ parce securi :
 Sta , voluisse sat est , nuntius Ales ait ;

Fun-

3. Abramides Isaac ab Abramo , sive Abraham,
 mo patre ita dictus , 4. Gen. 22.

Fundere quem properas, non hæc fuit ara cruo-
rem :

Respice, que petitur victima, dumus habet,
Constitit hîc aries implexus cornua dumo :

Hic jussam effuso sanguine tinget humum,
Non ego sum tanti : verùm hac sub imagine
mortis

Erigor, & votis blandior ipsa meis.
Namque sub occasum lucis, cùm fortè vagarer ;

Quà propè s. Masphatico sylva recedit agro,
Protinus exiliens nemoroso cerva recessu,

Me petere adversam ; nec hostis erat :
Constitit ut propius, juvit spectâsse ; diùque
Detinuit vultus molliter illa meos.

Circùm colla fuit maculosi velleris ; illam

Excipias labem, cætera lactis erant.
Hanc ego cùm primò dubitarem stringere ;
Jephti,

Stringito, de nostris una sodalis, ait.
Quis scit, an hæc patrium tinctura est sanguine
cultrum ?

Nempe quod olim aries, hoc quoque cerva
potest :

Stringo feram ; sequitur non indignata, ligari ;
Mollius ut traherem, serica zona fuit.

Ex hoc (crede mihi) sacros nutritur in usus,

Si quando letbo sufficiens meo est,

Ah, quoties blandæ dum tergora mulceo cervæ,
Implevi lacrimistalia verba meis !

In

s. Maspha sive Masphath, regio trans Jordanem,
ad radices montis Hermon Jephthe patria Judic. I 1.

Indoleo, pia cerva, tibi! qua parte minetur;

Quaque ruet, nescis, in tua colla mucro!

Quod tibi sit cervix collo maculosa, futuri

Indicium certè vulneris ille gerit.

Grande tamen cædis pretium tibi; crimina tolle:
les:

Quæque insons per se filia vivat, erit:

Quidquid id est, timeo; lacrimæque per ora cadentes

Vicini tacitum funeris omen habent.

Proditus es, genitor: quid voto crimen obumbras

Esse pius, fuso sanguine, nemo potest.

Consule, quas leges naturæ scripserit ordo:

Ille mihi iusta plus quoque parte faver.

Fallimur? an casus populum servaverit hostis;

Unaque, quam perdat, Galaaditis ero?

Profuerit pater externis; ego filia cædar?

Reddita victori cantica, crimen erunt?

Ah! utinam tune, cum te&is exire parternis

Mens fuit, hæc sisset pes mihi fixus humo!

Artubus aut lassis violenta febre stetissent

Languida virgineo tunc mea membra thoro.

Quæ malè festivâ pulsavi tympana dextrâ,

Debuerant bellis insonuisse tuis.

Non erat ille sonus victi prænuntius hostis;

Ille sonus verè bella moventis erat.

Nec tamen averfor mortem, votumque retracto:

Sufficit exiguæ copia facta moræ.

Quam gero, non tumulū, connubia postulat ætas:

Carpitur ante suum flosculus iste diem,

Si

Si mihi JEPHTHADES patria colluderet aulâ,
 Fortia qui magni facta referret avi:
 Depositis certè majori parte querelis,
 Inciperet postea mitior esse dolor.
 Viveret ô utinam mater! fera jussa parentis
 Molliret lacrimis forsitan illa suis.
 Sed frustra est: perstat duro sententia patri:
 Sanguine, quo facta est, dissolvienda fides.
 Nulla mora est, genitor! venio tibi victima:
 tinger,
 Quem mihi donasti, jam tua tela cruor.
 Ante oculos aræque meos, cultrique nefandi;
 Ante meos oculos in patre tortor adest.
 Deprecor hoc unum, tibi cum nova victima sistar,
 Casura ad patrios sanguinolenta pedes.
 Ultima plectendæ libes pater oscula natæ,
 Lenibunt pœnas scilicet illa meas.
 Forfan & adjicies jam formidabilis ense:
 Quod facio, constans filia, perfer opus?
 Quem prius ira tulit, pietas nunc sustulit ensem;
 6. Ammonibus gravis hic, hic tibi mollis erit:
 Viderit iste Deus, qui nunc mea pectora versar
 Arque umbræ placidus sit precor ille tuæ.
 Forsitan ista refers, lacrimis tingentibus ora,
 Et gemitu medios impediens sonos:
 Ipsa ego disponor, reditumque ad patria tecta
 Apparo, tecta oculis mox rapienda meis.

In-

6. Ammon, unde Ammonitæ populi erant Israël
 adversarij, ex Loth & minore ejus filia oriundi, quos
 Jephthæ profligavit.

Interea Nymphæ, charæque valere sodales,
 Admissæ memores sed tamen este mei.
 Excurrisse domo, nimium fatale puellis:
 Altera 7. Jacobias, altera plector ego,
 Hoc ades ô 8. Thamarilla, meis comes addita
 fatis,

Et fidâ sepeli corpora cæsa manu.

Tu quoque postremis consors ploratribus 9. Ægle
 Huc confer lacrimas, ultima dona, tuas.
 Plurâque vaticinor: venient huc mœsta, puellæ,
 Agmina, Galadij flôsque decûsque soli:
 Pars calathos violas, pars candida lilia fundet:
 Pars tenerâ sparget nostra sepulcra rosâ,
 Quâque per umbrosas valles protenditur 10.
 Hermon.

Ibitur in tristes, 11. annua festa, choros
 Tympana pulsabunt, malè quæ pulsavimus olim:
 Conveniunt fatis scilicet illa meis.

Popuſ

7. Jacobias, Dima à Jacob patre ita appellata: quæ progressa ad Ludorum spectacula, à Sichemo Hemoris Hevas principis filio oppressa est. Gen. 34.

8. 9. Thamarilla & Ægle pronomine sociarum filie Jephthe hic sumuntur.

10. Hermon mons Galaaditidi regioni adiacens, amœnis hinc inde vallibus.

11. Exinde enim (ait sacer Textus) mox increbuit in Israël, & consuetudo servata est, ut post anni circulum conveniant in unum filie Israël, & plangent filiam Jephthe Galaaditæ diebus quatuor. Judic. 11.

Populus est illic denso pulcherrima ramo ;
 Illa meum scripto cortice nomen habet.
 Popule , vive precor mea post quoque funera :
 quamvis

Tristior atratâ conspicienda comâ.

Quæque udo inscripti funebria carmina libro ,
 Fac crecant titulis officiosa meis.

Atque utinam sylvâ quoties spatiabitur illâ ,
 12. Scripta Manassæus perlegat ista nepos.
 Jephthæ infelix , florenti nubilis ævo.

Concidit ad patrios victima casa pedes.

Fecit & hoc genitor , fecit quoque filia : causam
 Hæc necis occursum præbuit , ille manum.

12. Posterî Jephthæ ex tribu Manassæ oriundi.



EPISTOLA TERTIA.

ARGUMENTUM.

FUIT ex tribu Nephtali TOBIAS vir fidei ac pietatis, quàm fortuna pertinaciâ clarior: quippe qui subactâ Palestinâ à Salmanasaro Assyriorum Rege, ita in exilium cëssit, urbemque Ninivem incoluit: ut contra infortunium validus, nunquam animum ab eò, quod equum justumq; erat, deflexerit. Caterùm cecitate ad summam rei familiaris inopiam adjectâ, cùm pecunie meminisset, quam aliàs apud Gabelum contribulem deposuerat, eò filium Tobiam mittere statuit. Cùm autem Gabelus in Rages civitate Medorum domicilium haberet, querendusq; via ductor & comes esset; Historia prodit Raphaëlem Angelum sese ad id muneris obtulisse, talemq; se gessisse, quam simulato nomine, habiturq;. Igitur rebus constitutis dant se in iter: sed cùm ambo tardius quàm promiserant, reverterentur (siquidem Tobias cum Sara consobrina Raguelis filia matrimonium contraxerat) parentes de ejus salute solliciti variè agitari, tùm verò maximè ejus mater Anna irremediabilibus lacrimis flere cœpit. Quæ quidem hac Epistola angores suos & lacrimas filio exhibet, simul obsecrat, ut, si quid penes eum pietatis adhuc supersit, parentes anxios omni metu eximas, & quàm primum expeditis negotijs domum reverteratur. Tob. 10.

Anna

Anna Tobiaë.



21

S Y M B O L I U M.

Vinea, quam aspicias effraëtis avulsisque
 fulcris humi repentem, Tobiaë parentes
 exhibet, luctu prostratos: emissio videli-
 cet, nec adhuc reduce filio, quem sene-
 stutis suæ baculum vocitabant. Quam
 utrobique verum!

Sine stipite languet.

Anna

Anna Tobiaë.

TE tua TOBIADÆ, mater lacrimabilis ANNA
 Ultra pollicitum tempus abesse queror,
 Limine cùm primo stares abiturus, & illic
 Exciperes verbis ultima jussa meis,
 O me alux! dixi; si te pia cura parentis
 Taagit, fac redeas ad mea vota celer,
 Tu quoque complexus inter, lacrimasq; parenti
 Exiguo dixisti talia verba sono:
 Nec dubita, mater, reditûs me cura laceffit,
 Et tuus huc etiam sponte reducet amor.
 Tempora fac numeres: cùm plena coiverit orbe
 Luna, viæ finis, quæ modò cœptat, erit.
 Luna, semel, totòque iterum semel orbe coivit
 Nullâque ac reditu nuntia fama tua
 Ab: meliùs, qui te peregrinas nummus in ora
 Expulit, intacta delituisse humo.
 Non, tibi quas absens calamo transmittò, quer
 relæ,
 Cœpissent tantas in mea damna moras.
 Aureus ut multis fuerit, qui protulit aurum:
 At nobis certè ferreus ille fuit.
 Cur sileam? gemino currunt mihi lumina fonte
 Inque abeunt similes ora soluta modos.
 Heu! ubi lentus abes? Cur te dimisimus unquam
 Nate, dolor matris; nate, parentis amor?
 Non erat, infelix repetenda pecunia tanto
 Pignore; tu nobis omnia solus eras.
 Quid faciam? quò sola ferat? cæcòve parenti
 Te sine quis posthac suppeditabit opem?

Matre

Mater anus, seniorque pater, sine viribus ambo;
 Ille suum fatum sustinet, illa suum.
 An tibi vis scribam, quis pectora concitet æstus,
 Udaque quàm crebris ora rigentur aquis?
 Pinge tibi, matrem scissâ tunicâque comâque
 Lugentem nati funera? talis ego.
 Adde quòd & genitor, quantumvis lumine cassus;
 Plus solito affligi se quòque nocte gemit.
 Scilicet exul abes: quem cùm domus una teneret,
 Jucundi nobis luminis instar eras.
 Ah! quoties pater exclamat: quid fecimus ipsi;
 Divitiis potior natus habendus erat.
 Vive, licet, quamvis rapuisti lumen, hirundo:
 Magna, sed antiqui signa doloris habes.
 Plus mihi I. TOBIAS absens nocet: ille tenebras
 Condensat; nostrum surripit ille diem.
 Hæc genitor: justâ mater turbatior irâ
 Condemno nimia credulitate senem.
 Quid facis? inclamo; nunc nunc circumspice
 mente,
 Quò per distractas spes tua venit opes,
 Funera curabas, vivos ut condere posses;
 Héu miser! illa tui meta laboris erat:
 Fortior ille tamen redituri tempora nati
 Præcipit; & questus temperat ille meos:

B

ANNA;

1. Tobias ab hirundine obcecatus est, de quo sic habes c. 2. Contigit autem, ut quadam die fatigatus à sepultura, veniens in domum jactasset se juxta parietem & obdormisset. Et ex nido hirundinum dormienti illi calida stercorea inciderent super oculos ejus, fieretque cæcus.

ANNA, quid in luctum fereris lacrimabilis? inquit:

Cur sic immodicis fletibus ora rigas?

Mitte queri, quem sic frustra ploratibus urges.

(Singultus Precor ô! comprime) vivit, ait.

Nec reor hoc falso: ductoris provida certè,

Ut credam virtus, sedulitasque facit.

Quin & vaticinans, venturâque tempora doctus

Longa tibi vitæ stamina nenda canit.

Nimirum stabili properantibus ordine fatis

Ille meos oculos comprimet, ille tuos.

Interea tamen usque tui me cura fatigat,

Et placidam dubius non sinit esse dolor.

Non aliter flatu turbantibus æquora ventis;

Fluctuat incerta quassa phaselus aquâ,

Non aliter validis segetes Aquilonibus horrent

Et lævis in madidâ canna palude tremit.

Quid quod scire avidus causamque modumque

morarum

Multa sibi fingit suspiciosus amor?

Nam modò Gabelū mordacibus increpo verbis

Nec prohibet reditus forsitan ille tuos.

Forsitan at fato Gabelus cessit, & inde

Cogeris incertas ire, redire vias.

Fallimur? an 2. Saræ forsan connubia captas?

Heu mihi funestâ febilia tubâ!

TOBIADÈ moneo: Saræ connubia vita;

Ne consanguineus funera jungat Hymen.

U

2. Sara Raguelis filia & consobrina Tobie septem
viris tradita fuerat. Qui primâ nuptiarum nocte
ab Asmodao damonio strangulati sunt, cap. 6.

Urgeat hoc ductor quamvis, Raguelque: paren-
tem

Fas mihi sit, dicas, consuluisse prius.

Interdum timui, ne, dum transmittitis amnes,
Ore neq̃aturas acciperetis aquas.

Nec timui frustra: juvenem propè fluctibus
haustum

Nuper fama fuit: quique referret, erat.

Membra lavaturus juvenis descenderat, inquit,

Quà 3. Tigris primas porrigit amnis aquas.

Cum subito exiliens metuendo corpore piscis,

Ore minax, prædæ visus biare suæ.

Extimuit juvenis, totoque expalluit ore,

Frigidior tactâ tunc quoque factus aquâ.

Et periturus erat, sociam nisi protinus alter,

Qui comes astabat, voce tulisset opem.

Addidit & 4. fellis tractas de viscere partes,

Lenimen cassis utile luminibus.

Subjeci tacitè mecum: opportuna marito

Felleâ quantumvis, ista medela foret.

Erigor interdum, nostrique offensa querelis

Accuso lacrimas fortior ipsa meas.

Sæpe videns cælum puro spectabile Phœbo,

TOBIADES dico, si valet, ipse redit.

B 2

Et

3. Tigris fluvius Assyriam perluens, à velocitate
sic dictus: quod eam feram vel sagittam, quam
etiam Medi Tigrim appellant, fluctuum rapacitate
imitari videatur.

4. Fel piscis à Tobia sepositum Archangeli jussu,
fel enim valet ad ungendos oculos, in quibus
fuerit albugo, sanabuntur. cap. 6.

Et cur non valeat ? subdit pater : ah ! valet , inquit ,

Et reducem mediâ suspicor esse viâ.

Talibus erigimur dictis primâsque subinde

Capto tui reditûs officiosa notas.

Monte minor collis , campis sublimior æquis

Stat propè , quâ 5. Medium 6. Niniva pandit iter.

Hunc ego conscendens molli proclinor in herba

Latâque prospectu metior arva meo.

Nec lacrimæ prohibent , illis quantumlibet unum

Longiùs assueto lumina nostra vident.

Inde ego quas longè venientes conspicio utroque
bras ,

TOBIADEM credo protinus esse meum.

Fallimur ah ! quoties ! quoties mendacia dixi

Exemplôque nocens sum propè facta tuo !

Vidimus besterni sub primam vespersis hora

Ire canem , Domini signa sequentis erant.

Ut vidi , ut solita cœpi compellere voce ,

Latâque comploræ signa dedêre manus !

Constitit attonitus ; falsam me denique sensi !

7. Quî tecum exierat , non fuit ille canis.

5. In Rages civitatem Medorum.

6. Ninive urbs Assyriorum , in qua Tobias ex
domicilium habebat

7. Sic enim cap. 6. Profectus est Tobias , & canis
secutus est eum , & cap. 11. Tunc præcucurrit
canis , qui simul fuerat in viâ : quasi nuntius a
veniens , blandimento suæ caudæ gaudebat.

Indignor, falli que pudet ; jam jamque parabam ,
Quæ solet iratus promere verba dolor.

En canis hoc timuit ; vel ut hoc timuisse puta-
rem ,

Obliquâ fugit longiùs ille viâ ,
Sic ubi sera dies fusco decedit Olympo ,

Clarâque lassatis sol juga demit equis :
Mœsta domum repeto ; suspiria crebra sequun-
tur ,

Quâmque premo , lacrimis humet arena meis.
Utque domûs tetigi primum mœstissima limen ,
Et strepitum insertâ elave dedere fores.


Obvius accurrit genitor , gressûque labascens ,
ANNA quid ? (exclamat) quid precor ANNA
refers ?

TOBIASDES rediit ? suspiria reddimus ; illa
Nempe negaturæ pondera vocis habent.
Nec mora , congemimus , lacrimæque per ora
cadentes

Inque sinum , rigui fluminis instar eunt.
Et tu lentus abes ; nec te promissa reducunt ,
Quique tuo forsân pectore friget amor ?
Huc revoca gressus ; precor ô miserere tuorum ,
Per lacrimas oro , per mea jura patrum.

Rumpe moras vel dede neci ? par pœna paren-
ti est ,

Seu mors, seu longæ, quas trahis usque, moræ.



EPISTOLA QUARTA.

ARGUMENTUM.

HERODES Ascalonita domo Idumæus, cum pe-
 MARIAMNÆ nuptias, quæ ex Assamoneis, &
 Machabæis Genua ducebat, Judaico sceptro inha-
 vet; idq; initio aliquamdiu vafre dissimulasset
 tandem gloriæ & sanguinis appetens animus, vi-
 rus, quod fovebat, nec sine crudelitatis facinoræ
 profudit. Nam primò Hyrcanum annis gravem, a
 Pontificem summū apud Judæos, nec non MARIAM-
 NÆ avum ex Alexandra filia interfici jubet. Tum
 Aristobulum MARIAMNÆ fratrem primam adhu-
 intra juventam; Hyrcani in Pontificatu successo-
 rem per insidias aquis suffocat. Exinde verò MA-
 RIAMNAM quoq; conjugem, quasi Seneficij accusa-
 tam carceri mancipat, morte postea, uti contigit
 multandam. Cum igitur MARIAMNA id per sa-
 tellitem intellexisset, ex carcere hanc ad HERODEM
 Epistolam scribit: in qua ferociam ejus ac barba-
 riem accusando, graçiter conqueritur, Filiorum
 item Alexandri & Aristobuli, quos ex eo tulerat
 & juniores relinquebat, infortunium deplorat: le-
 getq; tam barbaro patre natos, à quo ipsimet quoq;
 postea in judicium & capitis pœnam accersendi fi-
 rent. Ut ut sit affirmat, se quidem libenter, quana-
 ita necesse esset (quamquam per summū nefas) mor-
 tem oppetere. Deniq; HERODI infelicem exitum a-
 diras non tam imprecatur, quàm Scluti vatici-
 nando denunciat: quod utique evenit, turpi atque
 infelici morte defuncto. Josephus Saliæus tom. 6

Mariamna Herodi,



SYMBOLUM.

Cupido sive Hymenæus, qui Nuptiarum Deus apud veteres habitus est, sepositus ad latus cædâ & arcu, lanium hîc agit: simulque Herodem exhibet, Mariamnæ, quam sibi conjugio copulaverat, interfectorem. Quippe etiam interdum in amore dolus est; & ne fallaris.

Stringunt quoque serica fauces.

SACRARUM HERODUM
Mariamna Herodi.

Perlegis? an feritas prohibet tua? perlege
sunt hæc

Ultima damnatae verba notata manu.

Infelix MARIAMNA tibi malè nupta marito ;
Judice te moriens in tua facta queror.

Nec queror ; humana quòd te prece posse mover
Fortè putem ; pectus tigridis intus habes.

Da veniam pietas animi vetus hospita ; cogit
Si modò succensens aspera verba dolor.

Proderis , HERODES : tua te per facta revelas ,
Semina sanguineæ nil nisi mentis alis.

Non te terra tulit , qui sylvis horret Idume :
Te rupes , sævæ te genuère feræ.

Penè manus calamum excussit : quid, inania, dixi,
Et frustrà duro scribimus ista viro?

Sed cùm perdiderim sceptrum , 1. fratrémque
2. patrémque :

Mox etiam vitam ; perdere verba leve est.

Scribimus , atque utinam venis mucrone re-
clusis ,

Exiret iussus in mea scripta cruor !

Nimirum quam initto , meo livere cruore

Debuit , & factis charta rubere tuis.

Da breve scribendi spatium , scelerate ; rubebit ,
Tinctus & à nuptæ cæde libellus erit.

Sed malè quòd rapior? quòd me dolor ultimus ur-
get ;

Tempestat animo non sedet æqua meo.

Ille

1. Aristobulum. 2. Alexandrum , vel si mavis.
Hyrcanum Pontificem Mariamna avum.

Illa dies nocuit, quâ junctâ fœdera dextrâ
 Contraxi, in thalamos uxor itura tuos
 Non aliter sævo accipitri sine felle columba,
 Non aliter raptò jungitur agna lupo,
 Non ego peccavi: luasit connubia mater,
 Et malè succensas prætulit illa faces.
 Quid? quòd & Hyrcanus mitrâ gravis auctor,
 & annis

Annuit; arbitrium neptis habebat avus.
 Túque fefellisti, blandis sermonibus usus:
 Quem gereres, vultus non erat ille tuus.
 Scilicet occultè genialis imagine tædæ,
 Prensabas avidâ regia sceptrà manu.
 Quid quid id est (fateor) pudor est placuisse ty-
 ranno,

Téque feram verbis detinuisse meis:
 Vos quoque, vos mecû Solymæ peccastis amicæ,
 Quæ mihi porrectâ membra locâstis aquâ
 Cùm gemas digitis, cùm tortile crinibus aurum,
 Festâque nubenti vota daretis heræ:
 Sæpius illacrimans (memini) suspiria traxi:
 Nec mihi, nec patriæ candidus Hymen erat.
 Quod petit, HERODES, nil est nisi regia Judæ,
 (Verâque sum vates) sceptrà cruórque meus.
 Nec differre diu placuit, quin sanguine fuso
 Pollueres fœdâ non tua sceptrà manu
 Prima secuturas inter cadis hostia cædes
 3. Hyrcanè, & nudam sanguine tingis humum.

B s

Inde

3. Hyrcanum Pontificem per calumniam necat He-
 rodes; quasi scilicet fugam meditantem, & regnum,
 Malesi Arabis ope ambientem.

Inde, scelus; (justo defunt sua verba dolori!
 Occidis & patriæ, 4. frater adempte, meæ.
 Æstus erat; gelidæ formoso gurgite lymphæ
 Apra nataturo stagna locumque dabant.
 Hunc petis infelix, viridisque in margine ripæ
 Pous humi vestem; corpora flumen habet
 Heu! malè quò ferris? latet isto proditor amnis
 Et tenet occultas insidiator aquas.
 Scilicet occumbis: liquidi sub imagine ludi;
 Et crevit lacrimis alveus iste meis.
 Quid referam, quoties thalamos suffoderis astu-
 s. Reddiderint viduas & tua iussa nurus?
 Ah! quoties dixi: stricto præluditur ense
 Si nescis, fatis, ô MARIAMNA, tuis.
 Cùm fecit hinc sepem, circumque arbusta se-
 curis,
 Quod sibi nunc timeat proxima myrtus, habet
 Fortè aderant 6. nati: sed & hi, dolor! hostia vi-
 vunt
 Casura in fraudes sanguinolenta tuas.
 Quid facimus? mœstæ charissima pignora ma-
 tri,
 Materies lacrimis sola pianda meis.
 Quid facimus? stabant strictis amplexib⁹ ambo
 Cùm matri abreptos; longiùs ire jubes.
 Per.

4. *Aristobulus Mariamna frater anno ætatis 17.
 dum juveniliter sese balneo oblectat jussu Herodis
 sed quasi per ludum, aquis suffocatur.*
 5. *Plurimos Nobilium è medio tollit.*
 6. *Alexander & Aristobulus Herodis ex Mariam-
 na filij.*

Perfide, & hac etiam sævis pietate? quid illis
Heu! sine matre pater? nil nisi tortor erit;
Flent gemini: rapimur, genitrix charissima,
clamant:

Senserunt duri perfida iussa patris.
Nec mora complexu, madidisq; recepimus ulnis,
Strinximus & tepido corpora bina sinu;
Ite boni, & memores matris, iussique paterni
In ferias animæ iustæque ferte meæ.
Attamen, heu! vereor (Superi removete, quod
intus

Cor pavet, & dubio succutit ossa metu)
Ite boni, & si quid properantiùs ordine fati
Vos etiam turbo patre furente petat.
Matris ad exemplum generosæ occumbite morti,
Et vitæ & regno clarius istud erit.
Flecteris, HERODES? an, quo mox omnia vultu
Excipis, & siccis perlegis ista genis?
Cur dubitem, arescunt oculi tibi, pumicis
instar:

Et cor, quod silices saxæque vincat, habes;
Regius interea vultu mœrente satelles
Venit, & oppositæ lumina fixit humi,
Protinus agnovi, quid mœsta silentia ferrent;
Occultus tunica ferreus ensis erat.
His mea muneribus connubia regia donas?
Sic tibi sum vilis, sic tibi visa nocens?
Quâ merui culpâ virus sparsisse putari,
Pelleæque infidâ pocla dedisse manu?
Ipse tibi virus; te præter, causa nocendi
Nulla: venenato cor tibi felle natat.

Ab utinam? dolor est, sic sævo occumbere letho
Et turpem titulum mortis habere meæ.

Nec tamen ita moror: sic 7. Judas prælia movi
Et similis magnis area cessit avis.

Aspice: sic 8. Jonathas occulto proditur hoste,
Inque Tryphoniacas incidit ille manus.

Notus & 9. Abobides socerum fratresque ne
cavit,

Sanguine constructas inficiente dapes.

En ego nunc, ne fortè parùm 10. Assamoni
credat,

In patrias clades ultima gentis co.

Quidquid erit, moriar: sed ut altæ prodig
mentis

Pectora, queis victor, quo fremit hostis, habet
Insequar auctorem (sic me volet ire Tonanti
Ultio) sanguineis umbra timenda comis.

11. Percurres pavidos lymphata voce penates
Ut solet affuso currere Baccha Deo.

Clamabis modò tolle faces, modò; vulnera tolle
Sum reus, oppressæ conjugis ultor adest,

Atta

7. Judas Machabeus cum fratribus Saria ab ho
stibus per dolum passus est.

8. Jonathas per speciem amicitiae exceptus, Ptole
maide à Tryphone interficitur.

9. Ptolomæus filius Abobi Simonis gener, cum Ju
dea regnum affectaret, socerum cum filiis convivii
exceptos interemit.

10. Utique ex Assamonæis & Machabæis oriunda

11. Herodes à Mariannæ conjugis morte in fure
rem actus est,

Attamen incassum : nil proficientia fundes
Verba , stat immotâ vindicis ira manu.

12. Jamque minuta parant tibi fœdam examina
mortem :

Debetur vitæ terminus illæ tuæ.

Forſan & in tumulo pereat ne fama ſepulcra ,
Aut hoc , aut ſimili carmine notus eris.

Hic jacet Herodes : tumulum execrare Viator :

Deſpue ; fœtorem nil niſi terra regit.

Neu lethi mirere genus : qui funere multos

Merſit , & à multis jure necandus erat.

12. Obijt enim fœtenti ac pediculari morbo : ſuis
omnibus gravis juxtâ atque exoſus.



EPISTOLA QUINTA.

ARGUMENTUM.

Serviente in Christianos Maximiano, ferunt
Cæsareæ Cappadociæ oppido DOROTHEAM Vir-
ginem extitisse pro sapia nobili: qua, quid in homi-
ne supra ætatem, & sexum Virtus posset, egregiè
ostendit. Nam cum ab Apricio Praside Djs sacri-
ficare juberetur, eò usque processit, ut nec delicijs,
nec supplicijs tentata, à fide recesserit. Et verò in-
ter cruciatus dixisse affirmant, eapropter tormen-
ta nihili se habere: quòd ijs videlicet, aditus sibi
in caelestes hortos ac vireta patefceret, ubi pomis ac
rosis deliciaretur. Cum autem id temporis, utique
Februario mense, asperogelus solum rigeret, plures
id joculari risu excepere: quos inter THEOPHI-
LUS juvenis Causidicus dixisse fertur: Transmite-
ret ad se, quas jactabat hortorum delicias ac fru-
ges, si veras. Adpromisit DOROTHEA Quare jam
capitis damnata, cum ad supplicij locum raptare-
tur: Angelus Ephebi in habitu cultuq; recentes ei
rosas ac poma obtulit. Illum ergò DOROTHEA cum
hac Epistola ad THEOPHILUM mittit: adhortans,
uti ex munere reddito, fidem ipse quoq; capefferet,
quod & fecit, adeoq; constanter, ut & morsem pro
eo, (DOROTHEÆ exemplum secutus) eodémque die,
quo ipsa capite plexa est, generosè ac fortiter obi-
verit. Surius Tom. I. Martyrol. Rom. 6. Febr.



37.

S Y M B O L U M.

Theophilus ad oblatam rosam sine mora in *Dorotheæ* fidem concedit, ex *Fuco* mutatus quasi in *Apem*; quam scripsit *Plinius lib. 21. cap. 11.* rosis maximè allisci & delectari.

— *Tantus utrinque
Urget mellis amor.*

Do.

SACRARIUM HEROIDUM
Dorothea Theophilo.

QUÆ NOVA THEIOPHILO transmittit charta salutem,

DOROTHEÆ casti pignus amoris habet.

Perlege quodcunque est, & aperto tange canistro
Elysiæ inter mitia poma rosas.

Néve reformides hybernæ tempora brumæ;

Neu dicas magicæ, quod damus, artis opus.

Pone metum; tortis hæc nulla venefica rhombis;

Sævæque 1. Thessalico carmine fallit anus.

Esto, æt gelidis Aquilonis inhorreat alis,

Duratámque alta sub nive claudat humum.

Hoc terræ vitium est; facies nitet altera cælo

Nec nive, nec duro læditur illa gelu.

Illic pupurei circum pascuntur Amores,

Vernæque pacatis otia rebus agunt.

Illic perpetuo vestitur gramine campus,

Nec riget excussâ spina relicta rosâ.

Credere si dubitas, quæ mittimus inspicere poma,

Quæque tibi Angelicâ dona feruntur ope.

Nam quid ego sileam? capitis damnata trabebar,

Inque meis oculis licetor & ensis erant.

Cùm subito cuneos inter, turbámque fremen-
tem

Aliger aspectus constitit ante meos.

Candida vestit erat, picto circumdata lympo;

Arte velut 2. Phrygia sutilis ornat acus.

Aud

1 Thessali Græciæ populi, incantationibus ac veneficijs olim famosi 2. Phryges minoris Asiæ populi, pingendi acu olim peritissimi: unde & similium vestium artifices Phrygiones appellati.

Aurea subductam mordebat fibula pallam ,
 Qualis ad excursus pingitur ales Amor ,
 Lactea frons illi , compti sine lege capilli ;
 Transferat pomii fusus in ora rubor.
 Et prior ille mihi dubitanti scribere , dixit ,
 Scribe : dabit victas in tua jura manus.
 Novimus hunc ; plus est quam 3. nomine notus
 amator ,
 Mollia pacatæ semina mentis alit ,
 Utque sit hoc verum (quantum reminiscor) has
 bebas
 Jam tunc ora sacro nomine digna tegi.
 Da veniam , primæ si scribimus acta juventæ :
 Forſan & hîc aliquid , quod juvat , eſſe poteſt.
 Vix mihi biſſenas meſſes numeraverat annus ,
 Cùm prima incipiens corda mormordit Amor.
 Nec malus ille fuit : cæleſti ſcilicet arcu
 Quæ mihi diſtrinxit tela , ſalutis erant.
 Ex hinc fœminei cœperunt tœdia cultûs :
 Tœdia ſingultu ſæpe notata meo.
 Nil mihi cum ſpeculo , cultu formoſa videri ,
 Iſta inter multas ultima cura fuit.
 Clauiſa domo , laterique latus conjuncta paren-
 tis ,

4. Davidicam didici ſollicitare chelym.

O quo

3. *Theophilus* , id eſt , amans Deum.

4. S. Hieron. *Psalmos Davidicos valdè Virginibus commendabat : Hinc ad Letam de inſtitut. filia Turpia inquit , verba non intelligat , Cantica mundi ignoret : adhuc tenera lingua Psalmis dulcibus imbuatur,*

Quoties medios rupi singultibus hymnos :
 Verbâque per lacrymas hæc sonuere meas !
 Urimur . ô JESU ! carpunt præcordia flammæ ;
 Inque tuos thalamos me facer ardor agit,
 Quando erit , ut niveis Hymen circumstrepas
 alis ,

Mèque tibi casto fœdere jungat Amor ?
 Audierat mater : feliciter ureris , inquit ,
 Filia ; sed monitis cautior esto meis .

Tuta late ; juvènesque procùl vitare memento :
 Et cave THEIOPHILI nomine quisquis erit .
 Ut formæ illicium , speciosâque nomina gesser ,
 Adversum Christo subdolus urget iter :
 Credis & hoc nobis ? optavi supplice voto :
 Ut tuus ex vero nominis esset honor .
 Falleris , adjeci ; quem nobis rere timendum ;
 Adde moræ medicum , mater , amandus erit .
 s. Nomina junguntur ; quondam jungemur &
 ipsi

Sic meus hinc nobis omina captat Amor .
 Ludor ; an adversis incumbis navita remis ?
 Inque necaturas præcipitaris aquas ?
 Quò ruis infelix ? quò te malus abripit æstus ?
 Siste ratem : vento non volat illa suo ,
 Verbosas lites , clamosa negotia tractas ,
 Censerique ista primus in arte cupis .
 Quid tibi cum causis , causâ si deficiis unâ ,
 Quæ rigido sursum discutienda foro est :

Mita

s. *Theophilus* , id est , amans Deum ; uti supra anno-
 tavi . *Dorothea* verò , id est , donum Dei .

Mitte malas lites sūntne ista negotia tanti ,
 Ut , dum alios servas ipse , perire velis ?
 Inspice : sanguinea pendentis ab arbore Christi
 Quæ nova concipias jura , volumen habes.
 Nec tibi turpe puta , Christum coluisse ; cruento
 Quantumvis trunco vile pependit onus.
 Turpe Jovem coluisse fuit ; cui turpiter usto
 Cūm Veneris placuit crimen , adulter erat.
 6. Scilicet in stuprum simulato arsisse juvenco
 Dicitur , & 7. nivea factus adulter ave ,
 Vincimus ? an monitis necdum tractabile pectus.
 Duræque quod silicum robora vincat , habes ?
 Christe , tuo tinctas rupisti sanguine cautes :
 Unum non poteris perdomuisse virum :
 THEIOPHILE ah ! quid ages ? quæ mittimus , in-
 spice poma ,
 Ingrati maculâ pectoris illa rubent.
 Cætera quid referam ? jurantia scribere verba
 Pene animus malo , quo caperere , fuit.
 Sic quondam inscripto 8. Cydippe proditâ pomo ,
 Venit in Idalias præda cupita plagas.

Hæc

6. 7. Poëta fabulantur. Jovem in taurum trans-
 formatum Europam Phœnicum Regis filiam , & in
 cygnum Ledam Laconiae Regis , uxorem corrupisse.
 8. Cydippe Virgo astu Acontij , se illi in uxorem pa-
 tisci visa est perlecto carmine , quod pulcherrimo
 pomo Acontius inscripserat : hi autem duo versus
 inscripti traduntur.

Juro tibi sanè per mystica sacra Dianæ ,
 Me tibi venturam comitem , sponsamque futu-
 ram.

Hæc ego vel cultro , liquido vel desuper auro
Scripsissem faustas inter habenda notas.

DOROTHEA , *hoc juro : vanas Jovis execror aras ;
Quódque colis Numen , hoc mihi Numen erit.*

Jura licet contra moveas laudata redirem ,
Te conservato si rea fraudis agar.

Scilicet est aliquid , meditatis fraudibus uti ;
Si , quem tu fallas , perdere nolle fuit.

Interea dum scribo , fremit mugitibus aër ;
Excussa est gremio littera pene meo ,

Quid facis , ô Borea ? violentos comprime flatus ,
Si nescis , unâ plûs mihi parte noces.

Iusta peto ? motam retinet modérantiùs auram ;
Annuit & votis mitior ille meis.

Quin etiam obducto scribentem velat amictu
Aliger , & cœptum perfice , dixit opus.

Nil tibi sic venti , quamvis per nubila currant ;
Officient , pluvia nec gravis imber aquâ.

THEIOPHILE , ah ! quid agis ? nullum sit in omi-
ne pondus :

Frangor , & articulo dextra tremente labat.
Nimirum quoties mihi nomen Apritius exit ;

Terreor , & tacitus succutit ossa pavor.
Nempe tibi si fingis aprum , truculentior illo est :

Fulmineo quamvis dente timendus aper.
Hic gladios , hic tela rotat , tonat igneus ore :

Hic , quo te possis perdere , fulmen habet.
At cur hæc paveas ? cur lethi territùs umbrâ

Castra fugis , primo vix bene tacta pede ?
Fœmina si potui ferrum superare tyranni ,

Tu vir ad exiguas commovere minas ?

Pone metum : nostris mersus cervicibus ensis ;
Idem acie posita jam tibi mollis erit ,
Forssitan & victrix adero cervice cruenta ;
Occurrámque oculis umbra benigna tuis
THEIOPHILE , ecquid adhuc dubitas succedere ?
dicam :

Purpureis balat semita tota rosis.
Quacumque ingredior , rident cœlestia Tempe ,
Latáque perpetuo gramine floret humus.
Da mihi te socium ; dextram committe sorori
Frater , & æterni fœderis adde fidem.
Híc ubi constiteris ; non sunt mendacia , dices ;
Ille locus fuerat sanguine dignus emi.
Scribere plura cupit , quo nunc tibi scribimus ,
ardor :

Sed brevis , heu ! fati præpedit hora mei.
Dextra tenet calamus , sed nudo lictor in ense
Imperat abrumpi , quod modò tractat opus.
Imperat à collo sparsos deducere crines ,
Ne sistant gladij percutientis iter.
Nuda humeros , genibúsq; minor , nova victi-
ma cæli ,

Libratam expecto mox ferienda manum ,
Hæc est DOROTHEÆ tibi nunc scribentis imago ;
Cætera qui scribat , ferreus ensis erit.
Atque utinam mortis nostræ spectator adesses ,
Inque tuis oculis exigeretur opus !
Ut pius es , placidámque foves sub pectore men-
tem ,

Spectares madidis funera nostra genis.

Et (puto) suspirans ipso mætronis in ictu;
 Quæ cadit, (adjiceres) vivere digna fuit!
 Vivere digna quidem, sed dignior esse recidi,
 Sicque Deo fusos evoluisse suos,
 Quod precor, hoc summum est, det ut oblita
 cæde papyrus,

Hæc tibi sanguineis verba legenda notis.

9. *Lactæ olim tali modo limina sanguine torant:*
Quò noster præijt calle sequendus Amor.
Dorothea hæc iuit sed & hæc penetravit eadem
Theiophilus: dux hæc funeris, ille comes.

9. *Lactæus orbis, sive circulus, quem Græci γαλαξίας*
ἑῖαν vocant à lactis candore, sive stellis albican-
tibus De quo Ovid. I. Metam.

Est via sublimis cælo manifesta sereno.

Lactea nomen habet, candore notabilis ipso.



EPISTOLA SEXTA.

ARGUMENTUM.

Habet amor læsus, maximè cum virtutis viâ ad Deum nititur, etiam in fœmina suos & gravissimos aculeos. Documentum hac Epistola traditur. Quippe Isdegerde Persarum Dynastâ, Idolorum cultum quâ blanditijs quâ minationibus ac tormentis urgente ferunt: Nobilibus quempiam, cui JACOBO nomen è recordiæ processisse, ut fidem, quam Christo & conjugii juraverat, regie amicitie posthabuerit. Quod statim atque uxor ejus, ampli animi fœmina intellexit: Si doloris & facinoris atrocitate saucia, una cum socru hanc Epistolam scribere aggressa est. Atque in hac primò levitatis ac perfidie maritum coarguit & divortiumq; intenta, nisi facti pœnitentia ad sanio rem mentem redeat. In eum finem rationes proponit, quas amor conjugalis, præsertim læsus suggerit. Neque profectò incassum. Siquidem hac Epistola ita JACOBI mentem perculit, ut sine mora Rege adito, facinus retractaverit: etiam martyrium pro fide passus. Nam sæviente tyranno, quod se illud cerneret, membratim caditur, unde & INQ. TERCISUS dictus est. Historia uxoris nomen subicit: sed quia ambo ex Elape civitate Persidis oriundi erant: hanc ELAPIM, illum verò ELAPIDEM in versu appellare placuit. Niceph. lib. 14. Hist. Surius Tom. 7. Martyrol. Rom. 27. Novembris.

Elapis Jacobo.



46

SYMBOLUM.

Veteribus fax accensa, conjugij; extin-
cta verò seu inversa, repudij signum erat.
per hoc patet *Elapidis* animus in mari-
tum, quem Deo sibi que pariter perfidum
rejecit, sed felici eventu.

*Inversa premit, conversa resuscitat
ignem.*

Ela.

Elapis Jacobo.

Scribimus ELAPIDE nuper dominoque virō-
que !

Nunc tibi quo scribam nomen utrūq; petis.
Nedominum appellem, servum te regia fecit.

Admissūque virum, quem fleat, uxor habet.

Ah ! utinam primū cum cœpi scire quis esses,

Admisique tuas nupta futura preces !

Mors mihi pro thalamo funebria ligna dedisset,

Pro cythara, mœstâ carmina ducta tubâ.

Quæ fuit alba mihi nascenti, debuit hora

Ah ! potius letho nigra fuisse meo :

Ecquid enim tecum senos mihi profuit annos

Vivere, si læsus crimine cessat amor ?

Dum tibi tradebar (memini) nova nupta marito;

Fulgeretque sua lampade noster Hymen.

Fulgeat : ô utinam ! dixi ; quoque ardet ab igne

Non extinguendas nutriet ille faces.

Tu quoque dicebas inter jurantia verba,

Cumque foret dextræ dextra juncta meæ.

ELAPIS, hoc voveo, nostrum dum vivet uterque,

Ipsè tuus semper, tu meâ semper eris.

Vivimus, ELAPIDE, nec sum tua ; nec meus esse

Ipsè reus sceleris, perfidiæque potes.

Mentior ? an falsum, spretâ quod Numinis arâ

Diceris r. Arfacidis thura dedisse Diis ?

Dicar in hoc utinam mendax, & crimine falso

Et nimium præceptis insimulasse virum !

G

Sed

3. Arfacida Persæ olim dicti ab Arface Rege.

Sed non sum mendax ; calami neque crimini
nostri ,

Sed tua sunt lacrimis crimina flenda meis.

Venit, 2. Achæmeniâ tibi qui comes i verat aul

Murcius, & tactum vix bene limen erat.

ELAPIDES, dixi, quid agit meus ? ille pudore

Constitit, effusis ora rigatus aquis.

Indolui pavitans, quamvis incerta quid esset :

Sed quod tunc dolui, quôdque verebar, era

Nâmque ubi deterfis oculorum fletibus ora

Solvit probrosos rettulit ille sonos.

Rettuliz, ut plenâ populis libantibus aulâ

Arsère invitis impia thura focis.

Alta nigrescebant nebuloso compita fumo :

Non thuris, fumus criminis ille fuit.

Singula dum narrat, gemitûsque id verba pro
fundit :

Eliciunt gemitus singula verba meos.

Urgemus tamen effari : lacrimosa quid urges :

Subdidit. ô forti nubere digna viro !

Protinus exilui ; & subito (tenuisse putares)

Annulus à digitis excidit ipse meis.

Scilicet exosus fictæ perjuria linguæ ,

Proditor exemplo noluit esse tuo.

Hec ! ubi pacta fides ? exclamo : ubi præstiti

Christo

Vota, sub arduos vota ferenda rogos ?

Quò tuis, ELAPIDES ? lacrimis tingentibus ora

Cætera me dicunt non potuisse loqui.

Qui

2. Itémque Achamenij ab Achamene primo eoru
Rege.

Quin etiam exanguem, tenebrisque repente lub-
ortis

Succiduo ad terram procubuisse genu.
Accurrunt famulæ, gelidâque aspergimur undâ?
Semianimem socrus sustinet ipsa nurum,
Et mihi, vive nurus, nurus ô charissima, dixit;
Jam (puto) perfidix corrigit acta suæ,
Mortua (crede mihi) tamen istâ voce revixi,
Redditâque est oculis lux, velut ante meis.
Quid tamen hoc prodest, oculis si lædor apertis,
Et vel sic telum, quo feriamur, habent?
Parvus JACOBIDES, formosus imagine patris,
Hærebat gremio sarcina mœsta meo.
Unde per amplexus nostras effusus in ulnas;
Quæ tibi nunc, mater, funera flentur? ait,
An pater occubuit? licuisset dicere rectè!
Pròque sacro occubuit Numine; quanta so-
rem!

Ast aliâ in luctum causâ deducimur: illa,
Quâ vivis, mœsti funeris instar habet.
Interea cupido tua facta ediscere nato,
Reddidimus trist: talia verba sono.
Mollis, JACOBIDE, pater est tibi: jussa parentis
Corrige: sic illi degener esse vellis!
Quid fies? blande puer, meliori digne parente!
Sunt tibi præstantes, quos imiteris, avi.
Corpore parvus adhuc, sed sanguine crescis eo-
dem.

Errorum patris diluat iste cruor.
Audiit, & nivei posito velamine colli.
Chara parens non me vox tua terret, ait.

Ibimus, ô mater: jugulum præbebitur ensi,
 Qui bene per patris pectus iturus erat.
 Est mihi, qui fosso currat de pectore sanguis,
 Et bene non tinctam qui bene tingit humum.
 Quid mihi tunc animi fuerit, cognoscere certè
 Ni modò desieris tu pater esse, potes.
 Brachia miscuimus, blandèque per oscula nexi
 Confudi lacrimas illius: ille meas:
 Quin age, chare puer, primis quoque fortior
 annis,
 Quæ pater extrinxit vulnèra, disce pati,
 Atque utinam mater jungar tibi! quòq; maritus.
 Non cecidit ferro, nupta puèrque eadant.
 Plura quid hîc referam? vellem cognoscere posse.
 Quæ modò sit nostræ formæ, tenòrque domûs.
 Flent famulæ, mœstâ feriunt sibi pectora dex-
 trâ,
 Inque domo lacrimas angulus omnis habet.
 Heu mihi! quàm largus scribenti decedit imber!
 Illo, quem spectas imbre, litura venit.
 Quid facitis lacrimæ? crimen delere mariti?
 Quid mea non jussis charta madescit aquis
 Scribere cessabam: cùm nobis proxima socrus
 Accumulat sociâ tristitia verba notâ?
 Scribere, quid hîc cessas, murus ô lacrimabilis
 inquit?
 Scribe, ferat questus hæc quoque charta meos,
 Nate, dolor matris, malefauti præda timoris,
 Quo tuus inventos tam citò fugit amor?
 Hæcine sunt nostra solatia danda senectæ;
 Hæcine sunt curis præmia danda meis,

Parvus eras (neminus) cum ficti fulmine belli,
Martyrio nobis erudiendus eras.
O! quoties nudos tibi cum monstravimus caeses,
Risisti armatas militis ense manus.
Ipsa ego te vidi, quò fortia fata subires,
Ante aram curvo vota tulisse genu.
Quà bene cœpisti, cur nunc malè cedis arenâ?
Cur tam dissimiles hic vir, & ille puer?
Si fuit errandum, si sic: nobilque futura
Non fuerant culpâ fata priora tua
Ab! meliùs tibi prima dies, tibi summa fuisset:
Nate, fuit cunis aptior urna tuis.
Scilicet innocuis artus, sine crimine membra,
Et luctûs fontem clauderet illa mei.
Sic queritur mater, justoque armata dolore
Sollicitat questus in tua facta meos.
Mobilis ELAPIDIS, quò te tuus abstulit error?
Verbâque promissis inferiora tuis?
Qui meus hinc, cur non etiam meus inde redisti:
Nuptâque sum reducis, sicut euntis eram?
Tene feram paritèrque reum, paritèrque mari-
tum?
Dicat ut infidi conjugis uxor ego?
Dovorer antè, precor, subito telluris hiatu,
Antè vel excussi fulminis igne cadam.
At meliùs! dextrum mihi cor salit? altera sæpe
Quod perdit, revehit altera sæpe dies.
Quod Petrus admisit crimen, quas Magdala no-
Ille suis lacrimis lavit, & illa suis. (xas.
Nec tu primus eris, qui viso expalluit ense,
Quem post visceribus condidit ipse suis.

Auguror, hoc facies: illo mihi littera voto
 Promicat in laudes ambitiosa tuas.
 Neu tibi servato titulos, prætiosâqueingas.
 Nomina; 3. TRUNCATO gloria major erit
 Sic nobis geminæ crescent præconia famæ:
 ELAPIS ELAPIDÆ Martyris uxor ero.
 At cupiam potius vibrato occurrere ferro,
 In tua cùm sævus pectora lictor ager.
 Et mihi (si nescis) bullit sub pectore sanguis
 Et propè jam bellis invidet ille tuis.
 Ipsa ego quando tuo stillantia tela cruore
 Videro, clamabo: non satis illa rubent.
 Huc in nos veniant, & nuptæ tangere donent
 Corpora TRUNCATI sanguinolenta viri.
 Tunc erit, ut dicunt morientia conjugis ora
 Verus Hymen nobis ultimus iste dies,
 Fallor? an ambobus pulchro certamine functi
 Augebit cæsus funera bina puer?
 Augeas ab utinam! nobisque hæc funera possit
 Candidus admissio Lucifer ortus equo!
 Si tamen is patri vivat, matrisque superstes;
 Qui socio tumulo corpora condat, erit.
 Ille memor causæ, pro qua defungimur ambobus
 Inscribet titulo nostra sepulcra brevi.
 Hoc jacet Elapides tumulo, jacet Elapis: ambo
 Edidit unus amor, condidit unus amor.

3. Fit allusio ad Intercisi nomen, quod illi à martyrii sui supra in argumento memoravi, inditum est.

EPISTOLA SEPTIMA.

ARGUMENTUM.

EUSTACHIUS (cui & PLACIDO nomen ante baptismum) vir extitit sub Trajano imperatore, domi militiaque clarus in paucis. Vē-
 ūm, ut se habent res humana, cū bonorum
 omnium iacturam fecisset, statuit cum THEO-
 PISTA conjugē, parvulisque liberis AGAPI-
 O, & THEOPISTO ex Italia in Ægyptum
 navigare, privatam illic vitam acturus. Sed
 ecce in via gravior, & acerbior illum casus
 invadit. Siquidem THEOPISTA primū per-
 fidia naviculi illi surripitur: tum & duo ejus
 filij in trajectu fluminis leoni, ac lupo in pra-
 dam cedunt: qui tamen à pastoribus erepti, re-
 princeps intra eorum mapalia adolescere. Simili-
 ter THEOPISTA lenoni impuro per caelestis
 vindicta prodigium surrepta est: quae exinde
 pro famula apud heram rusticanam, quindecim
 ipsos annos sese locavit; gessitque. Hæc igitur
 cū de PLACIDO quidpiam inaudisset, quem
 Cæsar conquiri in Ducem adversus Barbaros ju-
 bebat: hanc Epistolam ad eum exarat; in qua
 quidquid sibi à raptu acciderat, recenset. Tum
 & de filiis nonnulla attexit: quos primò à be-
 stiis laceratos, ac ereptos postea obscurā famā
 intellexerat. Hortatur ergo, ut exercitum mo-
 veat contra Barbaros: prius tamen se in labo-
 rum.

rum, imò & Martyrij (quod vaticinio assequi-
 tur) sociam adscisci postulat. Nec verò fefellit
 eventus: Quippe procedente tempore EUSTA-
 CHIUS, & THEOPISTA, itémque, filij qui
 sub patris Sexillis merebant, cùm in mutuam
 notitiam venissent: primò vincula, cùm & mor-
 tem pro fide, tauro aneo candentique inclusi,
 fortiter oppetiére. Batonius Tom. 2, Mar-
 tyrolog. Rom. 20. Septem-
 bris.



Theopista Eustachio.



SYMBOLUM.

Pes circini, unde digressus, revertitur, & orbiculum fingit; quo veteres Ægyptij Deum significabant. Sic EUSTACHIUS cum conjuge & liberis distracti primò, tum deinde rursus in unum coeunt; Deo utique per igneum taurum sacrandi. Bene illis.

Redit labor actus in Orbem.

Theopista Eustachio.

Missa venit i. Phariis, malè quas tentavimus
oris

Hæc tibi captivâ littera scripta manu
Vix illâ THEORISTA tibi noscetur; amictu
Fortunæ antiquum dimissulante decus.
Sed tua sum, quamvis versis ad tristia fatis:
Et tua (quod superest temporis) esse volo.
Perlege, nec grave sit nostros ediscere casus,
Scilicet hoc veri pondus amoris habet,
Nox erat in cursu, cùm te præeunte jubebat.
Cedere possessæ finibus Italix.
Jussa domo cessi, natis comitata duobus,
Qui mihi conjugij summa superstes erant.
Quos ego non gemitus quæ non suspiria fudi;
Respiciens patrios, dum licet usque, lares!
Venimus ad portum, navem conscendimus ægrè
Linquebat Latiam pes mihi tardus humum.
Quò ruimus? tacito mecum sub pectore dixi:
Quid Libycum infausta puppe paramus iter?
Nauta fuit (memini) sed falso nomine nauta:
Eleverunt nati, perfidus hostis erat.
Jàmque ferebamur vento, quo parte Canopi
Niliacas ponto devehit unda rates.
Nescio quâ subitos causâ faciente timores,
Qui fuit in fluctu, constitit ore color,
Scilicet infidiis petitur mea forma, simulque
Panditur in curas area longa tuas.

Ex-

Exieram navi, Positis in littore natis;
 Jamque manum nobis exhibiturus eras,
 Cum subito incumbens projecto navita conto;
 Longius à ripa provehit ille ratem.
 Abstrahor, EUSTACHIDE, clamo: sed turbidus
 aufert

Nequidquam fufas ventus & unda preces.
 Perfide quid tentas? non sum sine vindice; ful-
 men,

Quo superi castam me tueantur, habent,
 Surdior ille freto nequidquam adversa movere:
 rem

Pertraxit laceris in sua tecta comis.
 Ne metue: ex digitis aurum quod fortè micabat
 Abstulit: ulterius nil habet ille mei.
 Quin scelus hoc rapuisse fuit: subitoque propin-
 quam,

Quam pede tangebat, corpore planxit humum.
 Quid tamen hoc nobis frustra grateris? ab illo,
 Quod duxi vitæ, tempore pœna fuit.
 Nimirum famulas inter, damnata labori-
 Brachia, barbaricæ pensa locamus heræ.

Ah! quoties, madida dum torquo stamina dex-
 Inlolutæ fufos comminuère manus! (trâ,
 Ah! quoties saturis expressimus ubera vaccis!
 Et somnum pastas cepimus inter oves!

Viderat hoc aliquis percussusque illice formam;
 Plus hic quàm famulam vultus obumbrat, ait,
 Nec mora, conjugij sibi spem facit: ast ego con-
 trâ, (men.

Quid tentas? quam vis jungere, juoxit. Hy-

EUSTACHIDÆ conjux dum prospera fata manebant ;

EUSTACHIDÆ conjux exulis exul ero.

Interea dum pensa gravant, excudimus hymnos

Et varia duras fallimus arte moras.

Est horti ad clivum vitro perlucidus amnis ,

Quem cingit densâ populus alba comâ.

Sæpe greges illic inter , subque arboris umbra

Lassatæ mollem præbuit herba thorum.

Hic ego cum placidi starem prope fluminis undam ,

Heu ! prope sum vultu territa facta meo.

Et niger est ; & habet , quod nux malè saucia tingit ,

Cortice contractas inficiente manus.

Si me nunc videas , quæ sum fortasse requires ?

Pauperis aut Mopsi fortè putabor anus.

Adde, quod &, miseræ ne fors minùs esse liceret ,

Auxerunt curas pignora bina meas.

Scilicet hic aliquis (redeunt ad lumina fletus)

Narrabat mœsti tristitia damna patris.

Venerat ; heu ! genitor sub iniquo fidere natus ,

Et sua qui longum funera portet ! ait.

Venerat ad flumen . quod cum transmittere tentat ,

Atque efferre isto pignora bina vado.

Protinus inde lupum , sed & hinc properâsse leonem

Rettulit : in mediis dum pater erat aquis.

Quid faciat ? puer iste lupi , puer ille leonis

Præda fit ; & frustra clamat uterque patrem.

Non

Non tenui lacrimas, casûque exterrita, dixi;
 Diripiunt avidæ viscera nostra feræ!
 Falleris, adjunxit; morti sublatuſ uterque est,
 Et pastoralis crescit uterque casâ.
 Crescat, & hinc olim bellis majoribus apti,
 Ille meos luctus sistat, & ille tuos.
 Hactenus exitium: sed nunc vaga fama susurrat;
 Cæsareum castris te rediisse ducem.
 Impetat hoc 2. Cæsar, dum te perumpere castra
 Sperat, & hostili vellere signa manu.
 Arma cape, EUSTACHIDÆ; sed me prius ante vocatâ;
 Non ego sum bellis surripienda tuis.
 Ibimus, & nudos tecum curtemus in enses,
 Dignâque magnanimo conjuge nupta ferar.
 Quid tamen hæc moveo? majores molior aulus,
 Pullanda est magnis arca major equis.
 Neu me fortè putes solo de nomine vatem,
 Accipe sincerâ dicta relata fide.
 Est locus, umbrosæ quâ se domus ultima valli
 Permittit, Fagis, Illicibûsque frequens,
 Hæc ego cûm nuper pastas de montibus agnas
 Ad solitos adigo sole cadente lares.
 Substitimus pro more, cruceis quâ cortice Fagus
 Exhibet inscriptas relligiola notas.
 Nec mora, nuda premens adductis pectora palmis,
 Herbosâque genu supplicis instar humum
 Ergone (succlamo) luctus & funera jungam?
 Virque mihi dempto sine carendus erit?

Christe, per hoc uida quod crescit in arbore
 Fac veniat votis mollior autæ meis. (gnum

Nec precor, ut niveo glomerentur stamina fuso

Auræaque in longos fila trahenda dies!

Redde mihi EUSTACHIDEM, & si vis funera junde

Ille mihi meliùs funere junctus erit.

Finietam: subitòque arbor mihi visa precantem

Audisse, & meta dicta tulisse comâ,

Quin etiam tacitam sensi lugentis in aurem.

Demitti blando talia verba sono.

Mitte queri, THEOPISTA propè est, quem voce
 requiris:

Perfer; erit pœnæ meta modûsque tuæ.

EUSTACHIDES vivit: vivunt duo pignora, nati:

Et modò sub patriis legibus arma gerunt.

Arma gerunt? quando dabitur concurrere, & unâ

Si fas non fuerit vivere, posse mori?

Præcipit hoc animus: 3. taurum succende, sac-
 telles:

Debetur nostræ torridus ille neci.

Prima bovem infiliam, plusquam per cornua
 sacrum,

Cujus terribilis spiritus ignis erit,

Inde ego clamabo: læti succedite; taurus

Igneus hic quamvis, nil tamen igne nocet.

Atque aliquis posthac recolens hæc funera, dicet;

(Sic mihi, nec falsò vaticinatur amor)

Dispercunt nati, genitrix, pater: attamen illis

Sic perÿsse semel non perÿsse fuit.

EPI-

3. Supplicium quo interiere, taurus fuit æneus, igne
 succensus.

EPISTOLA OCTAVA.

ARGUMENTUM.

URSULA Dionoci Cornubia Regis apud Britan-
nos filia, cum instructa classe ad Armoricos,
Gallia populos, quæ oceano Occidentali alluitur,
navigaret: secumque undecim millia Virginum du-
ceret, contractis ibidem nuptiis populum plusquam
virorum factura; aliò derepentè, seu maris estu,
seu potius Dei providentiâ, navigationis cursum
& consilia divertit. Quippe naves vi tempestatis
ejectæ ad littus, quæ Germanico mari Rhenus flu-
vius se affundis: cum in Molgam pictorum, & Cau-
num Hunnorum piratas ac duces incidissent: grâ-
vis subitò dimicatio coorta est: illis impurè & ho-
stiliter, his verò fortior pro pudicitia, & fide cer-
tantibus. Quò factum, uti ad ferrum usque (dum
utrinque pertinaciâ bellum geritur) imò & ad in-
terneccionem res processerit. Cum autem has inter
Virgines **CORDULA** reliquis meticulosior sese pu-
gna, & martyrio subduxisset: idque **URSULA** jam
celo cum Sodalibus recepta comperisset: hæc Epi-
stola illam ad constantiam hortatur. Quocirca
adductis in medium palmis, quas reportârunt, hor-
tatur, ut quàm primùm hostibus generosè se pro-
dat, neque oblatam arreptamque victoria lau-
rum, sibi aut eripi, aut in manibus effringi patia-
tur. Quod utique die insequenti, ut optaveras
URSULA evenisse scribit Baronius Tom. 4. Annal.
Martyrol. Rom. 21. Octobris.

Ursula

Ursula Cordulæ.



70

SYMBOLUM.

Ovem viridi ostenso ramusculo allici,
 trahique solitam scribit *D. August. Tract.*
26. in Joan. CORDULAM inspice, & hæc
 virentibus Sociarum palmis attrahitur, ut
 impavida se morti offerat. Quàm verè
 utrimque:

Suaviter & fortiter.

Ur.

Ursula Cordulæ.

URSULA mittit ovans de tot modò millibus
uni:

Cætera felici funere turba jacer.
Fallimur, ah! summâ cæli micat aurea turri;
Cui modò desertæ scribimus, illa jacer.
Perlege, quid dubitas? cælestes inspicere laurus,
Quòdque auro scriptum nunc tibi venit opus,
Nempe niger, castam calamo tingente papyrum
Quo premitis, cælo non fluit iste liquor.
Omnia Luminibus, vel puro scribimus auro,
Quæ tabo fusus scripserat antè cruor.
CORDULA, quò raperis? juvat hîc edicere casus,
Castâque Virgineâ prælia gesta manu.
Solnerat à portu ventis elata secundis
Fœminea Armorico classis itura mari,
Jâmque ferebatur remis, velisque per æquor:
Pérque fatigatas fortior ibat aquas.
Æole, conclamo: fugientes siste carinas:
Quem cupiunt nautæ, non ego; ventus agit,
Ventus agit nautis aptus, non aptus amanti
Candida servandæ signa pudicitæ.
Vana peto, precibûsq; meis obmurmurat Auster,
Et nimium placida prosperitate nocet.
Fors aderat Divæ effigies quâ puppe ferebar,
Ut facilis dubio duxque comêsque mari.
Sæpius hanc supplex, quò nos averteret æstus,
Sum prece, accensis devenerata focis.
Odimus ah! thalamos: VIRGO, da funera, dixi:
Funeribus jungi noster anhelat amor.

Irruat

Irruat in classem Buceas, nonûque procellis
 Africus, & mediis cymba debiscat aquis.
 Dulce erit, effracta pelago sub sidere puppe,
 Obruat impuras quo Cytheræa faces.

Audiit, & subito discussam turbine classem
 Littore ab Armorico ventus & unda tulit.

Pro thalamo in gladios & funera mittimus
 omnes,

Quà prope Rhenanas 1. dividit æquor aquas.
 Hunnorum 2. hîc acies. 3. Pictorûmque emi-
 cat ensis,

Et plûsq̃uam pictos exhibet ille metus.
 Bella movent; mistis resonat clamoribus æther:
 Prædâque carnivoris cedit ovile lupis.

Prima ego, quid frustra sævis, ô barbare, dixi:
 In nos non blandus, ferreus esse potes.

Hæc ubi: vibratis densantur funera telis;
 Et nova littoream victima plangit humum.

Pars ferrum mediâ capulo tenus excipit ulnâ?

Pars minor abscisso vertice cæsa cadit.

Est, cui districto patuerunt pectora telo:

Est, cui virgineum transiit hasta latus

Erubuit Rhenus tumidûsque à sanguine nostro

Currere purpureis in mare cœpit aquis.

Forûtan hoc aliquis, dum captat arundine pi-
 sces,

Vidit & inceptum dextra relinquit opus.

Hoc

*I. Rhenus fluvius Coloniam Agripinam alluens,
 indeque circa Batavorum fines in tria cornua
 divisus, totidem ostijs in Germanicum Oceanum
 influit.*

Hoc igitur terris : agitur res altera cælo ?

Illic, quæ meruit præmia, quæque refert.
Palladia 3. accepto micat ille pulchrior ostro :

Hic 4. Saulæ graditur juncta s. Britulla comes.
Vidimus & lauros, sacro quas Marte relatas,
6. Verenæ divus suppeditabat Amor.

Quid reliquas memorem, nivei quas codice libri
spectavi rutilis emicuisse notis ?

Dum tamen evolvo, spatium sine nomine vidi,
Nimirum summæ funeris una deest.

Fert malè castus Amor jacturam mortis in una,
Ex queritur factum sanguinis esse parum.

CORDULA, quid dubitas ? metus hic tibi sævior
hoste est :

Heu ! ubi, quam dederas in mea jura fides ?
Flēsti discedens ; flentēque animasse recordor ;

Cūm mihi cœpisti sic prior ore loqui,
URSULA, quò rapimur ? thalami quid quarimus
ignem ?

Ignis hic æquoreâ plus mihi friget aquâ.
Quam modò pro thalamo vellem succederet
ensis !

Virgineas caperent casta sepulcra comas.

Hoc

2. Hunni & Picti pirata, qui Virgines in fide & pudicitia stabiles contrucidarunt : ad hos fit allusio in Versu. 3. 4. 5. Nomina quarundam Virginum, quæ cum Ursula martyrium subiēre.

6. Verena cum Essario juvene consanguineo navigaverat : quem & ipsa in cæde pavidum verbo exemploque animavit, impulitq; ad mortem fortiter obeundam. Lib. 4. Revel. S. Elisabethæ Virg. c. 2

Hoc dixisse fuit : primo tamen agmine cedis ;
Solâque detrectas fortia bella pati.

Ima puppe lates , quò te timor egit inertem ;
I nunc , & cupidæ nomen amantis habe.

Credor in hoc etiam ? dum nos proscinderet
hostis ,

Huc illic media nave cucurrit Amor.

CORBULA , quid latitas ? cur sic bellum effugis
inquit :

Jam Sociæ palmâ quam modò perdis , habent,
Sævierant hostes , defunctâque corpora bello

Tingebat fusus semilepulta cruor.

Candidus emicuit rubris exercitus alis ,

Et tennes vitæ ; cætera nobis erant.

Ducimur extemplò magni sub testâ Tonantis ,

Et VIRGO castas excipit ipsa nurus.

Ardua luminibus clarescunt atria , & auro.

Cuilibet accincto lampades igne micant.

Vulgus Hymen Hymenæe canit ; pars , jo trium-
phe :

Pars liquidum accenso thure vaporat iter ,

Quæque priùs rigido tractârant prælia ferro ,

Exornat fortes aurea palma manus ,

Nec decrunt terris sua gaudia ; nempe super-
sunt

Mittenda in varias ossa verenda plagas.

Credis & hoc ? maduit nostro quæ sanguine tel-
lus ,

7. Alterius nunquam funeris hospes erit.

Ergo age , rumpe moras , vanúmque expelle timorẽ ,

Ad sua te revocat prælia castus Amor.

Quia

Quin & venturi felix certaminis augur.
 Dimidia pinxit nomina scripta notâ
 Cor pinxit reliqui fac nominis ordo sequatur ;
 Fulgeat aurato CORDULA rota libro.
 Sic erit : impatiens Amor aureus emicat astris ,
 Quâ tinxit liquidas barbarus hostis aquas.
 Quid ? quod & ille tibi chartam , laurumque
 virentem

Deferet , ut palmæ nuntia certa tuæ.
 Nec mora consistens repectæ sanguine ripæ
 Conciner Elysia fortia tubâ.
 CORDULA Virginea plusquam millesima turba
 Pars decies , domito læta pavore redit.
 Plaudite sit reduci , gemina sit CORDULA festum :
 Paverat illa minus , fecerat illa minus.

Finis Libri primi.





R. P.

JOANNIS VINCARTIJ
GALLOBELGÆ INSULANI
E SOCIETATE
JESU.

SACRARUM HEROIDUM
EPISTOLÆ.

LIBER SECUNDUS.
EPISTOLA PRIMA.

ARGUMENTUM.

A

GLAË Romanas inter nurus forma ele-
gantia ac divitijs prapollens, cum
primam juventam BONIFACII (quem
ut æconomum domi alebat) amoribus
atque illecebris implicuisset: vitam in
melius mutatâ, conquiendis diligentissime Mara-
tytrum reliquis operam suam, & opes locare cœpit.
Igitur BONIFACIUM tradita illi ingenti vi pecuniæ
in Ciliciam misit: regio hæc est minoris Asia, ubi
Simplicianus Præfectus quotidianâ in Christianos
ferocia exasperabat. Verùmùm diutius illic,
quàm

quàm abiens promiserat, hareret : hanc ad eum Epistolam scribit, in quâ conqueritur de nimia tarditate. Cum autem inter scribendum edocta fuisset ab Angelo, BONIFACIUM fidei Christiana accusatum attineri in carcere, eundem ad constantiam & martirium hortatur. Inter alia verò illud maxime rogat, ut corpus suum Romam deferri cures per suos : quod ipsum quoque comitibus ac famulis, qui cum eo discesserant, sedulo commendat. Nec spes ea, & votum frustra fuit. Quippe AGLAË & BONIFACII corpus recepit, & eidem templum ac sepulcrum, prout ante voverat, magnificentissimum condidit : delectâ sibi ad ejusdem Martyris corpus sepulturâ. Surius Tom. 3. Martyrologium Rom. 14. Maij.



Aglæ



SYMBOLUM.

Excisam trunco arborem abs radice
 novo virgulto pullulare vides? Et vides
 Martyrem in funere validum, ipsâ videli-
 cet injuriâ lucro, & gloriæ cedente, Quo-
 circa rectè illi attribuas, quod arbori Ly-
 ricus vates Lib. 4. Ode 4.

Ab ipso

Ducit opes, animûmque ferro.

Aglæ

Aglaë Bonifacio.

Fratulor, incolumi Cilicas adiisse carinae
 Plus æquo reditum sustinuisse, queror.
 Illicet hunc primo signarat Cynthia cornu,
 Et prope jam plenis tota refulsit equis.
 Quidquid id est, paterer: si, pro quo mitteris
 isthuc.

Quis mea, nescires, pectora torquet amor.
 O! nimium mora longa mihi, quæ gaudia dif-
 fert.

Et figenda sacris oscula Martÿribus!
 Cecidit dubius nostris motoribus augor:
 Quæ possit tantæ causa subesse moræ.
 Quid statuam ignoro: venit fortasse quod opto
 Miles? an istius nil ibi merces erat,
 Non semper leporem capias, venatibus apta
 Quamquam adigas celeres per juga summa
 canes,

epæque nec piscem; quamvis humentia lina,
 Et tibi piscosis pendeat hamus aquis.
 Alimur, o! I. Tharso quam primum es reddi-
 tus urbi,

Ille locus tabo sanguinolentus erat.
 Interdum timeo, quamvis exosus utrique,
 Ne te fœminea compede necet amor.
 O! peream potius, quam me hæc injuria lædet
 Dicat & infido fœmina lusa viro,

D

Quid

*Tarsus urbs Ciliciæ caput ubi Bonifacius à Simo-
 niciano præfecto primum captus, tum deinde mar-
 tÿrio affectus est.*

Quid ? damnata prius rursus te praelia vicant ?

Et quod iurasti, ventus & aura feret ?

Tunc peregrinae dum fors blandiris amicæ,

Dissiper illa meas, quæ malè dantur, opes ?

Dona ego transmittam; donis peregrina fructu

Vilior & turpi pellice Martyr erit ?

Quid facis ? heu ! castæ frustra sperare sorori

Cor dolet, atque irâ mistus abundat amor

Quid tamen hæc moveo ? melioribus uteris

mis,

Et spoliū de te nulla 2. Cilissa tulit.

Utque si hoc verum, clausâ servatur in arcâ

Promissa testis scripta tabella tui.

Maestus insaniſſe ſat eſt (hoc pagnia ſignat)

Turpiâque Idalio colla dediffe jugo.

Hoc, AGLAË, voveo nullus, qui pectora nobis

Quàm Chriſti poſthac ignis adurat, erit,

Hæc ego dum telego, & scriptæ do baſſa chartæ

Sæpe ſono tenui, dico; tabella, places.

Neu dubitem, ſubitò præterquam murmur

famæ

Conſtitit Angelico teſte relata fides.

Ut vidi, ut ſenſi pavidum ſub fidere pectus !

Mobile ſic placidis ſternitur æquor aquis.

Vincimus, exclamo : quem coràm cernim

Ales

(Nec fallo) palmas præcinit ille tuas.

Hic rate te Cilicas tetigſſe fideliter oras ;

Et Tarſo exceptum, nuntius Ales ait,

Arç

a. Cilissa, mulier è Cilicia orta.

Ardua prostabant furnis tabulata theatris,
Mœstâque sanguineo pectus structa foro.
Circum enses, cultrique; ferus circum undique
lictor,

Et nova sub gladio Victimâ Martyr erat.
Ausus es amplecti, pulchrâque fluentia tabo
Pectora, complexu pressa fovere tuo.
Quin etiam tepidum labris suxisse cruorem
Diceris, & sacris erubuisse notis.

O! mihi qualis eras hoc tinctus murice! talis
Fac redeas; AGLAË congruit iste color.
Aliger hîc contra; faciet BONIFACIUS, inquit:
Et novus effuso sanguine Martyr erit.
Martyr eris? vellem tecum licuisset adire:
Sic bene casuro victimâ juncta forem.

Quâm meliùs fosso flueret de pectore sanguis.
Quâm lacrima in culpas rursus itura meas!
Et mihi sunt vires, stricto concurrere ferro:
Plus me, quâm quisquâ crederet, urget amor.
Nil moror aut dentes ferrati pectinis, aut quas
Lictor suffossis unguibus urget acus.

Nec pice, nec rutilo succensos igne lebetes
Cor pavet, aut quidquid Præfidis ira coquit,
Interea quoniam te solum hæc prælia poscunt,
Incipe, sed forti bella movere manu.

Perfer & obdura: metuendæ cuspidis hastas,
Mollia ceu plumæ verba, portat Amor.
Quin facito ut dicas quoties mucrone Satelles

Sæviet; hoc AGLAË jussit obire modo.
At potiùs CHRISTUS jussit, fusoque cruore
Suscitat ignavas ad sua bella manus.

Quòd si fortè tibi reddatur Epistola, quando
Lictores inter sanguinolentus eris:

Hanc cupiam tepido perfundi sanguine: pactat
Adstruet hæc melius rubra litura fidem.

Ipsa ego cum manibus, labrisque adpressero,
dicam:

Pro CHRISTO sulus quàm benè sanguis olet
Interea famuli comites, quos misimus una,

Este, precor, vestra turba fidelis heræ.

Compositum corpus BONIFACII insternite puppi

Quam Phrygia illusus vestiat arte tapes.

Addite purpureis carchesia candida velis.

Pérque ratem liquidus munere suder Arabs.

Ut venti aspicient, remis quoque pellite navim

Et facite, ut modicâ denater illa morâ.

Ipsa ego proturrens, quâ se 3. Tybris ostia pa-
dunt,

Spectabo placida signa notâmque ratis.

Er quæcunque protul venientia videro vela ?

Vela tamen ruberâ conspicienda notâ:

Elamabo, mens est navi BONIFACIUS istâ:

Jam vehitur Martyr, qui prius emptor era

Nec mora, votivis ardebunt cinnama flammis

Ibit & in longas excita Roma vias.

Cum propè constitero, sacros affusa per artus

Adjiciam modicâ talia verba prece:

I

3. Tyberis seu Tybris celeberrimus Italia fluvius
qui urbem Romam præterfluens, exinde duobus
est modico spatio diremptis, in mare mediterraneum
evoluitur.

a veniam, frater; cælóque recepte sororem
 Respice, & æternâ fœdera junge fide.
 Stabas abiens te Martyra, risimus illud;
 Corrigitat risus exitus ipse meos.
 Ecce deo votis sublimibus alta columnis
 Tempia, tibi Patriâ construct arte labor.
 Stdebunt illic præcinctæ lampades auro,
 Inque laboratis thura cremata focis.
 Hunc tibi subjiciam: BONIFACI, has incole sedes.


Sed meâ fac tecum molliter ossa cubant.
 Quin etiam inscripto luceant marmora versus.
 Ultima defuncti Martyris acta ferent,
Te, Viator, iter: jacet hac BONIFACIUS urna.
Occubuit Martyr, qui prius emptor erat.
vic AGLAË vicina: fuit peccasse quod olim,
Corregis hoc tumulto frater, & illa soror.



EPISTOLA SECUNDA.

ARGUMENTUM.

JOANNES, cui cognomentum CHRYSOSTOMO, ob auream in dicendo facundiam inditum fuit, cum sanctioris vitæ desiderio teneretur: desertam Antiochiâ & forensibus negotiis, ubi viduarum causas agitabat, matrem viduam ac sororem juveniculam relinquere statuit. Quod cum fecisset, inde & in æditiora quadam loca penetrasset, asspiciens vitæ gratiâ: ejus soror, quam hic ex matris nomine Anthusam sive Anthusen vocamus, hanc ad illum Epistolam scribit. In qua primùm matris orbitatem & lacrimas suas exponit: tum deinde in nimias ejus corporis afflictationes invehitur: rogans ut sibi temperet, seq̃ cogitet non solitudini sed publico natum esse, unde & sibi CHRYSOSTOMI cognomentum adsciscere aliquando debeat. Quamobrem hortatur, ut relicta solitudine quâ primùm Antiochiam, ad rerum magnarum captandas occasiones revertatur. Metaphr. Niceph. lib. 3. c. 2. Martyrol Rom. 14. Septembris & 27. Januarij: quo die Translationis ejusdem festum præcipuo cultu observatur.



Anchusa Chrysostomo.



SYMBOLUM.

Ut leonem Chrysostomus cruce in ter-
 ra depacta domat : ita & ipsum moribus
 pertinacior. Nam & eo secessum publi-
 cum mutare cogitur, exinde Chrysostomi no-
 men concionando habiturus. Aded hic
 quoque verum, quod scitè quidam dixit :
 umbra esse sanitatem, morbum aureum,
 ve quod Poëta cecinit :

Dant vulnera vitam.

Anthusa Chrysofotomo.

Quos questus, germane, dolens fert pagina;
mittit

Hoc tibi cum charâ matre relicta soror.
Tesqua petis certè viduis invisa, diserto
Antè quibus studio mite levamen eras.
Profuerint doctæ quidnam, modò scimas;
Athenæ:

Ut fugerent, solos erudiére pedes.
Quâ prodesse parens voluit, malè proditur arte;
Et patitur telis vulnera facta suis.
Quò fugis, ab frater: cur sic modò deseris urbem?
Et cava sylvis rupibus antra petis?
Si lacrimas quæris, latebra malè quæris in ista;
Exhibet has animi nuntia charta mei.
Collige, sic meliùs qui nobis depluit imber,
Inque tuos vultus, & tua saxa cadat.
Interea quæ primâ sequar, vix anxia novi:
Multa dolenda soror, plurima mater habet.
Illa mihi nuper lecto subnixâ jugali
(Forſitan at vobis excidit iſte locus)
Singultus ducens, oculis quoque triſtior udis,
Materno tales edidit ore ſonos.
Durior, ANTHUSE, frater tibi: durior idem
(Fas ſit vera queri) filius iſte mihi eſt.
Nempe I. SECUNDIADEM mentitur nomine: nobis
Dum vixit conjux, ille SECUNDUS erat.

Ille

I. Secundiades Chrysofotomus hîc dicitur, à Secundo Patre: ad cujus nomen fit alluſio.

Ille SECUNDUS erat, quo fortunata marito
 Perstabat patriæ sorsque decusque domûs
 Lædimur, ANTHUSS, potuit succurrere frater?
 Sed mihi quam dederat, prodidit ille fidem,
 Confiteor, volui retinere; at abire volentem
 Nec potui lacrimis continuisse meis.
 Addidimus precibus thalamum quoque: nempe
 sedebam,

Quo me nunc thalamo, nata sedere vides,
 Indèque suspirans, multòque interlita fletu.
 Admovi validas in mea jura preces.
 Ibis? & ò cùm me miseram, cùm nate, relinques?
 Desertæ posthac quis mihi fautor erit.
 Parvus eras, & parva soror: cùm utrique parentem

Intempestivo funere Parca tulit.
 Quas ego tunc lacrimas, quæ non suspiria fudi?
 Quàm patuit curis area lata meis!
 Constitimus tamen: & curarum pondera, pro te
 Maternus viduam ferre coëgit amor.
 Sæpe, mihi quando thalami simulacra redibant
 Tolletuas, dixi, pronuba turba faces.
 Qui mihi natus adest, vultuque animoque parentem

Sustinet: ille mihi conjugis instar erit.
 Fallimur, heu nimium! conjux prius orba marito,

Nunc etiam nato deferor orba parens.
 Flecte feros animos; puerum quo fovimus;
 uber,

Non te tam duri pectoris esse sinis.

Da breve maternis spatium ploratibus ; illos
Moxubi defiere fundere , funus ero.

Corpore ab exangui fugiunt virésque , colorque

Viraque plus iustâ dimidiata colo est ,

Surdior ille tamen , saxo quoque durior omni

Restitit ; & potuit dicere triste vale.

Dixerat hæc : gemitus successit ; flevimus ambæ :

Si me amas , lacrimas fuge videre meas.

Si me amas (nec enim solitâ meus ire moratur

Lege dolor) lacrimis dum capiare meis.

Quid ? quod & hæ nobis plus uno flumina cur-

runt ?

Has profugus frater , has mea dampna movent ,

Nam quid ego referam crescentia prima juventæ

Tempora , præceptis instituenda tuis ?

Quid Paphias atres memorem , queis sæpe dolo

Protulit in salebras tractus ab hoste pudor ?

Nos sumus imbelles , doctas neque , frater ,

Athenas

Vidimus , aut pauli grande tenemus opus.

Tu mihi dicebas : (memini) soror optima ,

cautum ,

(Lixet iter glacie) ferre memento pedem .

Quam sapiens ! pietas si casta instruxerit annos.

In tua virgineas ferre sepulera comas !

Confiteor , verba hæc animum movère sororis :

Castaque jam nobis tela vibrabat amor.

Quid tamen hoc prædest , si te privata magistro ,

Quid faciam ignore , quodque sequamur opus.

Interea dum lentus abes , servatur imago

Tradita , fraternæ pignus amicitiae .

Lilia stant circum pictis fulgentia limbis :
 In medio magnæ Virginis ora nitent.
 Hanc specto , tenebque manu , pressisque labellis
 Solvimus in tales sæpius ora sonos :
 Diva , precor (quàm sæpe !) tuis qui militat aris ,
 Frater , fac voto militet ille meo.
 Quid procul excurrit ? redeat : monstrabimus
 hostem ,
 Clarius unde suo Marte triumphus eat,
 Hic matris dolor est , timor hic meus ; hostis
 uterque :
 Sed reditu fratris victus uterque cadet.
 Sunt , quos ille domet tota felicius urbe :
 Plus & 2. Orontæa quos bene tingat aqua ,
 Hunc repetit damnosus ager , quæ 3. Cassia circum
 Stant juga , barbarico Numine sueta coli.
 At forsan dum scribo , magisq; magisq; recedis .
 Antræque dumetis horridiora tenes.
 Est rupes prærupta , cui specus accubat , isthæc
 Diceris invisi saxa subisse laris.
 Hei mihi ! quàm vereor , ne sic novus incola saxi .
 Tam lapis evadas , quàm lapis ipsa casa est.
 Saxa super recubas : pluvio caput imbre madem-
 scis :
 Carpis & æstivum vertice nudus iter.

D 6

Adde,

2. Orantes fluvius Antiochiam alluens.
 3. Cassius mons Idolorum cultu & superstitionibus
 famosus , quem Chrysostomus concionibus suis en-
 purgavit.

Adde, quòd herbarum summas depascere frondes
Diceris, & gelidæ nil nisi potus aquæ.

Jam 4. stomachi vis fracta labat, renuitque me-
delam :

Heu! ne commissi pœna sit illa tui,
Genua labant, macies exsuccos contrahit artus;
Si videam, qui sis forsitan, & ut le, rogem.
Interdum timeo; mediis vagus incola sylvis,
Ne fias rabidæ forsitan elca fera.

Quid tamen hæc moveor? quid sævos ungue leo-
nes,

Fulmineove truces dente veremur apros;
Te viso fugiunt, forsitan squallore figuræ:

Forte (putem) quòd & his plus feritate nocet.
Parce tamen: dolor ista movet, germane paternus
Non finit esse tibi tam fera corda vigor.

Exierat s. sylvis nuper leo dente cruentus,
Vicinam latè depopulatus humum.

Incultus squallebat ager; circumque jacebant
Ossa cruentato semisepulta solo,

Ausus es ire tamen, metuendæque bella ciere
Stipite, transversa cui trabe robur erat.

Crux fuit una tibi, ferròque potentior ensis:
Hanc panxisse, feram perdomuisse fuit.

Et fera præsensit rugitu tassa dolorem,
Stratæque signatam corpore plauxit humum.

At

4. Stomachi doloribus, quos inedia & frigida potus
contraxerat, per totam vitam afflictatus est.

5. Ferocientem leonem sola cruce in terram depa-
cta domat, & interimit.

At cruce depacta saxum stravisse leonem
 Quid juvat, in mores si redit ille tuos?
 Qui tecum malè sœvit amor, leo dicitur: ille
 Maternas fibras diripit, ille meas.
 Plura quid attexam? calamum lassata premendo
 Est manus, & vires subtrahit ipse timor
 Matrem, nate, juva: frater succurre sorori?
 Instat officio nomina bina tuo,
 Non agitur de me tantum; majoribus angor:
 Sollicitat reditus publica cura tuos.
AUREA 6. quid tituli laudumq; insignia calcas?
 Et pergis longâ Saxeus esse morâ?
Morbe 7. veni, profugumque reduc ad publica
 fratrem,
 Te siue jam proprii funeris auctor erit.
 Cantabo reduci: morbi est hac palma; cavendus
 Perpetuo frater, ni doluisset, erat.

6. Fit allusio ad nomen Chrysostomi.

7. Joannes ob morbum Monasterium repetijt, inde-
 que Antiochiam, ubi Presbyter cencionibus habendo
 vacare cœpit, tantâ in dicendo eloquentia, ut
 jure Chrysostomi cognomentum sibi accerserit.



EPISTOLA TERTIA,
ARGUMENTUM.

Euphemianus & Aglaë, par nobile conjugum, & patricie apud Romanos nobilitatis, cum tandem ex matrimonio, post crebra ad Deum vota prolem tulissent: cui & ALEXIO nomen indidère: eundem jam adultum ad nuptias urserunt. Verùm ALEXIUS cum castitatis amore, simul ejusdem voto teneretur: neque interea parentum imperio refragari auderet: POLYDORAM, Virginem, cui forma ac morum elegantia supra natalium splendorem decus addebat, in conjugem admisit. Sed habet miras & innoxias fallendi artes divinus Amor, cui omnia ex commento licent. Quippe prima nuptiarum nocte, ALEXIUS POLYDORAM pio dolo circumventam clam deseruit, satius opinans, ab igne longius recodere, quam apud eundem sedendo quotidie periclitari. Igitur Romam egressus, Edessam primò Syria oppidum profectus est, ubi annos plures delituit. Cum autem ex ea urbe Tarsum Cilicie navigaret, adverso vento in Italiam indeque Romam delatus est: ubi obtento intra paternarum adium septa tugurio stipe victitans, ad obitum usque incognitus, miro sanctitatis & constantia exemplo perseveravit. Interea verò temporis POLYDORA cum se

se ab eo derelictam lugeret, & frustra missis
ad diversa loca nuntiis requireret; hanc Epi-
stolam adjicit, ei per famulam reddendam, ubi-
cūque locorum inveniretur. Porro in hac Epi-
stola primū de ejus fuga conqueritur; tum luctum
& angorem, quem de ejus salute caperet; exponit;
denique varijs persuasionibus, id efficere studet, ut
quā primum Romam, unde diffugerat, reverte-
tur. Surius Tom. 4. Metaphr. Martyro-
logium Rom. 17. Julij.



Polydora Alexio.



SYMBOLUM.

Captivus hîc Amor trahitur, quem frustra naturæ affectio, ceu canis quidam importunior lacessit, allatrâque. Quippe hunc *Alexio* ad paternos Lares reducit, sed ibidem veluti carcere afflicturus. Usque eò ut de utrovis verè dici possit.

Hospes, & exul,

Polydora Alexio.

Quam malè nupta tibi mitto POLYDORA sœ-
lucem,

Sola mihi tribui te redeunte potest.
Luctus adest, & falsus amor pro conjugē vero;

Materies Elegis sola relicta meis
Heu mihi! cur unquam socialia junximus ambo
Fœdera, promissâ non coitura fide?

Cur ego non dixi, cū sponsū mater ALEXIA
Obtulit: ille mihi (nolo) dolendus erit.

Quilis ab! nobis, & vates vera fuisset:
Nec biberet lacrimas nōxque diēsque meas!

Sed queror incassū: miror magis, omnia furto
Servisse, inque tuos officiosa dolos.

Nox erat apta fugæ (memini) nam luna latebat
Mœrorem vultus fassa regendo suos.

Stillabant pluvio pendenria nubila cælo:
Dixisses nostris illacrimare malis.

Ipsa ego, quis credat? fueram tunc iussa precari:
Prō facinus! precibus prodar ut ipsa meis:

Proder, namq; preces inter mihi lumina somnus
Corripit: hic nobis insidiator erat.

Nec mora, secedens sopitam linquis amantem,
Suspensōque fugis patria tecta pede.

Quæ tibi nunc patuit fugienti janua, quantos
Heu! nobis luctus janua sœva tulit.

Debuerat rauco collidi cardine postes,
Debuerat clausâ porta manere serâ.

Debuerant latrâsse canes, famulosque ciere:
Nempe reus furti, sic fugitivus, eras.

Prô dolor ! in nostram jurârunt omnia cladem
 Proditâ tum multis una puella modis.
 Excitor interea : nostrumque vocamus ALËXIM :
 Nullus erat : resonant atria ; nullus erat.
 Protinus adductâ sonuerunt pectora palmâ :
 Ora nec à lacrimis sicca fuere meis.
 Quin & sopitæ turbare silentia Romæ ,
 Përque urbis vicos imperus ire fuit.
 Sed flentem socrus , flens acrius ipsa repressit :
 Szviit oclusâ tota procella domo.
 Dum sic congemimus , famuli penetralia lustrant ,
 Quâsque domus latebras, arcâque cœca tegit ;
 Nêve putes Latius id agi tantummodò terris :
 Longinquo certè quæreris orbe procul.
 Missus 1. Æoliam Thyrrhenâque littora circâ
 cum :
 Finitimis nulla est fama remissa locis.
 Missus & Solymen , & Solyme quoque nescia
 veri
 Quas habitas terras ? quo vagus orbe fugis ?
 Quis scit ; an 2. Edossæ ? servum quoque missus
 isthuc !
 Quâsque tibi reddat , tradita charta fuit.
 O ! si quando tuæ reddatur Epistola dextræ ,
 Për lege : fert animi nuntia verba mei.
 Quò fugis infelix ? cur sic me linquis, ALËXI :
 Ne tua permaneam , quod mihi crimen obest :
 Si
 1. Æoliæ Insula , sive Vulcania in mari Thyrrheno
 ad Siciliam .
 2. Edessa Syria oppidum , ubi aliquandiu latuit .

Si tibi simplicitas visa est mea (vera fatebor :)

Simplicitas iusto digna favore fuit.

Si tibi virginitas placuit libata Tonanti :

Virgineo potui vivere nupta thoro.

Cæciliæ castos non ignoramus amores,

Quaque tibi nupsit, Valeriane, face;

Quo fugis infelix ? me mille pericula terrent,

Et vagus in curas pectora versat amor.

Est tabula, appictum quæ nobis exhibet orbem,

Illo sæpe tuas quærimus orbe vias.

Prima statim subeunt oculos Tybris ostia : puppi

Unde reor sine me tradita vela tax.

Prospicio, tanquam fugientia vela viderem ;

Et retinet vultus ista tabella meos.

Sæpius exclamo : nimis, ô ! velociter exit,

Cymbaque Tyrrbeno labitur illa mari,

Grudeles venti, malè tenus parcite velis :

Una deest numero, quam vehat ista ratis.

Quò properas fluctus inter periturus, ALEXI ?

Cur sic insanæ te malè credis aquæ ?

Consule, 3. Tarsensi qui navigat æquore, Ionam ;

Ille tibi dicet, quò periturus abis ?

Nempe fidem violasse nocet pontumque subire :

Perfidix pœnas exigit iste locus.

Quæ vehit & crimen, quamvis patientior undæ,

Sæpe bibit falsas naufraga puppis aquas.

Electe ratem, dū tempus habes, Romamq; revise :

Hic reducem quæ te sospitet, uxor erit.

Talia

3. *Propheta Jonas cum Deo refractarius navigaret in Tarsis, tempestate interceptus est, cujus cum ipse causa esset, in mare præcipitatur. Jonæ. 1.*

Talia nequidquam pictæ fero verba tabellæ ;
Et madet à lacrimis sæpius illa meis.

Quidquid id est , picta dum sic malè navigæ
chartâ ;

Te dubium pelagus , me mea Roma tenet.
Forſan & hîc etiam quid agam , reſciſſe ju-
vabit :

Flemus : habes vitæ facta , modûmque meæ.
Aut modò cum ſocræ de te , fugitive , ſuſurro :
Quæque tuum , miror , cauſa ſuâſit iter ,
Aut modò contrectant malè cæpti pignus amo-
ris ,

Corripio verbis hæc tua dona meis.
Annule , quid fidum (dico) mentiris ALEXIM ;
Nil præter vacuæ murmura vocis habet.

Sæpius hunc volui digito deponere : ſemper
Hoc vetuit , conſtans qui tibi pugnat amor.
Ergo mihi de te niſi tantùm injuria reſtat ?

Donâque pollicitis inferiora tuis ?
Fallimur : & gemitus reſtant , lacrimæq; per ora ;
Dêque meis oculis in tua dona cadunt.

At tibi quàm meliùs caderent in pectus ALEXI ?
Molliréntque tuas in mea vota fibras ;

Quid referam , quoties votivâ ſupplico cerâ ?
Humefeit lacrimis quælibet ara meis.

Heu ! quàm diſſimiles ? dum tu malè forſitan
Erramus puro per loca ſacra pede. (erras ,
Nam modò porticibus ſpatior , quibus addita
moles

Vaticana 4. ſuis incubat alta jugis.

Nunc

4. Templum S. Petri in Vaticano.

Nunc propiora sequens, sacram properamus in
ædem;

Sive s. Sabina, tuam; seu bona 6. Prisca tuam.
Trans Tybrim interdum nostras quoque deferō
flammas,

Fons ubi non unâ 7. Salvius exit aqua.
Nunc subiens templū gradibus sublime MARIE
Exiguo dixi talia verba sono.

Deficimus, Virgo scis causam: fugit ALEXIS:
Mèque sine ignotas corripit ille vias.

Si face præluces sulcantibus æquora nautis,
Fac teneat portus hæc quoque cymba suos:
Ipla ego sum portus: neu fors hunc devia fallat;
Lumen in aspectu nocte, diūque gero.

Interea patriâ dum mœstæ occludimur aulâ,
Conveniunt matres, Romulidæque nurus.
Quid, POLYDORA, gemis? quin splendes murice,
dicunt,

Et tunitâ formæ conveniente tuæ?
Scilicet ipsa tegar saturatâ murice veste;
Vix lacero panno tectus ALEXIS erit?
Ipsa comas pectam? pluvîâ caput ipse mades-
cat?

Sponsaque sim sponso decolor usque meo?
Non erit hoc; Iquallore tuos imitata labores
Dicar, & ista fugæ tempora tristis agam.

Nec

S. 6. Templum SS. Sabina & Priscæ.

*7. Templum S. Pauli trans Tyberim, ad aquas Sal-
vias: ubi scilicet tres fontes ex triplici subsolū (ut
vtriusque capitis abscissi miraculo scaturiere.*

Nec malè jam cœpi : mœret domus obſita luctu
Atque intus ſpeciem funeris eſſe putes.
Credor in hoc etiam ? media jam pſittacus aula
Dedidicit ſolito triſtior ore loqui.
Nempe mœos gemitus , ſuſpiria noſtra reſumit ;
Et tanquam adgemeret , clamat ; ALEXI , redi.
O fugitive redi , ſi te cœleſtia tangunt :
Si qua tibi pietas , ô fugitive redi.
Si reditum excuſas , latites qua parte , moneto :
Illuc me curſu præpete ducet Amor.
Seu pedibus carpenda via eſt , ſalaria neſcet ;
Seu mare ſulcandum , diriget ille ratem.
Fœmina ſim quamvis naturâ mollis & aonis :
Te duce condiſcam fortis acerba pati.
Attamen hoc potiùs ; Latiam remeabis ad ur-
bem ;
Neu dubites quonam tramite , facta via eſt.
Forſitan adjicies , quòd ſis metuentior undæ
Expertumque priùs nunc vereare fretum.
Ne metue , infidis mare formidabile nautis :
Si redeas , nullum jam tibi crimen erit.
Tunc (reor) implebunt ſpirantes lintea venti ,
Tutâque pacatâ cymba recurret aquâ.
Ut venti deſint , ſuſpiria noſtra juvabunt :
Aspirant omni ſcilicet illa die.
Ipſe movebit Amor remo velòque phaſelum ;
Inſtruet & curſus ad mea vota tuos.
Huc ergo fugitive redi , ſponſamque reſiſce :
Quæ modò ſic tecum , quilibet eſſe feret.
Sin minùs , ab nimis cedam mœroribus impar :
A nobis profugus non potes eſſe diu.

Te levis umbra sequar : fortan terrebere visu ,
Et mortis , dices , huic ego causa fui :
Ipsa tamen parcam : quin tu quoque discis
amanti

Parcere , & exemplo mitior esse meo ?
Quòd si sacra placent , si sanctior esse laboras ;
Sic fugiens , certè non sapienter agis.
Qui vagus ignotas peregrinus obambulat oras ,
Sordescit longâ sæpius ille viâ.
Ergo redi , patriæque domûs penetralia serva :
Ille locus templi pondus & instar habet.
Hic bene si degas , quamvis sub limine primo ,
Crede mihi , nusquam sanctior hospes erit.



EPISTOLA QUARTA

ARGUMENTUM.

THEODORA Virgo Alexandrina, stirpe nobili cum ad impurum carcerem damnata vaderetur, quò aut pudicitiam, aut fidem amitteret: novo prorsus atque inusitato facinore injuriam evasit. Siquidem iuvenis miles, cui DIDYMO nomen erat, illud primus conitum, sed casto pede animoque, quippe THEODORAM liberaturus penetravit. Illum cum Virgine ita colloquentem inducit D. Ambrosius. Ne quæso paves, soror: Frater huc veni salvare animam, non perdere. Vestimenta mutemus: conveniunt mihi tua, & mea tibi. Sed utraque Christo. Tua vestis me verum militem faciat: mea te Virginem. Hac inter chlamydem exiit, traditque habitum, uti argute idem Ambrosius ait, qui abscondebat foeminam; accepit qui consecrabat Martyrem. Igitur sic mutato, confusoque inter se amictu THEODORA carcere elabatur. DIDYMUS verò qui isthic veste muliebri dissimulatus remanserat: post paulò patescens fraude ad tribunal raptus est. Quod ubi rescivit THEODORA hanc ad eum Epistolam scribendi occasionem arripuit: quam præ-

imūm ei gratias agit de conservata pudici-
a. Sed cū inter scribendum nuntium acce-
sset de lata in eum capitie sententia : vehe-
menter dolet , contenditque iteratō hic mutan-
s esse Sices. Postremo ad constantiamhorta-
r , spondetque se mox adfuturam , uti cum
martyrium subeat : quod & accidit D. Am-
bros. lib. 2. de Virgin Surius Tom, 2.
Martyrologium Rom, 28.

Aprilis.



Theodora Didymo.



96.

SYMBOLUM.

Cygnus castimoniam hîc adumbrat, ve
 ab ipsa albedine spectabilis, plenûsque il
 licij. Porro quòd duos expressimus
Theodoræ ac Didymi imaginem dare pla
 cuit: in quibus niveos mores inspicias, ne
 que postea vel fuso sanguine inficiendos
 Scilicet rectè cum Poëta dixeris:

Venus hoc rubet una cruore.

Theodora Didymo.

Quam legis, à salva THEODORA littera venit,
 Officij gratas exhibitura vices.
 Nempe quòd illæso fugi mala recta pudore,
 Sunt ea militiæ, DIDYME, facta tuæ.
 Eloquar, an ficeam; primas quoque criminis
 umbras
 Cor pavet, & cœptum penè relinquit opus.
 Quæ loca pes tetigit, non audet scribere dextra:
 Quamvis sint lacrimis illa piata meis.
 Pro me scribat Amor, bene qui servavit amantem.
 Et castam impuro jussit abire loco.
 Ille mihi tunc, cùm Veneris spelæa subirem,
 Quid fles? hîc casto corpore, dixit, eris.
 Consule pacatis habitata leonibus antra,
 Et non læsuros corpora nuda rogos.
 Pura specum introiit, sed purior, exiit Agnes:
 Hæ mihi sunt vires, hoc & Amoris opus.
 Ergo age, neu primi formides militis ora,
 Ille meo missus nomine, tutor erit:
 Cæsarie quamvis vultûque oculisque decorum
 Vestiat attonsis prima juvenia genis.
 Veste super fulvum quamvis suspendarit enseni
 Pictus & hunc Phrygia balteus ornet acu.
 Nil tamen hîc, THEODORA tibi quod tere timen-
 dum;
 DIDYMUS est, castris militat ille meis.
 Dixerat hæc; subitoque mihi fiducia crevit:
 Spurca tamen lacrimas antra bibere nicas.
 Quin etiam, dixi, lacrimæ consistite: carcer
 Ille meo melius sanguine lotus erit.

Sunt mihi, quæ stricto pateant præcordia ferro
 Impuras nunquam ferre suæta faces,
 Christe, per has lacrimas oro, (quando ire pa-
 ratus

Suffosso nondum pectore sanguis abit.)
 Vel fer opem, vel dede neci: superabimus illâ
 Servandæ vires virginitatis habet.
 Hæc ego dum meditor, lubitò succedis in an-
 trum;

Aufuses & casto sic prior ore loqui,
 Pone metum, THEODORA, tuo pugnamus amor
 Virginea tecum stringimus arma manu.
 Non ego sum, quem reris, amans: succurre
 forori

Frater, habes animi sensa, notamque mei.
 Mutemus tunicas, fraus hæc juvat; altera fiant
 Hic THEODORA; foris DIDDYMUS alte-
 ris.

Nec mora depositos humeris mihi tradis ami-
 ctus,

Aptaque versandis pallia laxa dolis.
 Involvortunicâ: coguntur vertice crines:
 Virgineumque premunt non mea tela latus.
 Egredior, pressoque caput velata galero.
 Insolita cupidos fallimus arte viros.

Qualiter accipitris laxo fugit ungue columba
 Aut excussa avidi dentibus agna lupi:
 Aut sic, etiam fugi magis: ur sit amantem,
 Et plantis alas addidit ipse timor.

Ah! quoties vultus, pallentiâque ora reflexi,
 Ne cœptum à tergo curreret hostis iter.

Crede mihi, si quod passa est malè i. Lothica
conjug ,

Ponè Gomorrheos linquere iussa rogos,
Hoc ego passa forem: multus lapis esset ubique,
Et nova per medias stantia signa vias.
Mox ubi lapsa fugâ, tuta statione resedi,
Converti plausus in tua facta meos.

Vivat jo (dixi) qui sic certamina miscet
DIDDYMUS, & lauro tempora victus eat.
Spectandus curru veniat sublimis eburno.
Virgineâ resonent parva, trophæa tubâ.
Pone Venus subiens, manibûsque Cupido revina
Lugeat attritas & sine luce faces. (Otis.

Blanditiæ comites captæ ducantur, & omnis
Quæcunque Idaliæ gens famulatur heræ.
Ipsa regam currus, populo clamante triumphû:
Quæque prius belli, pars quoque laudis ero.
Quid tamen hæc jactò? scribenti nuntia venit
Littera, te tunicæ fraude perire meæ.

Hei mihi! quid feci? cur letho indebita cedas
Victima, pro casta Virgine castus amans?

Quid moror; injusto procumbas hostia ferro,
Ipsaque supplicij causa superfluo?
Hocce meo lacrimæ, fluat iste pro me sanguis,
Dumque fluct, lacrimas provocet ille nicas?
Provocet usque licet: dabimus quoque sangui-
nis undas,

Et decet: huc enses, lictor, & arma para.

E 3

Ante

i. Uxor Lothi, quæ quia oculis retroactis incen-
dium Sodome & Gomorrhe spectasset, in statuum
alia versa est. Gen. 19.

Antè quidem fugi ; sed fugi damna pudoris ?
 Quam peto , mors damno est quælibet ipsi
 minor.

Ibimus , adverso pectus præbebimus ensi ,
 Hic ubi casta prius vulnera fecit Amor.
 Dum loquor , heu ! stricto forsàn mucrone sa-
 telles ,

Exerit armatas in tua colla manus.

Ah ! nimium properas : ferrum compeste , sa-
 telles :

Altera , quæ tollas , jam tibi colla dabo.

DIDDYME , fac dicas etiàm , cùm videris ense ,

Siste precor , miles , jam THEODORA venit.

Illa cupit nostri testis certaminis esse :

Illa madere suo sanguinis imbre cupit.

U. que sit hoc verum , transactæ somnia noctis

Sinceram faciunt in mea vota fidem.

Namque sub auroram , cùm jam morientibu
 umbris

Disparent primo sidera pulsa die,

Quæ vada Nilus habet fluvialibus obitus herbis

Flebile nescio quid clangere vitus olor.

Clanxerat : ecce tibi candore simillimus alter

Adnatat , & sociam ferre laborat opem.

Fit via per juncos , prior enatat : alter in alg

Hæret , & oclusis septus oberrat aquis.

Nulla mora est , circum telis metuendus & arc

Flumineæ miles fata minatur avi.

Protinus evigilo , & castam miserata volu-
 erem ,

Visa mihi clarâ dicere voce : cave.

Si qua fides somnis ; istà sub imagine disco ,
Quæ te etiam captum fata , malumque præ-
munt ,

Scilicet ipse peris , cygno formosior albo ,
Dum sociam servas candidus ales avem.

Quidquid erit ; merito sculpentur marmora
versu ,

Antè tamen lacrimis mollia facta meis.

DIDDYMUS *hîc recubat ; mutatâ veste sorori .*
Quam mortem frater distulit , ipse tulit .

At malè vaticinor : vixi sub imagine somni
Alter in alterius fata recurrit olor.

Funera junguntur : primâ cadit ille sagittâ :
Inque cruentatas mergitur alter aquas.

Debetur nostris hæc duplex gloria fati :
Quos agit , hos uno funere junget Amor.

Quin etiam functus tumulo componet eodem ,
Causâque versiculis scripta duobus erit.

DIDDYMUS *hoc tumulo THEODORÆ jungitur : illa*
Quod fugit Virgo , quod tulit alter opem .



EPISTOLA QUINTA. ARGUMENTUM.

ALENA Leuvoldi & Hildegardis, qui Dieb-
becani in Brabantia tractus dominio flo-
ruere sub Annum 661. filia: cum Gentilijs
erroribus apud parentes irretita, tandem de
fide usque sacrorum apud Christianos quodpi-
am inaudisset, novæ religionis cupiditas ejus
animum incessit. Quamobrem Forestum sive
Worstium (pagus est primò ad Bruxellam lapi-
de, ad Zennam fluvium) cogitat: quod & in-
scijs parentibus noctu cum famula proficisci sta-
ruit. Quod ubi succedit, primis statim fidei
elementis imbui, tum & salutaribus aquis lu-
strari, denique eò frequentius itare cœpit. Ven-
rùm cum nocte quadam intercepta fuisset à fa-
mulo, & ad patrem delata (quanquam prius
cum eodem famulo ampla mercede silentium pa-
cta esset) gravem patris iram incurrit: qui
& filiam domi, ceu carcere, adhibitis etiam
custodijs diligenter attineri jussit. Igitur ALE-
NA cum nullatenus exire posset: hanc Episto-
lam ad PHOSPHORIANUM (sic enim
Worstiani sacelli præsidem appellare visum est)
scribit. In qua illum de ijs quæ accidissent,
commonefacit; afferens fore, ut posthabitis pa-
rentum

rentum, minis elusisq; custodibus eò rursus evolare contendat. Rogat ergo uti faculam ex more de turri pratendat : itèmq; (si quid ei sinistri in via per Violentiam accideris) ne corpus suum Worstium deferri curet. Ubi & nonnulla de martyrio suo, & ijs quæ post mortem evenère vaticinando assequitur. Ex antiquis Registris & MS. anno 661. Molanus ex Natalibus, SS. Belgij.
17. Julij.



Alena Phosphoriano.



104

SYMBOLUM.

Mola, quam spectas, in alis ventum habet; intus triticum molit. *Alenam* hinc disce, & eam quidem ex corporis habitu cultuque Gentilem ut antea, ac animo Christianam. Pius dolus est, sicubi alterum ad salutem fallis: de *Alena*, juxta, ac mola appositè afferas:

Plus intus, quàm foris,

Alena:

Alena Phosphoriano.

MITTE ALENA novam, quam mallet ferre salutem

Si sinat ira patris, PHOSPHORIANE tibi:
Si mihi, quô quondam vel noctibus ire liceret,
Monstrabat dubias, cûm mihi luna vias:
Mœstus, eris, venietque tibi gravis iste libellus.
Et dices: cur, cûi sacra parantur, abest?
Pagina scripta venit; sed scripti non venit auctor:

Illa meæ pretium sedulitatis erat,
Hic fuimus quondam: patrio jam carcere claudor:

Méque parens sævo durior hoste premit.
Occulit ille domo: neu fors occulta recedam,
Non uno clausum milite servat iter.
Optavi quoties cœcam caligine noctem,
Aptâque propositæ tempora nigra fugæ!
Ah quoties dixi! concurrite nubila cælo,
Et madidus pluvias concitet Auster aquas,
Luna caput condat quantumvis faverit olim
Lumine; nunc claras occulat illa faces.
Utilis antè mihi resplenduit: at modò cæli
Utilior vultus nubibus ater erit.
Dum tamen hæc moneo: nebulosâ spissior umbra

Nox jît, inque meas officiosa vias.
Egressura fui: nisi quòd sub limine primo
Latratum exciti nocte dedêre canes
Protinus acclamant vigiles: ego terreor illis,
Et subito trepidum mœsta reduco pedem.

Inde cubile petens : si fors ancilla rogatur.

Quid faciam ? cupido discere , dormit , ait.

Interea ex oculis mixtus singultibus imber

Labitur, inque meum per mea membra tho-

rum ,

Interdum cubito , patulæque innixa fenestræ ,

Prospecto in tenebris , si quid ab æde micat.

Sæpèque longinquà vigilantia lumina turre

Aut videt, aut facies nostra videre putat.

Nec mora succlamor, turri meus ardor in illa est ;

Quoque vetor ferri corpore , mente feror ,

Indignor famulo , tacitas qui prodidit artes ,

Et pia nocturnæ furta parata viæ.

Siccine tu , dico , mea , perfide , gaudia turbas ?

Quàmque prius dederas in mea pacta fidem ?

Si , quod promissi , minus est ; majora dedissem :

Libertas magno munere debet emi.

Sed frustra est : genitor , dic i. Æschyle , accipe nummum ,

Inquit : quid tacità me premis usque morâ ?

Æschyle , quid tentas ? verbo 2. LEUVOLDIAS uno

Ah quantum nescis , ipsa subibit onus !

Factum aperit, prodórque patri : dabis, improbe, pœnas :

Ille tibi posthac sermo luendus erit !

Interea dum cuncta negant aditúmque fugamque :

Mente agito captæ tempora prima viæ.

Sci-

1. Æschylis famuli nomen , cum quo pacta fuerat Alena , ne ad patrem de clandestina fuga deferretur.

2. Leuvoldias Alena à Leuvoldo patre.

Scilicet est aliquid siquæ fuit antè voluptas)
 Quod nobis tacita mente reducit opus.
 Nox erat in cursu : foribus cùm exire paternis
 Virgineus castam sollicitabat Amor.
 Nec mora veste levi , baculoque armata 3. co-
 lurno ,
 In tenebris audax , & nova miles eram.
 Egredior pede suspenso , pressisq;uè labellis
 Desero sopitos nocte silente lares.
 Sola mihi è famulis ibat comes addita 4. Thisbe :
 Hæc mihi solamen, consiliûmque fuit.
 Villica stramineis quâ panditur area rectis
 Prima patet , palcâ cespitibusque frequens.
 Quâm sæpe extimui , subito ne clangeret anser ;
 Improbus ; & cœptam proderet ore fugam !
 Ipsa ego sic tacitè mecum ; dum forsitan irem ,
 Qua clausus stabulo plurimus anser erat ,
 Anser s. amice, file : non Gallicus irruit hostis .
 Tarpeoque ferox imminet ille jugo.
 Sola puella lares studet effugisse paternos ,
 Causaque nil belli , nilque timoris habet.
 Ergo , file , profugamque juva ; sic pabula tellus,
 Præbeat herbosos sic tibi 9. Zenna lacus !
 Jamque domo egressæ camporum jugera gressu
 Tangimus ; & viridem, pascua bobus, humum.

E 7

Oms

3. Ex corylo , quo Scipio uti solebat , de quo mox.
 4. Thisbe nomen famula , cum qua Alena noctu Fo-
 restum itabat.
 5. Anserum olim clangore excitati Romani , Gallos
 hostes furtive in Capitolium irrumpentes , repulere,
 6. Zenna fluvium, ea locorû præterfluens & irrigans.

Omnia nocte silent : stant & sine murmure sylvæ ;
 Excipe , quòd streperis rivulus exit aquis.
 Erramus dumos inter , virgultaque ripis
 Confita : nec minimo corda pavore micant.
 Scilicet ætherio qui me succendit ab igne ,
 Securam quævis per loca ducit Amor.
 Quidquid id est , nuper ferali carmine bubo
 Stridit , ut infaustæ nuntiâ cladis avis.
 Extimui primò ; sic me simulacra movebant ,
 Quæ pueris fallax sæpe recantat anus.
 Attamen ut primùm me juxta constitit , Ales
 Ductor , in Æolios hæc abiêre Notos.
 Et prior , ut pavidam vidit , dubiâmq; timore ,
 Quid frustra vultu concidis ? Ales ait.
 Perge aude pulchris aderit victoria cœptis :
 Sive , quod ipsa paves sive superstes eris.
 Quò magis accedo , propioraque Worstia fiunt
 Culmina , prætensâ lucidiora face.
 Plus libet ire mihi ; non me Zennæ alveus arcet
 Quin fiat tractâ pes meus udus aquâ.
 Excipis in templum , cupidæque sacraria mon-
 stras ,
 Et quidquid puræ religionis habes.
 Thura damus durâque Deum veneramur acerrâ ;
 7. Patrius è ligno Jupiter ignis erat.
 Ardeat atque utinam reliquus , prunâsque mini-
 stre ;
 Inque novos veniant thurea dona focos !
 Hæc

* Idolam Jovis ligneum furtivè patriâ domo ab-
 lasum confringitur , & igni datur.

Hæc ubi , formosâ quæ stabat imagine Virgo :
 Vade , sed huc redeas , dicere visa fuit.
 Quid facimus ? clausâ Genitor me continet aulâ :
 Ille locus sævi carceris instar habet.
 Sed tamen experiar : me nulla pericula terrent ,
 Quantumvis certas illa datura neces.
 Obscurus paucis tantum sit noctibus ær ,
 Oculum nobis experiemur iter,
 Aut mihi continget felix audacia salvæ ;
 Aut mors captivi finis amoris erit.
 Antè mihi fractâ recidet compage lacertus ,
 Destituam cœptâ quàm prius ire viâ
 Atque reor , fiet : 8. sic mens præsaga futuri
 Æstuat : atque intus , quo sibi plaudat , habet.
 Sicubi contigerit : dilectæ funus ALENÆ
 Instrue , & acceptas in mea vota preces.
 Fac referas corpus , sociòque impone sepulcro ,
 Et laceros artus , & mea membra , precor.
 Quin etiam baculum coryli de stirpe recisum
 Depingi tetraë , PHOSPHORIANE , velim.
 Scilicet ex illo 9. corylus rediviva virebit ,
 Et multis medicas proferet illa nuces.

At-

8. Nam ab infidijs à Patre collocatis ita raptata est , ut ei brachium etiam avulsum sit ; quod Angelus facienti ad aram sacerdoti adhuc sanguinolentum attulit.

9. Alenæ baculo in terram defixo corylus enata nucibus abundans , quæ ad morbos sanandos plerique religiosè colligunt.

Atque 10. utinam moti quæ quondam flamma
venti ,

Fingitur humanos canna dedisse sonos :
Hæc quoque nœx crescens, vel famæ murmure
dicat ,

Præque aliis istud concinat arbor opus ;
*Quam vivam genitor Christo rapiebat Alenam ,
Occumbens Christo reddidit ipsa patrem. 11.*

10. Fit allusio ad fabulam de Mida Rege, quæ ait
defossa in terram hæc verba: Aures Asininas ha-
bet Rex Midas; inde exortas arundines cum veno-
so agitarentur, eadem hæc verba reddidisse. Ovid.

11. Metamorph.

11. Parentes Alenæ post ejus obitum statim ad
fidem Christianam conversi sunt.




EPISTOLA SEXTA.

ARGUMENTUM.

FUIT inter LUCIAS Virgines, hujusce nominis complures, uti Annales sacri recolunt. Alexandrina quadam forma præstantiâ, sed magis nimi dotibus præcellens. Quod hoc facinore, à quo Epistola materies sumpta est, facile enotuit. Quippe hæc LUCIA Virgo, ubi se adamari à Principe, idque oculorum illicio ac venustate rescivisset: fuisse sibi oculos fertur, ne aut alium ipsa caperet, aut ab alio caperetur. Hos igitur oculos yxide inclusos ad amatorem suum transmittit, quem à græco σκωτοῖς, id est, tenebris, quibus amorem captus erat, SCOTIANUM appellare placuit. Porro LUCIA in hac Epistola primò factum enarrat, atque in oculos invenitur, utpote periculosa semper ad voluptates captandas lenocinia. Exinde culpata SCOTIANI cupidine, obsecrat, ut transmissum à se munus, quod utique in votis unicè habuerat, æquo vultu excipiat: simul valde hoc discat, quàm fluxa sint hujus ævi decora, quò amorem à terrenis ad celestia traducat. Quod et ita evenisse creditur. Sophronius in præf.

Spirit. l. I. c. 5. P. Heribertus è Soc.

Jesu in vitis SS. Patrum.





SYMBOLUM.

Heu, Amor, quid stupes? quid vultum
 formamque in flumine miraris? certè u
 aquæ, ita formæ ingenium mobile, flu
 xumque est. De quo eleganter P. Penne
 quinus Eleg. lib. 2. Eleg. 3.

*Naturæ pictura brevis, lusûsque colorum
 Tormentumque oculi.*

Cui etiam, ut aquæ, rectè istud adjeceris

Fulgétque, fugitque

Lucia Scotiano.

UETIA I. Niliacis virgo malè cognita terris ;
 Postremas scribo exca futura notas.
 Scribo tibi SCOTIANE, oculis quem læsimus ; illi
 Ne dubita, pœnas, quâs meruère dabunt.
 Punitur, stricto qui corpora suffodit ense,
 Vulnèra qui menti fecit, inultus erit.
 Sæpe tulit furcam vicinæ messor aristæ ;
 Nec latro raptas funere solvat opes ?
 Non erit, hoc juro ; fixa est sententia menti,
 Vixque animus lentas continet ulque manus.
 At priùs, ut fuerim malefaustâ prodita pugnâ,
 Expedit & casus exposuisse meos.
 Nempe mihi iussus fodit qui lumina culter,
 Ut cernas, oculos erudit ille tuos.
 Circus erat, populo scenam, ludôsq̃ue daturus :
 (Sæpius is casti damna pudoris habet !)
 Serica marmoreo pendebant vela theatro,
 Spirabant liquidos pulpita rubra crocos.
 Nescio ut huc veni, nisi quòd sic fœmina scenâ
 Captat, ut appositos piscis in amne cibos.
 Constiterant populi, velisq̃ue hinc inde reductis,
 Spectandus scenâ plurimus actor erat.
 Jani cornu, lituîque sonant venantibus apti ;
 Exhibet & varias sylva propinqua feras.
 Parte alia nivei circùm venantur Amores,
 Vestiti levibus corpora nuda sagis,

Re-

2. Niliaca terra pro Ægypto ponitur, quam Nilus
 fluvius irrigat, ipsâque Alexandriam urbem, ex
 qua Lucia oriunda erat.

Retia pars tendit, pars spicula tractat & arcum
 Jamque levis fixâ cuspide cerva cadit.

Fit plausus, lætôsq; tenens spectacula cives
 Cum nuribus pueros, cum puerisq; nurus.

Deme unum, facies una est, hilarisq; theatri
 Cunctâque festivis plausibus ora sonant.

Scilicet errabas oculis, SCOTIANE, meusq; ,
 Quod tunc spectabas, nil nisi vultus erat,

Sensimus, heu! gremiôque pudor dejecit ocellos
 Méque ferunt totis erubuisse genis

Caste pudor, (cætu si quid peccavimus isto)
 Da veniam: partem criminis error habet.

Non ego sic scenam, sic ludos esse putavi,
 Lædere ut aspectu tam citò posset Amor,

Caste pudor, si quid merui, non abnuo pœnam:
 En ego de junctas in tua jura manus.

Adde oculos velo: velum meruère procaces:
 Adde pedes vinclis, & meruère pedes.

Docta mali posthac vitabo cupidinis aulam,
 Et loca virgineo non adeunda pede.

Sic juro testôrque; ferat sic oscula charta hæc,
 Signâque gentiles jussa referre notas.

Hæc ego dum memoro: fertur mihi littera sup-
 plex:

Scilicet à læso littera missa viro.

Confiteor, primùm dubitavi tangere; ne quis
 Glisceret in venas, ossâque cæcus amor.

Sed tamen excepi: solvit signacula culter:

Ne qua darem admotis oscula fortè labris.

Ut legi, extimui, flammâ succendimur, inquis:

Inque tuis oculis procubuère mei.

Hos

los ego deperco: dederit si Lucia quondam
 Quod tulit, hoc rursus 2. Pelias hasta feret.
 arce, precor, læso: binis mihi vulnus ocellis,
 Qui mea distinxit lumina, fecit Amor.
 ergone, iucclamo, sic bino prodimur hoste,
 Qui mihi pro speculis unus & alter erant?
 Cellaces oculi! quem non læsistis amando?
 A vobis primum fluxit in orbe malum.
 Publica fluxerunt viso contagia 3. pomo,
 Inque necem robur nunc quoque visus habet.
 Coniule 4. Jestsëiden. 5. Hethæidis ardet amore:
 Idque oculis nudam sustinuisse fuit.
 Vestra quoque antiquis dicuntur Numina factis,
 Sæpius aspectu damna tulisse suo.
 Iupiter 6. Europam quam primum vidit ab alto:
 Turpis, & excusso fumine taurus erat.
 Tundareæ vidit quam primum lumina 7. Ledæ:
 De Jove, flumineo fonte natavit olor.
 Quò raperis, SCOTIANE? oculi quid amoribus
 ardes?
 Heu! nescis quantum vulneris ille vehit.

2. *Telephus hastâ læsus ab Achille, ab eodem sanatus est, emplastro de rubigine confecto.*

3. *Vidit mulier quòd bonum esset lignum ad vescendum, & pulchrum oculis, aspectuque delectabile Gen. 3.*

4. *Jestsëides David à Jesse Patre sic dictus.*

5. *Hethais Bersabee, à marito Uria Hethao sive vocata.*

6, 7. *Vide Epistolam quintam Lib. primi pag. 32.*

Quid tamen interea cupidum frustreremur amanti-
tem ?

Et trahimus longâ dona petita morâ ?

Aude animè ? & seris miranda nepotibus olim

Incipe sanguinea bella movere manu.

Hæc ubi : roratis stillârunt lumina guttis :

Vicinam cladem pertimuisse putes ,

Quid tamen , heu , frustra bini ploratis ocelli ,

Postremoque meas tingitis umbre genas ?

Scimus , & à vobis qui forsâ prodiit ignis ,

Nec malus , aut Paphij militis ille fuit.

Quidquid id est ; satis est , juveni potuisse placere

Vos eritis culpæ victima bina meæ.

Si pretium amissæ petitis mea lumina flammæ

Non aliud forsâ quàm SCOTIANUS erit.

Quid ? quod & aurata quæ fulget cortice pyxis

Quæque nitet radiis , Indica gemma , tuis.

Hæc vos arca manet , liquido quam dives amo-
mo ,

Tinget & Assyrio cespite pinguis Arabs.

Ibitis ad dominum quantumvis flebile mundus

Inscius & promptam porriget ille manum.

Cessabant lacrimæ : properabat currere sanguis

Et propè jam nobis reddita tortor eram.

Obstitit alter Amor , qui pro te dimicat : ille

Ne propera , corruptum perfice , dixit , opus.

Sic bene suffuso claudetur Epistola tabo ;

Signatusque tua ex de libellus erit.

Quid contra moveam ? tenebrosa meine , ocu-
live

Funera ? erit clarâ nox ea luce prior.

imus, & densæ conferta per agmina turba;
Spectandas dabimus tunc sine luce genas.
Ecce cane, nec baculo ducam vestigia; cæcæ
Duxque comæque mihi præviùs ibit Amor.
! quoties Phariis mirabitur advena terris.
Et nostri quæret fata modùmque mali!
Totinus hæc referam; quam cæcam conspicias
hospes,
Nativi non sic temporis hora tulit.
Ed neque Tobiadæ simo cæcavit hirundo;
Morbidaque in vultus vis resoluta meos.
Ecce Amor; cæcos hic semper reddit amantes;
Fallimur, & mediis noctibus ille vider.
Ic tibi sit missum dum fors mirabere munus,
Et, vel sic dicas: LUCIA, lumen habes,
Lumen habes; cassisque mihi quos mittis,
ocellis,
Plus mihi, quam dederas luminis antè, jaxis.
Iei! mihi, quid feci? nimis ô petulanter amavi!
Ipse ego sum pœnæ, LUCIA causa tuæ?
Arce precor; jam nunc video meliora, proboque:
Quæ nitet è limo forma, caduca nitet.
Terra vale, niveique mihi quos fœmina vultus
Exhibet; heu! damnis officiosa meis!
Scilicet illa cadunt sensim morientibus annis;
Et similis fluvio, sic quoque fallit Amor.
Atque utinam geminos cum pyxide videris orbes,
Accipiant lacrimas hæc mea dona tuas!

Assy: io certè liquor hic præstabis amomo :

Hoc nostrum tingi munere munus amat,
Sic erit: æternæ scripta est victoria buxo:

Quòdque legas, ima pyxide carmen habes.
*Abstuleram SCOTIANO oculos : nunc fur
rependo :*

Pròque oculis oculos possidet ille meos.
*Fit sacer hinc s. Argus : & qua viderat antè ,
Jam videt , amborum est illud , & illud opus.*

s. Argus πανόπτης à Græcis cognominatus
quòd totus oculis scateret.



EPISTOLA SEPTIMA.

ARGUMENTUM.

AUSTRABERTA Virgo BATEFRIDI Hedinenſis Comitû in Morini, ex FRAMEILDE filia, cùm ad ineundas nuptias importuniùs à parentibus urgeretur: clàm è paternis adibus cum ancilla & juniore fratre fugam arripuit. Igitur cùm ad D. Audomarum Morinorum Antiftitem deveniſſet, ac fuga cauſam expoſuiſſet; ferunt ab eodem, quànquam multis & ſummis precibus, ſacrum velum ſeu flammeum, (cujus geſtatio pro conſecrata pudicitia teſſera erat) obtinuiſſe: Quod quidem hac Epistoła FRAMEILDI matri, quippe de clandestino filia diſceſſu ſolicitæ, aperit, ſimul metum ac mœrorem tollit. Contendit autem maximè, ut facinoris facti veniam impetret: addens id rei, non alio quàm divino inſtinctu ac monitu ſe aggreſſam fuiſſe. Utq; hujus rei fidem faciat, prodigia enarrat, quæ ad id facinoris viam, ſimul audaciam illi fecêre. Quippe vix decennis, cùm ſuper fonticulum puel-
lari more colluderet, verticem ſibi velo quaſi obnubi conſpexit. Dum & de Cantia flumine addit pedibus veluti ſolidâ humo tentato, per-
transitôque Quare his permota FRAMEILDIS facultatem filia dedit Deo, ubiſis loco-

rum vellet famulandi. Igitur AUSTRABER-
TA ad Portense Monasterium, quod ad Somo-
nam fluvium assidet, divertit : ubi & sancti-
monialem primò : tum & antistitam cum laude
gessit. Ejus nomen adhuc in Artesia & Bono-
nia, ubi antiqua Morinorum sedes extitit, per-
celebre est : extátque sacrum ejus corpus An-
domaropoli Artesiæ oppido. P. Jacobus Malo-
brancq Soc. Jesu, lib. 3. de Morinis cap.
33. Surius 10. Februarij.



Austraberta Framcildi.



SYMBOLUM.

Tradunt poëtæ Narcissum juvenem formosum, dum sui imaginem in aqua intrueretur, misere adamâsse, & periisse. Contrarium hîc habes : nam *Austraberta* ideo non perit, quia in fonte se videt, utique flammeo quasi velatam. Etenim speculum (ut ait ille) sæpius innocens est.

Nec aqua semper nos fallit imago.

Austraberta Frameildi.

Quæ fugiens liquit patriam 1. BATEFRIDIAS
aulam ,

Si quæ culpa fuit sic abiisse , dolet.

Et dolet , heu ! duto matrem læsisse dolore ,

Cui modò placandæ littera missa venit.

Parce parens , veniam nec dedignare petenti

AUSTRABERTÆ etiam (si finis) usque tuæ.

Non ego quod feci , didici puerilibus annis :

Prima isthæc ætas crimine nostravacat.

Nempe latere domo , vulgique odisse choreas ,

Magna pudicitia pars fuit illa meæ.

Quòd tamen è patriis laribus clàm cessimus ;
acta ,

Et sensus animi nil reticentis habe.

Cedere jussit Amor , qui me meliore sagitta

Strinxerat , & flammis usserat antè suis.

Sæpius ille mihi , gaude , BATEFRIDIA , dixit :

Castà tibi castus fœdera spondet Amor.

In thalamum imperio quamvis cogare paterno ;

Et sua jam moveat sacra coactus Hymen :

Ne metue ; ingenio , multa quoque pollet in arte ,

Quem sequeris ; varias condocet ire vias.

Sic quondam invito fertur nupsisse marito

2. Romulis , & Cypris nil timuisse faces.

Hæc

1. Batefridias , seu Batefridia , Austraberta sic dicitur à Batefrido patre.

2. Romulus , Cecilia Virgo Romana Valeriano nupta.

Hæc tu perge viâ : sic & tibi CHRISTUS amator
Libatæ custos virginitatis erit.
Dixerat hæc; pharetrâq; potens, & lucidus igni,
Ad sua me pugilem castra movebat Amor.
Si tamen expectas, portenta ut vocibus addam
Vera loquor, veri vix habitura fidem.
Est locus, aprico quâ fons perlucidus horto
Multiplici justas fonte ministrat aquas.
Non illum pastor, non lapsus arbore ramus
Sordidâve immerso corpore turbat avis.
Fortè puellares illuc dum confero gressus,
Orâque in illimi conspicienda vitro.
Protinus alba nigro fuscari tempora velo
(Mira fides!) liquidas cernimus inter aquas.
Dispatent in fonte comæ; quique auricus imis
Promicat invitus, pendula gemma, lapis.
Obstupeo primùm : juvat usque ac usque tueri :
Aspectus species detinet illa meos,
Oscula penè dedi, mersique in flumine vultum :
Sic mea spectanti, nec mea forma, placet.
Protinus exclamo, quid agis, BATEFRIDIA? ab
illo,
Qualis eris quondam, discere fonte potes.
CHRISTE, precor liquidæ quam pinguis in æquos
re lymphæ,
Fac tibi metalem semper adumbret amor.
Plura locuturæ lacrimæ cecidêre, simulque
Turbato periit vitrea forma lacu
Indignor, madidósque oculos in crimina verto :
Quod prodest aliis, hoc mihi damna movet.

Interea gelidis quanquam crystallinus undis
Fons riget : hac visâ cor mihi fervet aquâ.
Credis & hoc ? isto dimanant omnia fonte ;
AUSTRABERTÆ ignes ille dat , ille rapit.
Si Superûm pia jura moves , succendimur illo ;
Si thalamum ; Paphias obruit ille faces.
Sæpe locum repeto , tanquam servetur in unda
Forma , iterum vultus exhibitura meos,
Ex hinc vota frequens patrij ad secreta sacelli
Duximus , & longâ sæpius illa morâ.
Ah ! quoties lacrimas parvæ miserata puellæ ,
Cum somno retulit vota precësque meo !
Interea adversis nequidquam navigo ventis ;
Nil nisi connubium patria tecta sonant.
Quod nostras murmur quàm primùm perculis
aures ;
Perculit & subitus pallida membra timor.
Non aliter fons ipse tremit , cùm stringitur aurâ ,
Aut levis in madidâ canna palustris humo.
Fors aderat frater septennis parvulus annis ,
Ille puer vobis insidiator iit.
Jâmque silens valvas secretæ stabat ad aulae ,
Multus ubi de me sermo maritus erat.
Hinc mihi clamat , abi soror optima ; ni fugis ,
inquit ,
Connubio domus hæc jam tibi carcer erit.
Obrigui auditu ; subito tamen excita surgo ;
Nam torpere diu non sinit ipse timor.
Quid faciam ? quò sola ferar ? pavidæque puellæ
Monstrabit dubium quis mihi fidus iter ?

Ingeniū stimulabat Amor: quin aufugis? inquit.
 Me duce, carpe viam, me duce, pelle metus.
 Egredior tectis, famulâ comitata fideli,
 Fratrêque, quem sociâ traximus inde manu,
 Nox erat, & cælo fulgebat luna sereno,
 Ut fida in nostris duxque comêsq; viis.
 Hanc ego suspiciens, mea scis suspiria, dixi:
 Duc profugam; sic tu lucida semper eas!
 Venimus ad fluvium: quid vana obstacula fingis
 Nec metue, & voto serviet ille meo.
 Cancia, 3. flumen erat, nivibus cum fortè solutis
 Ponte super tumidas volveret altus aquas.
 Non illic aderat ripæ spes ulla tenendæ,
 Quæque ultrâ jacto cymba rudente vehat.
 Quid facerem? ter cælo oculos, palmâsq; tetendi,
 Tertacito tales pressimus ore sonos
 CHRISTE, quid heu! patrios juvat effugisse pen-
 nates,
 Si profugam objectâ Cancia sistit aquâ?
 Quò me duxit Amor? tumida cur sepe rotunda,
 Frigida cur flammis invidet illa meis?
 Præcipe, CHRISTE (potes) depressus ut alveus
 undas
 Colligat; inceptum nec mihi rumpat iter.
 Aut quia lata tuo subsident æquora nutu,
 Da mihi liquidas currere posse vias.
 Nec precor hoc frustra: nuper sic 4. Bertilis ivit.
 Quâ 5. Sambra Hænonijs humidus errat agris.
 F 4 Hæc
 3. Cancia flumen est in finibus Artesiæ, quod He-
 dinium Monstroliumque alluens, brevi tractu per
 stapulas oceano Britannico se commiscet.

Hæc ubi; prætentamus aquam; vestigia portat:
 Auguriûmque fugæ Cancia flumen habet.
 Si nescis, genitrix, solido stant æquota fluctu,
 Mollities liquidæ quò tibi cedat aquæ.
 Ergo age, quid cessas? tantûm dic, filia, perge:
 Quàm bene vovisti, sic bene redde fidem,
 Quidquid amas, placeat; quoniam placet autè
 Tonanti:

Talis eris mater, si modò mater eris.

Hoc probat Audomarus opus, ne forsitan errem:
 Materiam culpæ detrahit ille meæ.

Si quid ego tamen admisi cum fratre piandum;
 Verbera ego, frater suavia sola ferat.

Vaticinor, facies: libet hîc applaudere cœptis.
 Et tibi fausta bono dicere verba die.

Egregiè Frameïlda, *sinis natam ire; parentis
 Nobilibus primo nomine nomen habes.*

Addet & hoc aliquis, postquam me viderit illic,
 Quò pridem castus pergere iussit Amor.


*Altera ab alterius claret virtutibus: ambas,
 Palma decet pugiles: hac tulus, illa dedit.*

4. *Aldegundis Virgo, à Bertilia matre, quæ & ipsa
 nuptias aufugiens, sicco vestigio Sambra fluvium
 transmisit: & Malbodij delituit, ubi illustre Cano-
 nissarum, ut vocant, Collegium condere aggressa est*
 5. *Sambra Hannonie fluvius.*

EPISTOLA OCTAVA.

ARGUMENTUM.

DIOSCORUS vir fuit ex Nicomediâ Bithyniæ opido gentilis ac prædiles : cui cum ex matris monio filia unica obtigisset , quam BARBARAM appellavit , elegantissimæ formæ ; eam ne promiscuè hominum aspectibus & desiderijs pateresceret . præalta turri incluserat . Verùm BARBARA cum in eo carcere Idololatriæ tenebras divino lumine excussisset , & Christianis dogmatibus ab Angelo imbuta esset , pudicitiam Deo vovit . Quod ubi pater agnovit , qui filiam jam desponderat , vehementer excanduit : & nuptias abnuentem cogere , & fugientem insequi cœpit : donec apprehensam castello , ubi balneum erat , includeret BARBARA igitur ex hoc balnei carcere ad patrem scribit de ejus sevitia conquerens : foreque pollicens , quidquid ipse agitarit , ut nunquam à pudicitia servanda proposito , quam CHRISTO voverat , abducere-
tur . Additque in eum finem paratam se , vel gladio parterno jugulum præbere , mortemque optere : quod utique postea , duplicatâ Virginitatis & Martyrii laureâ , evenisse scribunt . D. Damas-
scenus , Metaphrastes , Surius Tom 6.
Martyrol. Rom. 4. Decembris.





128.

S Y M B O L U M.

Viden' cervam? viden' ut eximio candore, floreque ad collum ferro eniter? hinc, si nescis, pro victima est, cultro celsura. Talis est *Barbara* ipsius ævi, ac juventæ flore amabilis, dum pertinaciùs nuptias rejicit, quas parens in votis habet, urgetque. Adeò & hîc verum istud:

Interdum gratia lædit.

Barbara Dioscoro.

Alloquor iratum patrem: si scribere durum est
 BARBARA: duri rem nominis ille tenet.
 Quæ legis, ex illo, genitor, tibi carcere mitto,
 Hic ubi me clausam sævior hoste premis.
 Nec tamen indignor: quis enim submurmuret
 Si nocuisse volens utilis ira fuit? (iræ
 Quàm modò vera loquor, turris sat conscia no-
 Utilis hic carcer (crede) duobus erat. (vit
 Carcer erat nostri custosque oblesque pudoris:
 Arcebat cupidos janua clausa procos
 Ah! quoties istà latitans incognita turri:
 Sic genitor (dixi) quod sibi plaudeat, habet;
 De facie metuit: facies celabitur: illa
 Tecta tibi turris, filia, dixit, erunt.
 Risit Amor, castis coeunt cui fœdera palmis,
 Humanique expers corporis albus Hymen
 BARBARA quid dubitas? turrim secuta subito,
 Illa tuæ custos virginittatis erit.
 Non ego claustra moror: summo delabor O-
 lympo
 Ut subeam turrim, sola fenestra sat est.
 Sed r. tibi tres dabimus: magni simulacra Toa-
 nantis
 Turris in aspectu semper habebis, ait.
 Nec mora? condit opus, larerésque bitumine
 jungit
 Próque una triplex facta fenestra patet.

F 6

Quia

r. Tres fenestra in turri aperta, ad honorem san-
 ctissimæ Trinitatis.

Quin 2. etiam saxo, ceu mollis in æquore certo
 Impressit fidei publica signa, crucem.
 Addit & formam cultûs: & imagine coram
 Procubuit curvo tē: que quaterque genu.
 Quid mihi tunc animi, credis votique fuisse:
 Cūm sacra me coram signa notaret Amor?
 Confestim (quid enim sileam) juravimus illi:
 Non alius, dixi, quo cremer, ignis erit.
 I genitor, thalamique faces, Paphiāsque sagittas
 Ingere: mēque atra (si potes) abde specu.
 Libera mens semper cælo spatiabitur alto,
 Et carpet liquidas ad sua vota vias.
 Interea sensim currentibus ordine fati,
 Uxor in Italium poscor itura thorum.
 Abnuimus primò non sum tam BARBARA, dixi.
 Ut mihi, qui prior est sponsus, inanis eat.
 Tolle procul decepte faces, Hymæe, maritas:
 Quam genitor cogit nubere, CHRISTUS habet.
 Protinus ora tibi pariter cum voce tumescunt:
 Mistæque flagra tuis penè fuere minis.
 Nil tamen ista movent; cuius sum, & dicar
 oportet;
 Utque feror, semper sponsa Tonantis ero.
 Hæc ubi: capto fugam; sequeris vestigia natæ:
 Iamque pede patrius pes mihi junctus erat.
 Saxea 3. sublimi prostabat culmine rupes;
 Cœpra meæ rupes implicitura fugæ
 At subito (quis credat?) Amor penetravit; & illa
 Ceu liquidæ moles pervia celsit aquæ

3. Per latera rupis prodigio diducta Siam invenit
 quò è paternis manibus elabitur.

Quid facis, ah genitor? didicit mollescere saxum:
 Et tibi cor laxo durius esse potest?
 Nil agimus; captam vincis, victâmq; relegas,
 Qua propè 4. Mygdoniis terra madescit aquis.
 Est illic castrum vario de marmore, circum
 Fossa duplex; aditum ponte ministrat opus.
 Intus forma decens, pictôque emblemate muri,
 Quos regit & Phrygia pendulus arte tapes.
 Plurimus hîc circum nitidâ fons exilit undâ,
 Et stratum vario marmore tingit humum.
 Quid tamen inde mihi grater? spectabile castrî
 Tolle decus tantum cætera carcer habet.
 Hac ego clausa domo teneor: thalamusque ju-
 galis,
 Quò solvat, miseræ janua sola patet.
 Hac ego diffugiam? vitiato corpore, Virgo
 Quæ fueram, patrio cogar abire loco?
 Mors habeat limen; certum est; transibimus
 illud?
 Sic peream, possim dummodò casta mori.
 Neu metuum patris cultros, ensesque, minalque;
 Me tacer adversus spicula fingit Amor.
 Interea quid agam, patrio dum carcere claudor,
 Accipe, sed verâ nuntia missa fide.
 Sæpe gemens liquidi prospecto balnea fontis,
 Castâque Mygdoniâ membra lavamus aquâ:
 Hæc inter lacrimæ stillant, augentque liquo-
 rem,
 Atque isto melius forsitan imbrè labor.

F 7

Inter-

4. Mygdonia, idem est ac Bithynia, regio ex qua
 Barbara oriunda erat.

Interdum durum precibus, lacrimisque paren-
tem

Arguo, qui natæ damna probanda putat.
Sæpius exclamo: felici funere, mater,
Cessisti, conjux si tibi talis erat!
Quin etiam insidias forsan tibi condidit ægræ;
Quaque fidem, virus tradidit ille manu.
Ah! quoties dixti, moriens quoque; BARBARA,
vive,

Et mea fac terræ molliter ossa cubent.
Qui superest Geutor, (nullum sit in omine
pondus)

Fortè tibi, timeo, nil nisi tortor erit.
Hunc tamen obsequio tenta mollire: ferusque
Quàm mihi, tam mitis sit precor ille tibi.
Hoc ego tentavi; caruit successibus: illo,
Quo placui vultu, nunc rea cladis agor.
Sed sic sim præstat, quàm non placuisse Tonanti;
Non piget immunes labis habere manus.
Stabat (& hoc referam, ne sim tibi parcior ore;
Et calamo lucris invida fortè tuis)
Stabat in arboreo suffixus stipite CHRISTUS,
Effigies multo sanguine picta fuit.
Hanc ego suspiciens, manibusque plexa figu-
ram,

Effudi tales protinus ore sonos.
CHRISTE, quid hîc agimus? dudum suspiria duco
Et tibi vel jungi funere poscit Amor.
Eja age rumpe moras, thalamo quoque suffice
bustum;
Hæc instar magnæ mors mihi dotis erit.

Audiit; & mota leviter cervice precanti

Annuit; huc enses, lictor, & arma move.

Néve morerî forsan patrio succumbere ferro:

In patrias venio sponte, volénique manus.

Attamen hîc modicum tempus, spatiumque re-
quiram,

Quò jungam vobis ultima vota meis.

Scilicet s. orabo, ne mors super ingruat illi;

Cui fuero solitâ sæpe vocata prece.

Despuet hoc genitor: dolor heu! 6. tonat igneus
æther,

Jàmque volant toto fulmina sparsa polo.

Ab pater! ab! periture, cave; prædicimus illa;

Hîc soler eventus facta cruenta sequi.

Quidquid erit, tumulto luctus, lacrimasque via-
tor

Addet, & hæc memori carmina scripta notâ.

BARBARA virgo jacet durum sine crimine nomen;

Quo plexa est, genitor Barbarus ille fuit.

s. Obtinuit Barbara ante mortem à Deo id benefi-
cium, ut qui eam invocaverit, ex hac vita migraturus
non sit absq; peccatorum Sacramentali expiatione.

6. Dioscorus Barbara pater statim à parricidio in
filia perpetrato fulmine percussus interijt.





R. P.

JOANNIS VINCARTI
GALLOBELGÆ INSULANI
E SOCIETATE
JESU,

SACRARUM HEROIDUM
EPISTOLÆ.

LIBER TERTIUS.

EPISTOLA PRIMA.

ARGUMENTUM.



IGNATIUS de LOIOLA (qui Societate
Jesu Auctor ac parens extitit) abso-
luto Parisijs studiorum curriculo : cùm
ex valetudine frequentius afflictar-
etur, Medicorum consilio ac jussu in Hispaniam re-
diit ; ibidem celi bonitate in quo primum edite-
rat, ad salutem usus. Quod ubi BERTRANDUS
de LOIOLA IGNATII ex GARCIA fratre nepos in-
tellexisset, redeunti honoris ergo obsequium processit
multisque institit, ut ad paternas sedes LOIOLA
familie castellum diverteret. Sed cum frustra

id contâset, digresso ad publicum Xenodochium (utipro more habebat) IGNATIO, & stipem quotidie ostiatim sibi corrogante: minari omnes, & subiniquè fere BERTRANDUS cum familia. Quocirca ejus uxor, quàm LOIOLIM sive LOIOLIDIA gentilitio mariti cognomine hîc vocamus, hanc ad IGNATIUM Epistolam scribit: in qua illum ex Xenodochio in domum paternam elicere nititur: propositis ad id, quas amor, & honoris humani cupiditas suggerebat, rationibus. Primo siquidem nonnulla LOIOLEÆ familie decora commemorando (ut homines solent) inustam veluti generi maculam arguit: tum & insinuat Christianæ disciplinæ, qua mortalium animis ingerebat, dogmata, potissimum ea domesticis tradenda esse: Postremò valetudinis & virium pericula objicit, quò ab itinere Romano detereat: quo quidem proficisci, unâ cum socijs, antequam Lutetiâ discederent, pacti erant. Sed cum frustra id enteretur, aut certè ita secum reputaret, ad calcem Epistola abituro, valedicit, & fausta illi totique Ecclesiæ apprecatur. Ribade-neira lib. 2. vitæ cap. 5. Maffei lib. 2. cap.

I. Orlandinus Hist. Societatis

lib. I.



Lojolis Ignatio.



136.

SYMBOLUM.

Quod equus generosum animal belló.
 que aptum, hoc animi affectus in homine:
 siquidem violentior uterque est, nisi fræ-
 num adhibeas. Fecit Ignatius: ad quem
 equi domiti, & in gyrum coacti lemma
 meritò pertinere affirmes:

Regitur, nec aberrat eundo,

Lojo-

Jojolis Ignatio.

L OJOLIS externis dudum tibi dissita terris ,
Nunc etiam , quanquam proxima facta ,
queror.

Nec queror incassum : causis urgemur honestis :

Quod mecum doleat jure , maritus habet.

Hei mihi ! quò fereris pannosâ Patrue , veste !

Heu ! ubi nunc , quondam qui tibi cultus erat

eu Dux , Hispano cùm I. Pampelonia Regi

Mœnia servares , voce manûque potens ,

ive ferocis equi regeres cùm colla decorus

Sessor , & in galea sic quoque fortis eques :

ive duces inter gladiôque sagôque niteres :

Tunc bene vel sola fronte verendus eras.

Nunc humilis , pannique attrito gausape tectus

Quisquiliis inter stare , trophæa putas ?

Ulla fugis (scimus) quondam violenter amata :

Pérque aras Christi te novus ardor agit.

Hoc ego nec carpo , damno minús : altera bello

Præmia , déque artis altera captat honos.

At tamen exoso bellum , discedere castris.

Mens tibi tunc melior , consiliûmque fuit :

Debueras alto sacrata ad culmina nisu

Tendere ; & huc magnis nempe vocaris avis.

Prô

*Pampelone arcem , quam Pompeiopolim quidam
vocant , regni Navarræ primariam , contra Gallo-
rum insultum egregie defendit Ignatius.*

Prô quoties! (memini) suspiria 2. GARCIA duxi
 Qui mihi jure socer, qui tibi frater erat.
 Quid rerum moliris, ait, germane? paternos
 Quid cupis ignotus deseruisse lares.
 Parce, precor, domui, tibi quæ decora m-
 nistrat,

Et jubet ex merito scire, quid ista velint.
 LOIOLIDÛM sanguis regi devotus 4. Ibero,
 Edidicit nunquam sordida castra sequi.
 Ne quidquam excurris: fallendo ponis amictum
 Ignorûsque novæ signa cohortis agis;
 Jamque sacer miles Serratæ ad Virginis ædem
 In novâ devotas porrigis arma manus.
 Cannaba vestis erat, præcincti funibus artus:
 Inque manu peditis fraxina virga fuit.
 Inque gradu propero Manresæ fusus in urbem
 Diceris: ille tibi quàm locus asper erit?
 Hei mihi! qualis eras? quantum diversus a
 illo,

Cùm premeres Gallos Marte favente duces.
 Cæsaries spisso stabat neglecta capillo:
 Sordidâque oblongo creverat ungue manus.
 Terra torus vel stramen erat: scutella, supellex
 Fercula, quæsitâ voce precante cibi.
 Quin etiam parco fregisse severior esu
 Diceris, & longâ pallida membra siti?

Add

2. *Garcias de Lojola Ignatij frater natu maximus, Bertrandi parens: qui Ignatium, ne domus paterna excederet, impedire conatus est.*

3. *Iberus fluvius Hispania apud Cantabros, ita dicitur, testis Eustachio, à Rege ejusdem nominis.*

de flagris laceros artus, taboque fluentes,
 Membræque vulneribus sanguinolenta suis,
 ætera quid memorem? potuit fregisse gigan-
 tem

Pœna: tibi levior, quod malè credis, erit?
 scilicet hinc stomachi dolor ingruit: inde pe-
 tuntur

Semina morborum, qui tibi cūque nocent.
 ed bene consuluit LOIOLÆ mitis Ibero

Gallia: non iras semper & arma movet.
 Mitteris huc, patrij vocat indulgentia cæli;

Define jam varias morbidus ire vias.
 Hoc locij suadent, suadent oracula Divūm:

Hoc & iter Divus capere jussit amor.
 amque propinquabas 4. Bojani ad littora por-
 tus,

Quā jacet opposito Cantabris ora solo,
 vit in occursum conjux comitante caterva:

Nil tamen occursum præstirir ille suo.
 scilicet obstitis, prece inexorabilis ulla,
 Quid facis? heu! morbi quid, Patruæ, semina
 nutris?

Ille locus sanis pestifer esse solet.
 Huc (rogo) flecte gradum, patriosque revolve
 penates:

Et tibi si non vis parcere, parce tuis.

Quid

4. Bajona quam veteres Aquas Augustas appella-
 bant, Gallia portus, Cantabria, quæ Ignatij patria
 erat, adiacens.

Quid (nisi te reddas) tellus jactabit Ibera?

Quid de te poterit patria tota loqui?

Hinc LOTOLÆ nigrescent stemmate ceræ,

Turpiter admittâ deteriora notâ.

Dicetur: domus Heroes quæ præbuit olim:

Heu! modò quàm viles sustinet illa viros!

Quòd si vana queror; si certo currere fixum est

Quaque subis rapido subdere calcar equo.

Patruus, pone modum: peregrinos excute sen-
sus:

Hic certe, quo sis officiosus, habes.

Sunt mihi, quos fudi partu felice gemelli

LOTOLÆ: gemini qui doceantur, erunt.

Quàm mihi dulcis erit certaminis hujus imago,

Cui stimulum pugnae parva tabella dabit.

Ille Dei præcepta decem numerabit: & ille

Crimina septeno jure timenda sono.

Si tibi tantus amor, pueris prodesse: docendi

Cur istâ careat parvulus arte nepos?

Quin etiam quando patientis imagine Christi

Tægeris, & Solymâ nuper ab urbe redux.

Nos dabimus, quod ames: & mœstâ pieta ta-
bellâ

Septenis flebunt patria septa locis.

Te duce visemus positas ex ordine sedes:

Combibet & lacrimas quælibet ara meas:

Qualis ero, Patruus quando narrantis ab ore

Pendebo, & mecum tota paterna domus?

Monstrabis Christi que vias, collésque propin-
quos,

Et loca postremo pressa repressa pede.

Hic

hic oleis quâ surgit apex, orare solebat :
 Dormiit hîc Simon proditor inde ruit,
 Proximus hinc urbi stat Golgorba collis in illo
 Ah meus, ô ! (dices) colle pependit Amor.
 Ecce, prô facinus ! CHRISTUS rapiatur ad
 aram ?

Hostia pro culpis concidat ista meis ?
 Nec precor, Jesu : peccavit LOIOLA : crimen
 Sed tua vox isto diluit omne loco.
 forsitan adjicies, quod Olivi vertice montis
 Videris impressos, dum subit astra, pedes.
 quin etiam quâ stent dextræ vestigia plantæ,
 Spectet ut occiduas planta sinistra plagas
 Quid mihi tunc animi ? quæ non incendia volves ?
 Si mihi nunc lacrymas hæc quoque scripta
 movent.

urima fortè premes : nec enim quid feceris
 isthic,
 Nec mihi, quæ passus dura, referre voles.
 d bene, quòd, dubio quantumvis murmure,
 fêrris

s. Exceptus dura, sicut ab hoste, manu.
 tamen ut leviùs sentires verbera CHRISTUS
 Anteibat rigidæ duxque comésque viæ.
 oc mihi (sic nescis) facit indulgentia Jesu :
 Cùm reditum instrueres, ipse præibat iter.
 Id quòd Solymis quæ te ratis extulit oris.
 Quæ caperet portum 6. de tribus una fuit.

Al-

*Dum ad montem Olivarum redit Christi pedum
 stigia accuratius inspecturus, à Barbaro duriter
 le retrahitur.*

Altera vesano subsidit naufranga ponto:

Altera arenosis cessit adacta vadis.

Nil agimus? frustrane mihi sic militet æther?

Militet & sævâ turbidus Auster aqua?

Flecte animum, modicumque indulge, Patri
nepti:

Cur modò vis patriâ cedere rursus humo?

Italiam denos tecum pepigisse sodales

Afferis: hæc voti mera terenda tui.

Quò ruis? obstat hyems: gravidos nive co-
spice montes,

Et juga securo non adeunda pede.

Huc quoties oculos verto, (vertoque frequente

Frigidior glacie serpit in ossa pavor:

Quid? quòd, ut & pelagus suadet retinacu-
solvi:

Multa tamen 7. Medius tristia pontus habet

Incubat 8. classis metuendo Turcica ponto:

Heu! quantum sævi turbinis illa vehit!

Utque tibi nil Turca mali moveâtque, ferâtve

Sæpe illic versas concitat Eurus aquas.

Palleo, 9. venturi quantumvis ignara pericli

Pænéque cum dextra charta tremente trem

Qu

6. In reditu parvâ & malè compactâ navî ve-
Hispaniæ portum attigit, duabus alijs, à quibus
pulsus fuerat, naufragium passis. 7. Mare Me-
terraneum, per quod navigans non sine peric-
Venetias appulit. 8. Ænobarbus Turca ea loca,
littorum flexus piraticâ infestabat. 9. Tempest.
coorta, lacerâ & quassatâ fluctibus navî diffic-
ter evadit Ignatius,

Quicquid id est, (precor ô!) si stat victoria tecum;

I, quod te Dius, patrue, ducit Amor.
 Agnosco, criménque fuit voluisse morari,
 Propositum duce quod Numine carpis iter.
 Da veniam falsæ: quamvis & cætera desint,
 Fas mihi sit saltem dicere Voce, Vale.
 Interea mecum conjux, prolésque gemella,
 Sospes ut evadas, ut valeâsque, rogant.
 Atque utinam, patrijs quoniam te sedibus ex-
 fers:

Dicaris toto maximus orbe Pater!



EPISTOLA SECUNDA. ARGUMENTUM.

CUM FRANCISCUS XAVERIUS Lutetia Parisiorum operam studijs daret, scientiarum, simul tuenda apud aquales nobilitatis avidus, extra modum sumptu prodiret: factum est, ut ejus parens JOANNES JASSUS, qui eum ex MARIA XAVERIA nobilissima conjugē postremum liberorum tulerat, de eo abs studijs revocando apud se statuerit. Quod ubi primum XAVERII soror, quam XAVERI ADEM hic vocamus (agebat autem ea Gaudia sacrarum Virginum Antistitam, quas ob summam viæ asperitatem Discalceatas appellant) intellexisset: a patrem JASSUM hanc Epistolam scribit. In qua illum operosè monet, obsecratque, uti FRANCISCO fratri Parisijs ingenium maximis scientiæ artibus excolenti affatim omnia supeditet. Quippe edoctus divinitus (nam & ob eximie sanctimonie meritum prophætico spiritu à Deo donatus erat) illum IGNA- TIO duce, Novi orbis, ultimique Orientis Apostolum destinatum: per occasionem de ijs, quæ XAVERIUS postmodò in India acturus, passurusque erat præcipua quedam edisserit. Movere hac simul quæ de filie sanctitate conceperat opinio, parentis animum impulitque ut nulla in re FRANCISCO studijs agenti deesset, uti nec defuit. Extant hæc litteræ in XAVERIO Castello, utique vaticinationis testes, quam suo tempore comprobavit eventus. Tuscianus lib. 1. vitæ, cap. 2. Orlandinus Hist. Societatis lib. 1.

Xaverias Jasso Parenti.



SYMBOLUM.

Ut antliæ aqua eò largiùs confluit, quò effunditur : sic & liberalitas Jassi Parentis in Franciscum filium, olim familiæ, atque orbi ingentem fructum datura est : siquidem ab his Xaverij studijs salus Japonum, Indorùmque pendeat, Jure igitur hîc apponas, quod antliæ :

Semper major erit : quantum se effunderit unda,

Xaverias Jasso Parenti.

Quæ tibi nuna Genitor reddetur Epistola,
 claustris
 Prodidit; & licitâ prodijt illa viâ.
 Ire coëgit Amor, fratrisque, hominûmque,
 Deique,
 Tu natæ, frater vota sororis habet.
 Nostin' an, heu! XAVERIADOS mihi nomina
 quondam
 Exciderint animo forsitan illa tuo.
 Perlege, JASSE, parens: amico & perlege vultu,
 Quod tibi fratris amans filia mittit opus.
 Fama 1. Lutetiâ nuper properavit ab urbe
 Fausta quidem, at votis durior illa tuis.
 XAVERIUS Sophiæ per amata cacumina tendit:
 At patrias unâ largiûs haurit opes.
 Nunc petit ex alijs alias: quo volvimur; inquis
 Pauperies ista sæpius arte subit.
 Non ego tot Sophiam nummis, opibûsque re-
 quiro:
 Nec dubito doctus, dives an esse velim.
 Stat, juvenem revocate: patrisque hæc litteræ
 sensus
 Perferat, & modicâ transvolet ille morâ.
 O! dolor, ô! quid agis? cassa pater optime
 quantæ
 Pauca per has nescis damna petantur opes!

For

1 Lutetia Parisiorum urbs celeberrima ubi studij
 vacabat Xaverius.

Forſitan hic ſummos cleri mediteris honores,
 Quôdque vehit ſecum ſacra tiara decus?
 Galleris: ah! ſeſe frater maioribus aptat:
 Nuntius ille novi, victor & orbis erit.
 Nêve putes tantum vanæ præconia vocis:
 Accipe, ſed tanquam vaticinantis opus.
 Tranſierat (memini) ter ſenis meſſibus æſtas;
 Et ter ſena novo fluxerat uva lacu.
 Annorum fratri fuit hæc meſſura: colôrque,
 Ut ſpecies mentis, candidus oris erat.
 Veſte nova, ſed quæ corpûſque animûmque de-
 ceret:
 Si quis quid Gallis mandat, abimus, ait.
 Quin etiã clauſtris cum proximis, ultima fratres
 Adjecit verbis hæc quoque verba meis.
 Chara ſoror, fratris ſi quæ tibi cura ſuperſit,
 Si remanet noſtri non abiturus amor
 mea fer lacrimas conamina, vota, præcèsque?
 His Germana tibi ſæpe iuvandus ero.
 Dixerat hæc abiens: abeuntem proſequor ore,
 Excipit hinc fulas ſæpius ara preces.
 Sic ego cùm ſtarem nuper ſub ſolis obortum:
 Cùm pallent primo ſidera pulſa die.
 Itaque conceptis ſine corpore gaudia formis
 Mens ſibi fingendo carperet intus iter,
 Neſcio quæ viſa eſt dubiæ ſub imagine lucis,
 Extendi in longas area lata vias.
 Pro ſegete in campis circùm creſcebat 2. oriza;
 Plurimâque ignoti ſtirpitis arbor erat:

G 3

Tecta

Oriza ſatio & uſus apud indos pro frumento eſt.

Tecta levi cultu : tectisque simillima templa :
 Horrida per fumos hæc quoque facta suos.
 Hic 3. Pagodum sedes , 4. Fotoci 5. Xacæ , 6. A
 midæque :

Nomina sunt ipso barbariora loco.
 Plurima gens illic circum fuligine tincta.
 Ad fuligineos tendere visa lacus.
 Ut vidi , indolui : tacitoque in pectore dixi :
 Turba virum lacrimas exigit illa meas.
 Exigit illa preces : cur sic ruit acta sub umbras
 Ut miseros nossem , Japon & Indus erant.
 Hæc ego dum meditor sensim fugere tenebræ
 Nox quoque suffuso cedere visa die :
 Lucis in accessu (liceat mihi visa referre :

XAVERIUS primo limine frater erat,
 Hinc tranare amnes , latisque excurrere campi
 Cœpit , & in varias concitus ire vias,
 Illinc & pueros tinnitu cogere 7. nolæ
 Cœpit , & insolitas spargere fontis aquas.
 Nunc aras saptare solo , Pagodæque cremare ;
 Cæteraque aggestis lignea signa focus ,
 Et (bene si memini) FRANCISCUM tota sonabat
 India ; cum nuptis , cum senibusque puer.
 Hæc ubi : Germano votis gratamur , & illuc
 Moturo placidas esse precamur aquas.
 Quicquid id est , longo concutitur æquore
 multa

Quæque feras (dixi) tristia , frater , habes.

3. 4. 5. 6. Nomina Idolorum, quæ apud Indos & J.
 pones celebrantur. 7. Xaverius per plateas puer
 campanulâ ad Catechismum cogebat.

Nec retuli falso ; curvo te corpore vidi :

Sarcina 8. cui dorso decolor Indus erat.

Qualis eras , Germane , ista sub mole ! ferebas ,

(Si bene conjicio) téque ferebat 9. onus.

Tela , arcum , pharetrámque gerit niger iste Cu-
pido :

Postmodò sed lotus Candidus , alter erit.

Te 10. quoque conspexi diffracta puppe per
undas

Jaçantem tumido brachia lenta mari.

Nec tibi causa metûs gens 11. Maurica , spar-
gere quamvis

Dicitur infidâ dira venena manu.

Heu ! 12. Pagodas timeo ; gens est feralis ab
arcu :

Sed fugies jussum missa sagitta locum.

Sæpe sub ambusta sudantem vidimus orâ :

Sæpe 13. gelu nudos diriguisse pedes.

Utque sit hoc verum , Genitor : prædicere casu.

Attinet , & certâ dicta probare notâ,

G 4

Pen.

8. Sæpe sibi visus est per quietem , morionem Indum
suis gestare humeris.

9. Fit allusio ad dictum D. Aug. lib. 3. Confess. c. 9.
Amor meus pondus meum ; eo feror , quocum-
que feror.

10. Ad Molucas Insulas naufragium patitur.

11. Barbaros atque efferatos Mauricensium ani-
mos excolit , spreto veneni ac vitæ periculo.

12. Multis Pagodarum sagittis appetitus per pro-
digium illæsus servatur.

13. Itinere Meacensi in Japoniâ.

Pendula 14. XAVERIO CHRISTI stat lignea Ca-
stro

Effigies patriæ laus pietasque domûs.
Sæpius hoc coram FRANCISCUS voce manûque
Dicitur & flexo vota tulisse genu.

Crede mihi plus est, quàm quod videatur imago

Mistæq; cum CHRISTO symbola frater habet

Nam quoties medijs frater cruciabitur Indis,

Et CHRISTI toties perpluet ora liquor.

Tempora fac numeres: quoties sudarit imago

XAVERII toties signa dolentis erunt.

Plura quid attexo ; geminus quantumlibet
orbis ,

Non tantum , ut tantus condocetur , habet

Damna quid ergo tuæ Genitor, vereare crume-
næ ?

Mitte , precor ; missæ sic bene dantur opes,

Nec tibi sola isto venio pro munere supplex ;

En jacet ante tuos India tota pedes,

Consule 15. dilutis quid turba minutula noxis

Mussitet: hic nobis erudiendus, ait,

Sic faveant Superi ! Sic oret Japon & Indus ;

Adjungant votis & sua vota meis.

Sic bene FRANCISCUS totum circum ambiat or-
bem ;

Nec 16. (Saris est) genitor, proferat ille Saris.
In

14. Crucifixi in arce Xaveriana effigies prodigio-
se sudat, quoties Xaverius in India laboribus so-
lito amplius exercetur

15. Parvuli, quos baptismo lustrator ad celum
transmisit.

Interea frater caræ memor usque sororis
 Vive, licet varias usque ferare plagas.
 Ibis (& hoc vereor) patrios, Germane, penates
 Curâque 17. nec matrem visere forsan erit.
 Quidquid erit, genitor, magnæ præconia famæ,
 Totus & exiguo pendet ab ære Iapon.
 Incipe sic sacras titulis augere tabellas,
 Inque fidem versus quatuor una ferat.
 XAVERIUS victor, victorem LOIOLA fecit:
 IASSÆUSq; parens, XAVERIASq; soror,
 LOIOLIBES pugilem castris adscripsit JESU:
 Ille dedit nummos, addidit illa preces.

16. Satis est Domine, satis est: ita subinde ob cale-
 stium deliciarum abundantiam exclamare solitus
 Xaverius.

17. Indiam petens, ne matrem quidem salutare
 dignatus est, quamvis non longè à paternis adibus
 iter caperet.



EPISTOLA TERTIA, ARGUMENTUM.

FRANCISCUS BORGIA ex Marchione Lombassi Dux Gandia Quartus, inito cum Leonora Castrina, illustrissima ex Lusitanorum genere foemina, conjugio: multa prole & honoribus apud Carolum Quintum Imperatorem auctus est. Sed cum ad funus Isabellæ Imperatricis, cujus Toletæ Granatam transvehendi cura commissæ erat, divinitus tactus, jamque rerum humanarum, & gloriæ fluxa pertesus, nova Deo serviendi consilia captaret: ferunt à Martertera, quæ ad Cœnobium D. Claræ Gandiensis commigraverat, ibique Antistitam gerebat, per Epistolam communitum, ut constanter ageret. Et Verò ne incassum hac movisse plerique existimarent, constat eam divinæ revelatione atque ostento didicisse, quidquid à FRANCISCO Duce ac Nepote, ad Cesarei cadaveris conspectum gestum fuit. Quod ipsum hac Epistola significat; in qua & eum multis rationibus cohortatur ad propositi constantiam: simul prædicens fore, ut Sociorati JESU, cujus IGNATIUS auctor ac parens erat, nomen adjiceret: multaque ac præclara in eo ordine pro Dei gloria, & proximorum salute aggredereetur. Attingit autem & A-vie obitum quæ pariter intra Cœnobii Gandiensis claustra MARIÆ GABRIELÆ nomen ascriberat: cuius affectu monitisque salutaribus ipsemet BORGIA multò

multo maximè profecisse sape testatus est. Mater-
tera nomen, quod ante ISABELLÆ fuerat, FRAN-
CISCÆ de IESU concessit: quo & hîc utimur. Ne-
que verò eorum, quæ suprâ de FRANCISCO attigi,
eventus fefellit. Quippe in Societatem primò, indé-
que ad summum in ea imperium & Præfecturam
assumptus, Præpositi Generalis Tertij titulum, præ-
claris editis facinoribus implevit. Accessit Sancti-
monia non vulgaris fama, quæ etiam miraculis in-
claruit: quo factum est, ut ab URBANO VIII. Pont.
Max. Beatorum numero solemnî ritu adscriptus sit.

Anno 1624. Ribadeneira lib. I. vitæ ejus
cap. 7. Orlandinus Hist. Societa-
tis lib. I.



Francisca de Jesu, Borgiæ.



154

SYMBOLUM.

Formositas oris, per quam multi misere
 depereunt, nihil aliud quàm larva est. Hanc
 in Isabellæ Imperatricis funere agnoscit
 Borgia, ingenti suo bono. Quippe hinc
 doctus verissimum etiam hic esse, quod
 ad larvæ naturam spectant,

*Altera proponit conspectibus, altera
 celat.*

Francisca de Jesu, Borgiæ.

Gaudia quâ lacras claustris foret alba columbas,

Hoc consanguinei mittit amoris opus.

Perlegis? inque tuos successit Epistola vultus?

Perlege: quod cupias, quôdque sequaris, habes.

Scilicet ipsa tuam didici Matertera mentem,

Cum tibi Cæsarei funeris horror erat.

Vera loquor, paucisque tibi perscribimus acta;

Insolitus quando pectora flexit Amor.

Lux 1. fera Cæsareis surrepserat orta triumphis,

Formosum tenebris implicitura caput.

Morbus adest (dolor, ô!) care insidiator 2,

Elisæ;

Ille tibi, Cæsar, quàm ferus hostis erit!

Nec mora, grassatur; torrentur febribus artus;

Regiâque extremus corpora languor habet.

Ergo ubi succubuit: gembundo pectore Cæsar

3. LAMBASIDE, conjux optima vixit! ait,

Tu funus curato celer, patrioque sepulcro

Defunctæ carum conjugis effec onus.

G 7

Peto

1. Toleti Hispania urbe in Tarraconensi tractu, ubi per id temporis comitia Regia, non sine plausu ac læticia ab Imperatore agitabantur.

2. Elisa idem ac Isabella, quod nomen erat Imperatricis.

3. Lambasides, à Lambasio Marchionatu, à quo Borgia primam appellationem sortitus est.

Pergis : & ut primum 4. Granatæ constitit oris
 Claudendum aggesta triste cadaver humo.
 Jamque 5. fides petitur , corpusque exangue pa-
 tescit :

Exuvias oræ vix bene noscis Heræ.
 Scilicet ora prius nivibus certantia primis ,
 Labræque purpureas vincere nata rosas.
 Exedit livor , taboque liquentia putrent ?
 Nec remanet formæ , qui fuit antè , decor.
 Quid facias , FRANCISCE ? stupes : lacrimisque
 coortis ,

Diceris in cœpto ter siluisse sono.
 Postque moræ modicum : quid enim jurabimus
 inquis :

: Abstulit hæc sensus tristis imago meos.
 Quicquid id est , Isabella fuit ! dolor obstruit ora ;
 Et tua vix lacrymas lumina iussa tenent.
 Mox ubi fas , actæ post Iusta sacerrima pompæ ,
 Interiora domûs , & sine teste , subis.
 Ipsa ego te (credat quisquam) te subsequor ist-
 huc ?

Mente tamen & vultus non aditura tuos.
 Omnia clarescunt , nullus fovet angulus umbras ;
 Et tua (crede mihi) pectora nuda patent.
 Mensa fuit , stabatque Dei pendeatis imago
 Tristis & obtusis sanguinolenta genis.
 Protinus hac coram labiisque oculisque solutis :
 Diceris in tales profiluisse sonos.

Quid

4. Granata urbs in Hispania ejusdem Regni Metro-
 polis, nec non Regum sepulcro nobilis. 5. Juramentum
 solemne, quo cadaveris Regij fidem adstrueretur.

Quid facimus, pie Christe: cui placuisse laboro?
Quæ modò servitiis meta, modusque meis?
Ergo etiam magnis pereunt de Regibus orti?
Summa nec Austriacos Iusta verentur avos?
Heu! ego te qualem vidi, Regina: decore
Quæ prius illicium totius orbis eras.
Nunc ubi frons, oculi, facies? ubi lactea cervix?
Binæque purpureis picta labella rosis?
Quò decor omnis ijt? spectavi corpus: in illo
Qui fuit, ah! vultus non erat ille tuus.
Ergo sic morimur? sic Regum purpura livet?
Inque redit putrem Cæsaris uxor humum?
Serviimus quondam: sed & hac peccavimus arte?
Cæsaribus potior CHRISTUS habendus erat.
Parce precor, pie CHRISTE arctis quem stringi-
mus ulnis;
Pectoréque affusus quod modò stringit Amor.
Parce precor, binósque oculis sine currere fôntes:
Sæpe per has ingens culpa lavatur aquas.
Pœnitet admissi: tuus ô! tuus optime CHRISTE
FRANCISCUS semper, BORGIA semper erit.
Taliam dicebas: præsens quoque mente precabar,
Et tua sum votis vota secuta meis.
Eloquar? an sileam? nec scribere cuncta licebit?
Inque tua aspectus flectere vota meos?
Eloquar: ut tacito demissa Modestia vultu
Abnuat; indulgens scribere cogit Amor.
Dum sic perfusus lacrimis, gemitúque jaceres,
Et premeres posito frigida saxa genu.
Adstitit in rubea spectandus imagine CHRISTUS,
Et tibi porrectam tradidit ille manum.

Quin

Quid etiam ostentans plures sua castra secutos,

BORGIA, pone metum, tūque sequēris, ait.

Quid te mors cruciat? quid caræ funus Eliæ?

6. Vivit, & ultrices transiit illa rogos.

Dixerat: atque oculis blandè noctantibus arsit,

Et novus à CHRISTO fluxit in ora rubor.

Ergo agedum, FRANCISCA, animum majoribus

apta,

Lojolides facti nobilis auctor erit.

Ille reget, aucterque animos, modicòq; 7. libello

Erudiet promptas ad nova bella manus.

Neve reformides Veneris perrumpere castra,

Castâque seposito bella movere toro.

Concedet 8. Leonora tibi, quam diligis, uxor:

Quin etiam fatis officiosa suis.

Elebis, & extinctum lacrimis dignabere corpus?

Et mortis, dices, huic ego causa fui.

Sed volet hoc pietas, & qui tibi militat ardor:

Invidiam noxæ detrahet ille tuæ.

Quidnam agimus? bellône pigrum Martertera

æcætit?

An contrâ admissis tergora pulsat equo?

Ut fuerit, faciam: dum CHRISTO prælia cedant,

Et sacer egregio Marte triumphet Amor.

Care

6. Cognovit Francisci Martertera Imperatricis

animam expiatorijs ignibus celeriter creptam, ad

calum evolasse 7. Libello exercitiorum cujus ipse

met Borgia approbationem à Paulo III. Pontifice

impetravit anno 1548. 8. Leonora Borgia conjuga

fata eripitur, quò ipse religione Deo servire

possit.

Care nepos, propiò que mihi jam 9. nomine factus,

I. bone, quò Iesu te pius ignis agit,
Mente licet Stygios verferis sæpe per ignes,
10. Flamma rogi flammæ aggeret illa tuas
Hæc mea sunt, sed & hæc 11. aviæ pia vota fuêre,
Quæ tibi præceprix, quæ tibi mater erat.
Ah! quoties monitis annos tibi sedula finxit?
Seu puer, aut juvenis, vîrque, patérque fores,
Nec siluit moriens: udâ si fusus in herbâ
Fulminis ad ripam concinit albus olor,
Ergò age, sume animos: magni patet area belli:
Injice non timidos in nova castra pedes.
Si nescis, isto crescit quoque laurus in horto,
Vinctura emeritas, nec sine luce, comas.
Neu mala sim vates: quod dat tibi Gandia no-
men,

Vincetur meritis (& sinet illa) tuis.
Illa Dacem Quartum te reddidit ordiae 12. Ca-
stris,

Lojolidum tu Dux Tertius alter eris,

9. Quippe qua Isabella nomen Francisca de Jesu commutaverat. 10. B. Borgia frequens erat in meditatione inferni: ajebatque se ad istum rogi amoris in se divini ignem accendere. 11. Maria Henriquez, quæ exinde Cœnobio itidem D. Claræ Gandiensis adscripta. Maria Gabriola cognomen sibi adscivit. 12. Fuit enim quartus Gandia Dux, & tertius Generalis Præpositus Societ. Jesu

EPISTOLA QUARTA.

ARGUMENTUM.

Habet Belgium quoque, quod de hoc Societate primo seculo gloriatur: quippe & istud statim à principio illustravit PETRUS CANISIUS, vir doctrinæ juxta ac sanctimonie laude percelebris. Natus is fuit Noviomagi Provinciæ Gueldria, quam olim Sicambriam dictam volunt, primaria civitate anno salutis humana 1521. eo scilicet, quo B. Ignatius de Lojola Societatis Jesu parens ad severiorem vitam conversus, militia sacra relicta profanâ sese tradidit: quam & CANISIUS tertio Confirmati Ordinis ingressus est. Puer matre orbat, cui EGIDIAE HONOVINGÆ nomen erat, in Matertere (quam abs sorore HONOVINGAM, hic appello curam concessit. Et verò hæc multis precibus & consilijs sæpe eum juvit: qua compendio per Epistolam hinc exhibemus: in qua CANISIO nepotæ de statu vitæ consilium agitant, nec non inter illecebras Noviomagi apud suos, ubi tunc erat, primam intra juventam, dubio, stimulum addit, jubetque bono esse animo, predicens fore, ut brevi in novum quendam Sacerdotum Ordinem assumatur. Operæ pretium mihi videtur majoris fidei ergo, ea verba hinc addere, quibus illa, etiam ante Societatis in partibus auditum nomen, divino Spiritu illustratum cum nepote contendit. Tu, inquit, fili, cooptaberis in novum quendam Sacerdotum Ordinem, quem in Ecclesiâ sua ad reformationem ejus, ad mul-

multorum salutem parat Deus. Ego eos per visum vidi, & te ad eos adjungi. Graves eiunt viri, docti, modesti, Deo pleni, animarum caritate præditi. Bono igitur facis animo, & spe hujuscemodi te sustenta. Nam brevi poteris hoc dono. Quæsitis ergo ad hæc rationibus, imò & ejusdem CANISIÏ prima pueritia gestis, simul postea gerendus adhortatur, ut is viris Christo vacaturus se adjungat: quod & fecit captato P. Fabri colloquio, qui Moguntia tunc agebat. Orlan-
dinus Hist. Societatis. lib. 4. Sacchi-
nus in ejus vita lib. 1.



Honovinga Canisio.



SYMBOLUM.

Per canem vigilantiam, ac fidelitatem veteres Ægyptij significabant: interdum quoque impudentiam, juxta Homeri: *κυνὸς οὐματ' ἔχων*. Tales & hi luridi ex hæretico grege, quos *Canisius* invadit & fugat. Quàm verum de illo, quo de cane fideli!

Damnum latratibus arcet.

Hono,

Honovinga Canisio.

Quà propè te 1. Vahalís , quà me propè 2.
 Rhenus oberrat ,
 Vicinásque trahunt alter & alter aquas.
 Scribitur hæc reddenda tibi mox littera : quam-
 vis
 Forſan & à lacrimis humida facta meis.
 Scilicet audieram dubium tibi pectoris æſtum :
 Æſtus & in lacrimas fluxerat ille meas.
 Attamen appoſito chartam ſiccavimus igni ,
 Quíque meo flagrat pectore , juvit Amor.
 Scribe, ait, HONOVINGA: tibi qui morte parentis
 Tranſijt in curas , & tua juſſa puer.
 Nunc juvenis vario, dubiòque CANISIUS æſtu
 Nutat , ur incerto puppis itura mari.
 Fac conſtet: nupèrque tibi quæ viſa fuère ,
 Deferat hæc promptâ ſcripta tabella notâ.
 Protinus arripio calamum , mihi proximus
 adſtat ,
 Et face ſcribentem dirigit ales Amor.
 Tempus erat , laſſos quo primùm ſomnus in
 artus ,
 Serpit: & accenſis ignibus aſtra micant.

Ad.

1. Vahalís fluvius Noviomagum alluens Caniſij patriam.

2. Rhenus fluviuſ , ad cujuſ ripam Arnheimium adjacet Geldria oppidum , ubi tum Honovinga Caniſij Matertera habitabat ſecundo ab Noviomago lapide.

Adstabam claulo, mecúmque relicta, cubili,
 Mox vespertinas compositura preces.
 Cúm subito coram visa est descendere nubes:
 Candidus & nubi præviús Ales erat.
 In manibus frondes oleæ, risúque per ora:
 Pacificum scires quod meditatur opus.
 Hic ubi vibratâ nebulam discussit olivâ:
 Obstupui subitos ora tulisse viros.
 Insolita his facies, attonâ fronte capilli:
 Velabant imos pallia nigra pedes.
 Quémque vocent aliæ vultum rigidúmque truci-
 cémque:
 Judice me, mixta sorte modestus erat.
 In dextra calami (calamos hastilia tractant)
 Jámpque parant scriptis bella movere suis.
 Cuíque sacrum JESU rutilabat pectore nomen
 Igniti species pectoris illa fuit.
 O! quantum gens illa sacris operabitur aris,
 Cultorésque novos officiosa dabit!
 His fœdæ fugient sub Tartara nigra phalan-
 ges,
 Virginitásque albis læta redibit equis,
 Seu calamo fuerint, agitandavé prælia voce:
 Et calami, & doctæ prælia vocis erunt.
 Quid? quod nostra istis vinces Germania castris
 Colla gemens duro succubuisse jugo?
 Hæc ego dum specto: subito te in lumine vidi
 Ad primos Mystæ procubuisse pedes.
 Primus erat turmâ (quantum reminiscor) in ist
 Nomine, Theiologô nec miaus arte, 3. Fa-
 ber,

Hunc petis amplexu: pullaque in veste sodalis
 Pallatos auges ad nova bella viros.
 Ergo age, perge nepos istis te jungere castris,
 Devotaque move fortia bella manu.
 Si bene conjicio magnæ præludia pugnae,
 Et faciles aditus prima juvenia dedit.
 Scilicet annorum prima, incunabula Christus
 Surripuit, versus ad pia facta jocos.
 Nil tibi cum nucibus, longæ nec arundinis usu:
 Ne teretes cura est exagitate trochos.
 Privatas pictis aras decorare tabellis,
 Sæpius & Myrtam fingere, lusus erat.
 Parvula sacra facis, dicisque precantia verba,
 Accumulant justas turba pusilla preces
 Et modò voce puer, pueros modò fonte piabas:
 Ista rudimenti signa fuere tui.
 Quid? quòd & in teneros lævisti funibus artus,
 Membræque portandas edidicere cruces?
 Cætera cur sileam? nec enim meminisse no-
 Patrâsti parvus qualiacunque puer. (cebit,
 Sæpe, orbi quando jejunia verna redibant,
 Cum furit 4. Ogygio concita turba Deo:

Cum

3. Petrus Faber primus Ignatij socius, qui tum per Germaniam animarum saluti vacabat: quem Moguntia agentem, primum Canisius adiit, ut in argumento dictum est.
 4. Ogygius Bacchus dictus est ab Ovidio, & temulentia Deus à Poëtis habitus. Noviomagum reversus ad nuptias contrahendas sollicitatur: proposita Juris Civilis, in quo parens ejus Fabus Canisius excelluerat, agitatione.

Cūm passim turpēsque ioci , madidæque pe-
pinae ,

Et resonant foedis compita fracta sonis.

Tunc ego te didici solis radicibus usum ,

Oraque gustato continuisse mero.

Increpuit mater : quid agis ? quid scavior , in-
quit ,

Dura CANTISTADE nec tua bella moves ?

Hæc permitte viris , quibus est robustior ætas ?

Ossa tibi , puri cætera lactis habes.

Protinus illactimans scelus ah ! scelus optimæ
mater ,

(Si nescis) cæcos ducit in arma viros.

Arma illis Bacchus positus ferventia mensis :

Arma illis Paphiæ tela facēsque deæ.

Ipse ego non plorem ? dapibus neque parci-
utar ?

Nec mihi sit fulo gratior unda mero ?

Da veniam , mater ; licitæ patet area pugnae :

Hic puer , & miles , victor & esse potest.

Taliteras : quid nunc dubio certamine nutas ,

Si pridem est puero laurea parva tibi ?

Scimus : blandus Hymen tacitis tibi nict-
ocellis.

Propositoque 6. Themis te trahit alba foro.

Crede mihi , latet hac fallaci sæpe sub herba ,

Sæpe per & placidas saxa petuntur aquas.

Ergo age , quære viros : illis te junge Sodalem :

Materiem , quâ sis oblequiolus , habes.

6. Themis Justitia Præses habita : nam teste Fe-
Dépuis idem quod fas.

Nec malè vaticinor : totos sævire per agros ,
 Fama est , & rabidas ire , redire feras.
 Infremuère lupi circum præsepia ! 7. Rhenus
 Audiit , & gelidis palluit 8. Ister aquis.
 Quid cessas ? Stygias urge latratibus umbras :
 Inque fidem veram 9. Nominis adde notam :
 Utque reor , facies : istud Matertera poscit :
 Hæc in te titulum , juraque matris habet.
 Illa mihi moriens , soror ô ! soror optima dixit ;
 Abstrahor : applicitâ fœdera junge manu.
 Quem (rogo) nunc parvum passiue tibi que ne-
 potem

Linquimus , in curas transeat ille tuas.
 Scilicet ille tibi , castæ , Germana , MARIE
 In castas artes erudiendus erit.
 Annuimus voto , lacrimisque per ora profusis ;
 Nil illi potui dicere , præter , erit.
 Ex hinc vota frequens , & verba frequentia
 fudi ,

Et tibi quod mater debuit esse , fui.
 Cætera dent Superi : pullo sic nubis amictu
 10. Virginei castas corporis abde nives,

H

Scri-

*Rhenus Germania fluvius.
 Ister sive Danubius amnis celebratissimus Ger-
 maniam longo tractu , Astriamque alluens.
 Canisius juxta nominis Etymon & gesta. Canis
 Austriacus ab Hæreticis dictus. Sacchinus in vita
 lib. 1. n. 10.*

*Perpetuam atque illibatam virginatatem
 luit.*

Scribere plura libet : tibi sed scribenda relinquo.

Hinc calamo trames sæpe terendus erit.
 Cùmque tibi tardè supremam venerit horam.
 Stamine nec pullo s de tribus una soror.
 Forſitan hoc aliquis ſignabit marmora verſu,
 Accola quem Rheni, poſteritasque leget :
Nac jacet exanimis, recubâtque CANISIUS urna,
Quem ſtupuit gelidis Rhénus & Iſter aquis.
 Depositos cineres lugens Germania ſervat,
 Ingenium libri : ſpiritus aſtra tenet.



EPISTOLA QUINTA.
ARGUMENTUM.

STANISLAUS KOSTKA illustri apud Polonos genere oriundus, cum adolescens in Societatem Jesu admissus esset, primo ipso tyrociniis tanto animi sensu, actûque in divina ferri coepit, ut sæpe sapius inter orandum madefacta lintea, estuanti pectori applicanda forent: Porro crescente in dies amoris incendio, idque impatientius jam ferenti STANISLAO evenit, ut sub festum Assumptæ in calum Virginis (quam ut matrem tenerrimè amabat) mira animum hinc mingrandi ad calum cupiditas incesset. Quocirca composita hac Epistola MARIAM orat, ne desiderium suum ultra differat, frustreturve: quò minus proximis apud tales triumphis intersit. Neque profecto incassum vota recidere: Quippe post paulò febrè correptus est: quæ tametsi lenta primum, eò tamen sensim paucosq; intra dies invaluit, ut de castis viscèribus adolescentem anno ætatis circiter vigesimo terris ereptum, calo transmiserit: ipsa Assumptæ in calum Virginis sacra nocte, Anno Christi, 1569. Franciscus Sacchinus in ejus vita.





170.

SYMBOLUM.

Quid navem, sagittamque tenso fune
laxatam intueris? Illa in portum, hæc in
cælum tendit: Non aliter *Kostka*, amoris
igniti impatiens ima detrectat, cælumque
animo petit; quò *Maria*, quam, ut Ma-
trem, unicè diligebat, recepta est, Adeò de
tribus istis verum quod cecinit Vates.

Nequeunt laxata teneri.

Kost-

Kostka Deiparæ.

DA veniam, cæli decus augustale, MARIA,
 Si tibi nunc à me littera scripta venit.
 Scribere jussit Amor (cælo licet omnia nôris)
 Impulit is timidus ad sua jussa manus.
 Substitimus primò : calamum pudor ipse re-
 tentans,
 Quid tibi nunc tandem, KOSTKA, paratur ?
 ait.
 Verte aliò mentem, precibus contexe coronam !
 Grator est Dominæ texta corona tuæ.
 Quid faciam ? adversum hinc amor, hinc reve-
 rentia pugnant ;
 Hæc calami cursum supprimit, ille movet.
 Ut scribam ; vereor præfigere, KOSTKA PA-
 RENTI.
 Sis mihi cara licet, plûsque parente parens.
 Urimur ? ô bona Diva, & (si licet) ô bona
 Mater,
 Urimur : ô ! quanto pectus ab igne calet.
 Lintea traduntur frigentibus humida lymphis :
 Lintea sed flammæ non domitura meas.
 Quod facitis, dixi, gratum est, sed inutile nobis :
 Non profecturas quid mihi fertis aquas :
 Exteriùs gelido corpus perfunditis imbre :
 Attamen interiùs, quo cremor, ignis adest.
 Optavi quoties velut igni lampas edace.
 Deficere ante aras, ô mea Diva, tuas !
 Optavi quoties, ut, quæ tibi sacra micabat
 Teda, foret vitæ terminus ille meæ :

Optasse hoc licuit : tedæ consumitur ignis :
 Majus at in nostro pectore robur habet.
 Eloquat? an nostræ nunc est opus indice flammæ?
 Nec tibi sat noster cognitus extat amor?
 Proxima lux oritur purâ spectabilis aurâ :
 Suscitât ardores proxima pompa meos.
 Hæc tibi, qua fugeres terras, fuit ultima, Virgo;
 Quâ cælum peteres, prima sed illa fuit.
 Fingo animo plausus, lætæque sonantia cælo
 Tympana; mille tubas audio, mille fides.
 Aligeri circum volitant, fulgêntque ministri.
 Et fervet totâ cælica pompa viâ,
 Pars Arabum complet nebuloso compita fumo;
 Pars liquidum strato lumine vestit iter.
 Emicat ante alios juvenum lætissima turba :
 (Sic nobis pompæ fingitur umbra tux)
 Cæsaries, illis purum flavescit in aurum,
 Orâque formoso candidiora die,
 Ornat palma manus, humeros bombycina ve-
 stis,
 Pallâque non tactas vincere jussa nives.
 Ponè subis; vivis certat tua palla pyropis.
 Et superat, quidquid gemmifer orbis habet.
 Fallimur; hoc oculi vitium est; abscedite
 genitæ :
 Pius satis aurata conspicienda comâ es.
 Illic, castus Amor pulchra statione moratur.
 Aurea deque tuo spicula crine legit.
 Quid referam, quali raperis super æthera
 curru?
 Qualis hic auriga est, talis an alter erit?

Non sic vectus ijt, voluit cum splendidus auro
Davides 1. Solymas conciliare nurus.

Non sic aërio raptus qui turbine 2. Vates
Dicitur ignitis ille per alta rotis.

Nempe humero Matri Natus subit: ille paren-
tem

Sustinet, & famulâ ducit ad astra manu.

Quidquid id est; farine licet? tuus ille lacunam

(Si nescis) aliqua parte triumphus habet

Scilicet alta patent domitis Capitolia turbis:

Captivo sine me, me sine, mater, abis?

Ille ego sum; dulces hærent in corde sagittæ.

Méque tuo strictâ compede vincit Amor.

Jâmque per æthereos ferris Regina penates.

Sub pedibusque micant sidera pressa tuis.

Empyreï, quâ summa patent penetralia, cæli

Panditur occursum janua laxa tuo.

O! ibi quot plautus! tibi quæ præconia cer-
rant?

Deficit hoc uno littera nostra loco.

Dicite, vos nitidæ, cæli gens aurea, Mentem.

Dicite: adhuc imâ KOSTKA tenetur humo.

Sæpe tamen spectare juvat in ea gaudia cælum.

Fallor: & hoc uno pectora nostra dolent!

Nam quoties spectro, toties, incendia crescunt.

Nequidquam lacrimis imminuenda me s.

H 4

Scri-

1. Salomon à Davide Patre. qui sibi ferculum seu
thedam triumphalem magnificentissimè extruxit.

& hoc, ut habet Scriptura Textus. Cant. 3. propter
Jerusalem. 2. Elias Propheta, qui currus igneo in
cælum raptus est. Lib. 4. Reg. cap. 2.

Scrubimus interea: quid enim si temperet ignem;
 Leniat & quæstus dextera mota meos:
 At quantò mallem, quàm scriberet, illa trium-
 pho

Spargeret Elysiæ officiosa rosas!
 Aut etiam Angelicæ quæ promicat agmine
 turbæ,

Facundum digitis sollicitaret ebur?
 Differimur votis, & adhuc tellure moramur?

Munera ferre tamen qualiacunque juvat
 Est locus extremo quàm te formosior horto,
 Pendulæque æstivam vitis opacat humum;
 Illic formosâ te sistis imagine, Virgo,

Et quiddam templi textilis instar habes.
 Illic 3. LOIOLIDUM turba exiguißima laudes
 Assolet, & Dominæ reddere vota suæ.

Vidi ego, qui violas qui candida lilia ferret,
 Plenâque purpureis rubra canistra rosæ.

Ivimus, & ternam Divæ lustravimus ædem:
 Æde sub hac etiam plurimus hospes eram,
 Esto veris honor spatioso floreat horto:

At mihi præ reliquis angulus ille placet.
 Illic succrescunt dulces maturius uvæ,

Mercedemque suæ proximitatis habent.
 Quid? quòd aves ista dicuntur sæpe sub umbra,
 Dulcius assuetò perstrepuisse sono?

Hic philomela, sacram starem cum nuper ad
 aram,

Virgineos certans evoluisse globos:

Non

3. Novitij Societatis Jesu; utique Lojolides, abs
 D. Ignatio de Lojola Fundatore dicti.

Non ego fallā loquor, celeri dum garrula voce
 Turbinat introversum, pœnē canebat, Ave
 Quicquid ist est, modicā geritur res tota tabellā
 Altera sunt cantus, altera dona rotæ
 Quin majora sequor? cælō que effundor aperta
 Aurea, quā rutilum pompa prævit iter?
 Mens petit alta quidem, sed corpore deprimor
 uno:

Ut levis aspersā pluma residet aquā,
 Angela, quisquis amas, & quisquis in aëra 4. Va-
 tem

Diceris æthereā surripuisse via.
 Me quoque tolle precor, gravis haud ego sarcina:
 namque

Aligerum КосткАМ jam propè fecit Amor.
 Si satis esse nequit, quo tollar in æthera, crinis:
 Me toto, si vis, corpore ferre potes.
 Annuit ille quidem: Dominæ sed jussa moran-
 tur,

Inquit: fac votis annuat illa tuis.
 Ergo ad te redeunt mea vota novissima Mater:
 Quam nequeunt alij, tu potes, affer opem.
 Cur ego spectator vestræ non advolo pompæ.
 Unus ut è multis ponē pedester eam.
 Insequerer plausus, & longa per atria cæli
 Angelicum humanā voce sonaret Ave.

H s

Quia

4. Habacuc Propheta, qui è Palestina in Babylo-
 niam per unum crinem capitis ab Angelo aelatus
 est: prandium Danieli, qui in fovea attinebatur,
 laturus. Dan. 14.

Quin etiam Dominæ, quas fas, viciniorem irem,
 Et premerem sacrum Virginis usque latus
 Quod si forte aliquis pompa spectator in illa,
 Quo propior tendit, diceret, iste puer?
 Crediderim ut dicas, mea Diva, suaviter illi!
 Mitte queri, **KOSTKA** est; est meus iste
 puer.

Parce tamen, voto si fors peccavimus isto:
 Non patitur frenos, qui violenter amat.
 Quid? quod nec voto tantum, peccamus & irâ,
 Quæ mihi nescio quò pectus amantis agit.
 Sæpe (fatebor enim) qui me nunc urit, Amor
 rem,

Contendi justas non habuisse faces,
 Ecquid amor (dixi) quid vitæ stamina differens?
 Cætera concedunt ignibus, ista manent:
 Quin exile mihi, teneor quo corpore filum.
 Admoto propius lampadis igne cremas?
 Sæpius indignor repetitis ora maderè,
 Fleatibus & lacrimas criminor ipse meas.
 Staminibus modicis astringor, aranea, texit
 Qualia, vel picti qualia s. Seres habent.
 Tôtque oculis fundo dudum lacrimantibus im-
 bres,

Nec pereant vitæ fila minuta meæ!
 An quia vita mihi primo pubescit in ævo,
 Huc parcit sævas 6. Parca tulisse manus?

Ina

s. Seres Syriæ Asiaticæ populi, qui ex arboribus la-
 nam tenuissimis filis depexunt, conficiantque id ge-
 nus panni, quod Sericum vocamus.

Inferat; atque utinam ferali fornice telam,
 Et resecet mediâ stamîna raptâ colo.
 Est propè, ut invideam pubentis floribus horti,
 Quæque citò teneræ carpitur ungue rosæ.
 Ipse ego permîssâ quotiès hanc colligo dex-
 trâ :

Flos utinam vitæ (dico) sit ille meæ!
 Cur sic non legitur primævâ KOSTKA juventâ?
 Cur numerum lectis non facit ille rosas?
 Decerpi lucrum est: qui primo manè virebat
 Flotculus, interdum vespere læsus obit.
 Vel gravis hunc æstas, vel turbidus opprimie
 imber:

Heu, mihi! ne simili vulnere KOSTKA ge-
 mam;

Cætera cur taceo? nuper, mea Diva, nitebas
 Flore novo castas impediēte comas.

Candida virgineo gestabas lilia lecto,
 Quæque regis dominâ cælica sceptrâ manu:
 Ut vidi, ingemui! tacitòque in pectore dixi:
 Certa, precor, fati sint ea signa mei!

H 6

Dum-

6. Parca, per Antiphrasin sic dicta, quòd minimè
 parcant. Tres sunt, quæ mortalium vitæ stamîna
 dispenfant, ut Poëta fabulati sunt: quarum nomi-
 na & officia hoc dicto circumferuntur.

Cloto colum basulat, Lachesis net, & Atropos occat
 Easdemq; Hesiodus canit Mortalibus, sive Nasce-
 ntibus hominibus conferre bonum & malum.

Ἰν τοῖς ἀνθρώποις εἶναι ἀγαθόν τε, καὶ
 κακόν τε.

Dummodò sic, duro succumbat KOSTKA tyranno,

Japoniámque premat sanginolentus humum.

Sed facienda loquor: vellem quæ facta fuêre,

In nostras possent illa redire manus.

Quid mihi, si natum dederis, velut antè dedisti,

Deliciásque tuas, deliciásque meas?

Non foret ille tibi pretio reddendus eodem;

Nec latâ quamvis (crede) rediret ope.

Amplexus premerem plúsq̃uam languente la-
certo,

Plúque 7. Viennæâ vincula blanda morâ,

Cedere si vellet, contra violentior irem:

Verbáque suppetias viribus ista darent.

Vel duc me ad matrem; vel te, puer aures,
sistam:

Non aliâ nobis lege solutus eris.

Scribere plura libet: sed qui mihi depluit imber,

Impedit, & lacrimis humida charta meis.

Cætera qui dicat 8. Laurentius inter quantes

Facundus pro me nuntius alter erit.

Scit

7. Adolescens Vienna Austria dum studijs Sacat,
in morbum incidit: à quo tamen Virginie patrocini-
nio quæ ei apparuit. & puerulum Jesum in ulna
tradit, brevi convaleuit.

8. S. Laurentius Martyr, qui ei ex sortitione men-
strua Patronus obtigerat.

Scit bene, quid flammæ, quid magna incendia
possunt :

Scit bene, quas vires ignis amoris habet,
Ergo age siquæ faves KOSTKÆ, pia Mater,
amanti,

Accipe cum votis ultima verba meis.

Nil mihi rescribas, tua sit sed Epistola morbos:
Quamque tulisti olim, nunc mihi redde fe-
brem,

Scilicet hæc melius, quam quævis littera dicet,
Venarum pulsulanguidiore, veni,



EPISTOLA SEXTA.

ARGUMENTUM.

FERDINANDUS GONZAGA Imperij Princeps & Castellionis Stiverorum in Gal-
lia Cisalpina Marchio . ex Mantuæ Ducibus :
cūm ex MARTHAÆANA SANTENIA
Illustrissima apud Taurinos fœmina . ALOY-
SIUM natū inter liberos maximum tulisset :
nihil antiquius habuit , quàm ut eundem sta-
tim à prima juvenia Nobilium exercitijs erudi-
ret , sperans fore , uti prosapia splendori , ijs
gradibus ad gloriā niteretur . Sed cūm è di-
verso Deus juvenem divinarum rerum illicitis
captum Societati sensim initiaret : gravis con-
certatio exorta est : ALOYSIO hinc abeundi
facultatem , inde parente Marchione repulsam
pertinaciter agitantibus . Cūm igitur ALOY-
SIUS frustra captatus , & oclusas precibus
paternas aures animadverteret : jāmque voti
suis impatientior : ad CLAUDIUM AQUAVI-
VAM , qui per id tempus Societatem universa
sam cum supremo Imperio Romæ administrabat ,
hanc Epistolam scribit . In qua & animi sui
affectum votūque aperit , quo Societati se se
addixerat : vetare autem parentem obstinatius :
quo tamen nequidquam pensi habito , postulat
in Societatem admitti . Inflexis hic adolescen-
tis

sis ardor , non modo AQUAYIVÆ , sed &
 parentis animum ; adeoque factum , ut Societa-
 ti post paulò adscriberetur : in qua interea se-
 xennium , quod vixit , ita ad virtutem sese
 exercuit , ut vita sanctus , ac miraculorum
 famâ clarus. Beati & Angelici nominibus ,
 Summorum Pontificum auctoritate , insignitus
 fueris. Oviſ Roma Anno Christi 1591.
 P. Virgilius Cepario , in ejus
 vita.





182.

SYMBOLUM.

Cervus hic ad fontem, ut vides, cursu
emicans, pro ingenti desiderio est: ita
enim & suum prodidit Vates Regius P.
41. Neque in Aloysio id desideres, qui per
Epistolam ad Aquavivam accedere festi-
nat. Quare bene de utroque:

Vivit, si repperit undam.

Aloysius Aquaviæ,

Mittit ALOYSIUS, quam non habet ipse, salutem;

Et nisi Romanâ non habiturus ope.
 Mittit aquæ sitiens violento torridus æstu;
 Quam nec, si cupiat, dissimulare potest.
 Attamen ut scripto prodam mea vota libello;
 Et calamo nigræ vix fuit humor aquæ.
 Sed bene, quod nostros ut scribere possit amores,
 Quoque fluat, lacrimas combibit ille meas.
 Scribimus, atq; utinam quo scribimus ire liceret;
 Præque manu, pedibus conficeretur opus:
 Tunc ego, cerge, velim rapido te vincere cursu,
 Ad gelidas quando curris anhelus aquas,
 Novimus & fontes: & quæ sic currere cogit,
 Majus nostra sitis, quam tua calcar habet.
 Differor interea: solum brevis iste libellus
 Romanum pro me carpere gestit iter.
 Hæc ego dum scribo: pernix i littera, dixi:
 Pro penna, meus hic, quem geris, ignis erat.
 Licet, ad Latios propera, mea pagina, fontes,
 Puræque Romani quære fluentia soli.
 Sed cave fallaris: neque primi fluminis undas,
 Sedandis aptas ignibus esse puta.
 Nil tibi cum Tibri: mediam licet influat urbem,
 Spumantique vado turgidus arva riget.
 Est qui 1. felici fons illic labitur unda.
 Est qui 2. Virgineas egerit alter aquas.

Ah!

1. Precipui urbis Romæ fontes, vulgò dicti,
 aqua Felice, Aqua Virgine.

Ab! moneo, ne te speciosa hæc nomina fallant!
 Non facit ad flammæ ille, nec ille meas.
 Sed propè quâ primo surgunt Capitolia clivo,
 Et 3. Iasu Matris nomine templa tenet,
 Illic, quas petimus lymphas, AQUA VIVA mini-
 strat,

Non alio nostra est fonte levanda sitis.
 Hei mihi! jam toto currunt ea flumina mundo
 Quôlque bibat rivos Indus, & Indus habet.
 Jam novus insolitas Japon miratur aristas.
 Germinaque ex istis non sua cernit aquis.
 Maurica (sic fama est) isto quoque fonte rigata
 Edidicit culto mollior esse solo.
 Castilio tamen aret adhuc: neque littora cir-
 cum,

Quod læto vireant cespite, lympa fuit!
 Jam scio, reddiderint cur parcas jugera messes
 Non terræ vitium, fluminis illud erat.
 Interea dum vana queror, fons irrigat urbem:
 Illuc sunt animi vota ferenda mei.
 Vera loqui certum est; nec enim, Pater optime
 fallit,

Qui calet in nostro pectore verus amor.
 Ad nova bella vocat, quorum est IGNATIUM
 auctor,

Dûxque ciet fortes ad nova signa viros.
 Sæpius ille (alto seu sol micat igneus orbe,
 Seu vaga nocturnis Cythia fulget equis.)
 Sæpius

3. Templum Domûs Professe Societatis JESU, quo
 antea Maria de Strada appellabatur.

Expis ille mihi GONZAGA, susurrat in aurem
 Quando novus Jesu nomine miles eris?
 Quid tibi cum titulis? quid magna palatia pro-
 sunt?

Quid tibi, quod claros Mantua donat avos?
 Pars quota laudis erit, variâ si Marchio linguâ
 Castilionæi diceris esse soli?

Respice LOIOLAM: titulorum insignia ponit,
 Major ut abjecta nobilitate foret.

Dic age: cur illo nondum duce tendis in ho-
 stem,

Adstringis que tuas ad sua bella manus?
 Hæc ubi fasus Amor, lateri se junxit amicum;

Primaque militiæ signa fuere novæ
 Nêve recusarem, tedis ardentibus urget,
 Et sacro totas occupat igne fibras,

Quid facis? exclamo. GONZAGAM mitius ure:
 Porrigimus victas in tua jura manus.

Aut ego succumbam properati vulnere lethi:
 Aut ego LOIOLA sub duce miles ero.

Si tempus petitur, quo primum exarsumus;
 æstas

Incaluit flammis jam propè quinta meis.
 Aspice 4 LOIOLIUM juvat ut præcludere castris:
 Præcingunt nostrum pallia nigra latus.

Scilicet ex illo, quo nunc quoque carpimur
 igne!

Purpura (crede) mihi nil nisi visa rubor.

Adde,

4. Impetrat à parente Marchione, ut Ecclesiastico habitu utatur.

Adde, quòd & Christo s. castum mea corporis
munus

Tradiderim, Paphiâ non violenda face,
Lilia Virgineis inerant tum forsitan aris;
Illa mei, dixi, signa pudoris erunt.
Hinc flos ille placet, istisq; coloribus olim,
Inq; meâ pingi 6. lilia casta manu.
Nec tamen idcirco fulgor mihi displicet ostri.
Sertâque purpureæ sanguinolenta rosæ,
Nimirum, quodamo, nomen bene pingitur illâ,
Sanguineo Jesu convenit iste color.
Milite me crescat LOIOLÆ exercitus uno:
Dignâque sanguineâ bella movebo rosâ.
Sive jubes, visam postremis Japonas oris.
Sive jubes, Brasilæ barbara resquâ plagæ.
Audacem me fecit Amor: sit copia tantum,
Clausa petam rigidâ Sinicâ regna serâ,
Riccius 7. hos Italo perrupit robore vectes:
Ut sequar, hic justa plus mihi parte faver,
Nec vereor tepidis stillantia funera cultris:
Est mihi, qui fosso pectore sanguis eat,
Sî Japon Italo de sanguine crescere debet,
Crescat; at ille meo sanguine crescat ager.
Extera quid memoro? me bella domestica cin-
gunt:

Non expectato septus ab hoste premor.

Nani

5. Oâennis castitatem Deo & Mariæ vovet.

6. Cum hilijs depingi solitus est

7. P. Matthæus Ricci Italus, primus Sociorum in
Sinense regnum penetrat anno 1582.

Nam pater immeritâ clausum me detinet irâ,
 Vixque pedem primo limine ferre sinit,
 Credideram certè flecti potuisse rogando:
 Seu prece, seu lacrimis aggredieremur opus:
 Vivimus in blandas demisso poplite voces:
 Mollior at nostrâ non fuit ille prece.
 Addidimus lacrimas: lacrimæ volvuntur inanes:
 Excipe, quòd flammæ hæc alit unda meas.
 Sic ego detineor patriis sine crimine septis?
 Nec video faciles inde, nec inde vias.
 Ah! utinam verum, quod primis mater in annis
 Sæpe mihi puero vaticinata fuit?
 Angele mi, (sic me puerum vocitare solebat)
 Angele mi, puris Angele digne rosis.
 Scilicet ut patrio de carcere liber abirem,
 Jam foret optatæ penna parata fugæ.
 Desererem patrios, septa invidiosa, penates,
 Aeriâ properans ad mea vota viâ
 Et licèt effusis stagnet 8. Benacus in undis,
 Tranarem liquidum jam novus ales iter.
 Non ego formido, ne lapsus ab æthere signem
 Nomine ALOYSAS naufragus alter aquas.
 Dædalus 9. Icarias cerâ malè finxerat alas?
 Non metunt solvi, quas mihi finxit Amor,
 Sed fateor, locus hic tales non efficit: at quò
 Tendimus, 10. ANGELICOS efficit iste locus.
 Quid referam, quoties volui, cùm nascerer in-
 fans,
 Prima mihi tenuem tecta fuisse casam?

Quid

Benacus, vulgò Lago di garda: Fabius est prope
 Castilionem.

Quid referam, quoties GONZAGÆ nomina gen-
tis,

Esse queror votis invidiosa meis?

Inunc, quisquis amas, magno de sanguine nasci:

Pœna mihi, magnos quod numeremus avos.

Interea toto quid verlem tempore, quæras

Forſitan à patria dum vector ire domo?

Sæpe fugâ meditor: nec enim sic fugero primus.

Fecit & hoc nobis Y I KOSTKA Polonus iter.

Austriaca fertur juvenis fugisse Viennâ,

Et Larij ignotas corripuisse vias:

Ne tamen incerto captaret devia gressu:

Lampade succensa præviſus ibat Amor.

Nec fratrem impediit frater, licet usque ſecutus

Nec fuit abruptâ præda retenta fugâ.

Sic fugiturus ego nuper quoque (vera fatebor)

Ni fratrem frater præpediſſet, eram.

Quid

9. *Dædalus Athenienſis faber egregius fuit: quæ Poëta fabulantur, alas cerâ ſibi finxiſſe ad volandum, ut è Creta, ubi cum filio attinebatur, fugeret. Cùm autem Icarus altiùs volaret, ardore ſolis liquefacta alarum cera in mare decidit, quod ex eo Icarium mare dictum eſt. De quo Ovid lib. 3. Tristium Icarus Icarias nomine fecit aquas.*

10. *Angelici Juvenis titulo à Gregorio XV. Pontifice auctus eſt, anno 1612.*

11. *Stanislaus Koſtka Vienna, ubi operam litterarum dabat occultè in Italiam proſectus eſt, quò Societas ſe traderet, per iter multis favoribus ab Angelis & B. Maria cumulatus.*

Quid, Rudolphe, paras? quid contrà niteris?
inquam:

Obstis votis quid puer ipse tuis?

Ab! sine me, quò ducit Amor: ditabere facto:

Grande fugæ pretium, Marchio, frater eris.
Nequidquam fugit ille citus, meditataque pro-
dit,

Fortius occlusâ præpediendâ domo,

Interea causis non apparentibus æger,

Nescio quis dudum corpora languor habet.

Sæpe dapes inter, gemitus sine voce profundo:

Miscentur lacrimis pocula sæpe meis.

Quosque imbres oculos vino impluit, ora re-
sorbent?

Ne desit pluviae vena perennis aquæ

Prima mihi genitrix, inquit, GONZAGA, laboras?

Prima malam febrem dixit: amoris erat.

Accitur Medicus, tentatur pollice vena:

Jussaque dilutæ portio fertur aquæ.

Quid facitis? (dixi) si me tenet ignea febris,

Sedare hos æstus unica lympa potest.

Parce parens, natum medico corrumpere potu:

Sanus erit; tantum, quò cupit ire, sine

Sic mihi lux agitur, neque noctis amicior ho-
ra est,

Nec minus est lacrimis fertilis illa meis.

Ut quid enim toties deludor imagine somni,

Dum subit irrepens lumina fessa sopor.

Nam prope nunc videor Latios accedere mu-
ros:

Nunc LOTOLÆAS, recta cupita, foren-

Jam

Jam videor sacro deleribere nomen in albo ;

Et circum pullâ corpore veste regi ,

Est etiam , qui me suspiria ducere narret ;

Verbâque cum somnis mista ciere meis.

Jam fontem , GONZAGA , tenes : (ita dicere
narrat)

Plenâque jam *vivæ* pocula sumis *Aqua*.

Ah ! utinam mediâ dicamus talia Româ ,

Nec tories sensus fallat imago meos !

Certè ego cùm somno linquor ; seu manè rubente ,

Seu subito casu , lumina nostra madent.

Vel quia sopitos luserunt gaudia sensus :

Vel quia cum somno rapta fuere meo.

Est mihi funereâ pendentis ab arbore Christi

Effigies 12. rubeis conspicienda notis.

Illi sæpe meos commendo mœstus amores :

Accipit amplexus sæpius illa meos.

Christe , per has lacrimas , per & hæc suspiria ;
dico :

Fac , precor , ô ! locium me tibi jungat Amor.

Nec labor efficere est , similes propè dicimur
ambo :

Tu cruce , detineor carcere fixus ego.

Effundis lacrimas , oculis rorantibus asto ?

Sanguine membra rubes , & mihi sanguis abit.

Ite flagra in fontem , rubicundi currite rivi ,

Quo mea sanguineis culpa lavetur aquis.

Et

12. Solitus fuit *Aloysius* secreto in cubili , coram
Crucifixi imagine sæpius orare , & flagellis acriter
se cadere.

Et sitio exclamas : sitio quoque : scilicet intus
Quo cremor , ad *Vivas* ignis anhelat *Aquas*.
Hæterius nihil est , nisi tecum ut dicere possim ,
(Et cupio) Natum deseris ergo Pater ?
Deserat , ô ! utinam , quem sic malè servat & odit :
Ah ! precor , admissi pœna sit illa mei.
Hæc ego : sed quoties Christo damus oscula , meq;
Applicatum blandâ crux fovet ista morâ.
Nescio , quæ mihi vox tacitè demissa per aurem ;
Quid GONZAGA , times ? Tu meus , inquit , eris.
Ac tantum ut constes : Româ tua vota ferantur ;
Postmodò cum votis ipse ferere tuis.
Altera vox vera est : Romam mea vota feruntur ;
Altera sed mallet vox modò vera foret.
Quis prohibet ? jubet ire Deus : mea dextra , siste ;
Cætera sunt pedibus conficienda meis.
Callimur ? an toties duro placuisse parenti ;
Quæ meruit pietas præmia , carcer erit ?
Huc adhibe vultus , pœnæ solamen , 13. Alexi ;
Tûque fave cœptis , O ! 14. Calibyta , meis.
Grande rudimentũ posui , neq; vicinus hostem ;
Sanguine quò propior , fortius ille nocet.
Quid ? patrios vobis licuit fugisse penates ?
Si fugiam , facti criminis , author ero ?
H ! meliùs , redeat prisca bona temporis ætas ;
Et faveat , vobis qui bene favit Amor.
Tu quoque KOSTKA fave , cupidumque amplec-
tere fratrem ,
15. Si pater ille mihi , qui tibi frater erat ;
Quid ? quòd jam cælo MARIE jungeris ? illinc ,
Quod cupio auxilium , tu mihi ferre potes.

Dic age, si profugus præcunti jungar Iësu;
 Iudice vel tanto quod mihi crimen erit?
 Hunc Solyme vidit sine matre, & crimine:
 quamvis

MARIÆ madidas viderit illa genas.
 Cur sic non fugio? non hoc ego læsero matrem?
 Porrigit hæc victas in mea votâ manus.
 Attamen expecto, donec, pater optime, Româ
 Des mihi captandæ signa cupita viæ.
 Inde velim discas, quàm iussa capeßere prom-
 ptus:

Et, precor, ut tantæ sint ea lucra moræ.
 Ergo fave, longas neque gaudia differ in horas:
 Sed citò, (namque potes,) me properare jube.
 Per lacrimas oro (quoniam tibi scribimus illis)
 Aspice, in hoc pallent quàm mea scripta loco.
 Per sacros Nati, per castos Matris amores:
 Utraque visceribus nomina scripta meis.
 Per si quid terris usquam post sacra, Deûmque
 Loroïdium populo charius esse potest,
 Da mihi te facilem, nec duro perlege vultû,
 Quæ postrema meus verba libellus habet.
 Uror, ut accenso peritura bitumine cera:
 Liquor, ut expressa de nive manat aqua.
 Adde meas socio lacrimas, AQUAVIVA, fluentē
 Et dormitor flammæ sis, AQUAVIVA, meæ.

EPI

13. 14. Ambo enim paternos penates reliquerunt
 ut Deo Sacarent.

15 Claudius Aquaviva, cui quondam Stanislaus
 Kostka in Tyrocinio Romano convixerat.

EPISTOLA SEPTIMA.
ARGUMENTUM.

JOANNES BËRCHMANNUS Belgæ Diesthemij Brabantia oppido natus honestis parentibus, cum à primâ pueritiâ virtutem coluisset : tandem B. Virginis patrocinio, quam eximie ac singulariter semper in amoribus & cultu habuit, in Societatem admissus est, Mechlinie Anno Christi 1616. ætatis circiter 18. Cum autem absoluto Tyrocinio inde Romam missus esset ad Philosophica studia : mirum quanto illico animo, litteris juxta & virtuti incubuerit. Quippe crescente in dies erga Desipantem virginem ejusque immaculatam Conceptionem, affectu ; eò tandem processit ; uti coram venerabili Sacramento, ejusdem Virginis Conceptionem Immaculatam propugnandi, quâ voce & suâ stylo, votum, etiam scriptâ syngraphâ nuncupavit. Hanc igitur cum Epistola ad B. VIRGINEM ASPRICOLENSIEM in Belgio, ubi noster ex Diesthemij vicinia frequentior, primòque ad virtutem igniculos conceperat, ab eò transmitti hîc fingimus, inter alia ejusdem sacelli anathemata & donaria, appendendam. Porro in hac Epistola varia commemorat beneficia, quæ privatim sibi ipsi, publicèque Societati à B. Virgine collata prædicat ; atque eò

animum erigit ad ejusdem Virginis Conceptio-
nem Immaculatam, quocumque terrarum mit-
tatur, propugnandi: & scriptis etiam postero-
rum memoria asserendi. Sed eo BERCHMAN-
NI affectu Deus ipse, ac Deipara contenti
fuere: siquidem post paulo annos duntaxat 22.
natus Romæ obiit, relicta non exigua sancti-
tatis opinione, anno Christi 1621. Idibus Au-
gusti. P. Virgil. Cepario in ejus
vita parte 2.



Berchmannus B. Virgini Aspricollensi.



SYMBOLUM.

Ægyptij ciconiâ & cane gratitudinem
 exprimebant : nos eisdem Berchmanni
 gratum animum, quo Virgini, quidquid
 boni possidet, acceptum refert. Ne igitur
 mirêre, expressam in Symbolo celerita-
 tem : bene enim in referendis gratijs aut
 curritur, aut volatur.

Ne fors oblivia culpent.

Berchmannus - B. Virgini Aspricollensi,

DIVA cūi Montis culmen sacrat *Acuti*,
 Quā tibi vicinas 1. Demera volvit aquas;
 Da veniam, & parvæ cursum per mitte tabellæ;
 Natalem 2. repetit scilicet illa locum.
 Nec tamen illa venit patrios visura penates.
 Missaque ab Ausonijs Belga futura plagis,
 Te petit, & pietis tua templa micantia votis.
 Hæc illi captæ causa fuere viæ
 Exiguā (fateor) constant mea munera chartā;
 Charta tamen flammæ continet illa meas.
 Nempe mihi, tacitis dum texo rosaria labris,
 Et vultu, & pallâ constitit albus Amor.
 Casta placent: cultu sic te quoq; visimus, inquit;
 Primâque MARIE tempora casta placent.
 Hæc ubi: templa petit, manibûsque prehensat
 amicis;
 Moxque Deo coram plura loquemur, ait.
 Vix loca contigeram, quâ devenerandus in ara
 Triticeo Jesus conditus orbe latet. (dixit:
 Cū subito, ecquid adhuc dubitas subscribere,
 Scribe: Deus voti testis & auctor adest.
 Scribo igitur, movet ille manum; juramus utere
 que:
 O, Amor! ah! voti fida tabella mei,

Jām-

1. Demera fluvius Sichemium alluens, juxta quod
 Aspricollensis Virgo colitur.

2. Diesthemium oppidum, Berchmanni patria,
 milliari parvo Sichemio distans.

Jámque parabat iter, propè quàm Sichemia tellus
Porrigit umbroso templa colenda jugo.
I felix (dixi) pia pagina: nomina tolle,
Nec locus hic ASPER, nec tibi durus erat:
Sæpe jugum scandi saxi acclive: nec nunquam
Læserunt teneros aspera saxa pedes.
Quin meminisse juvat, facilisq; recursat imago,
Cum puer huc sociâ matre sequebar iter,
Manè erat, vitreas Auroræ semina guttas.
Sparserat irriguo Lucifer ortus equo.
Protinus egredior portis, circum undique sylvæ;
Pérque viam molli gutture cantat avis.
Crediderim, didicisse meos de Virgine sensus:
Et tibi, DIVA, sacros instituisse choros.
Interdum, quoties effingimus ore MARIAM.
Et filer, & flexo poplite plaudit avis.
Ipse ego de globulis (globulos tua ferta tenebam)
Permistas cupidis passibus addo preces.
Mox ubi conspecta est primùm domus addita
colli,
Augēt & hæc animos; ut properemque, facit.
Ah! quoties (recolo) curâ studioque videndi
Proruit, & summam pes malè fixit humum!
Templa tenebamus: tua me rapiebat Imago
Querna; sed ad flammæ circa facta meas.
Hic ego BERCHMANNI (dicebam) Virgo clientis
Si memor es, vultu nec minùs aure fave
Parvus amans quamvis, magno tamē igne peruri
Optat, & in cultus fortiter ire tuos.
Scis? mea lux, inquam, materna 3. ut fusus ab
Concessi in titulos, & tua jura puer. (alvo
I 4 Sabo

Sabbata lucebant niveo splendentia cultu ;

Ille dies vitæ candidus augur erat.

Non ego diffiteor : sensi tua spicula , sensi

Spicula Virgineâ tunc bene facta manu.

Nec cruor hoc fluxit de vulnere , lacrima fluxit ;

Et pueri molles immaduere genæ.

His mihi crescebant repetitis corpora votis ,

Ménsque mihi pariter fortior iotus erat,

Pestifer invidit , sed cassis viribus Orcus ;

Non profecturas induit ille minas.

Scilicet à sacris Laribus fortasse redibam ,

Et vagus implexo calle viator eram.

Cùm 4. nigra nox cælo prætexitur, humida nim-

Et tonitru rutilas mox paritura faces. (bis,

Saga fuit (memini) sic sic , ô perfida , dixi ,

Bella cie , stimulos nil nisi felis habes.

Vix ea fatus eram : cùm lapso fulmine , felis

Ungue minax nostros , corrui ante pedes ,

Interea , Virgo , castris adscribor Jësu :

Nec fuit hoc sine te , præsidioque tuo.

Prima rudimenti tellus 5. Mechlinia testis :

Hæc mores vidit , composuitque meos.

Imus

3. Sabbato natus est Berchmanus , eodémq; Socie-
tatem ingressus , ac demum eodem sepultus.

4. Revertens ab ade Virginis, & per sylvam errabun-
dus , subito atq; horribili tonitru percellitur malefi-
cio sage , qua specie felis ad pedes ejus evanuit to-
nitru ipso ac fulgure , intra fragorem ac metum se-
vientibus. 5. Mechlinia Brabantia urbs super alia
Concilio Regio nobilis : in qua Domus probationis
Prævinciæ Flandrobælicæ Societatis JEsu.

Imus in Aufoniam: (sed quid tamen omnia nar-
rem)

Et comes ad Latias sis mihi , Diva , plagas.
Ah ! quoties sensi pluvio data vincula cælo ,

Nè rueret subitis turbidus imber aquis.

Te duce concretas nivibus transcendimus 6. Al-
Saxaq; nocturno lubrica facta gelu. (pes.

Nec tamen obrigui , cecidi minùs : arcuit isthæc.
Qui tuus in nostro pectore flagrat amor.

Mox ubi Lauretæ tandem successimus ædi ,
Sensi me toris incaluisse fibris. (tus :

scilicet 7. intus eras , sed erat quoque parvulus in-
Jactabas geminas túque puérque faces.

Hinc Latiae postquam penetravi mœnia Romæ ,
Templaque polluto non adeunda pede.

Nescio quí mémet 8. Ferrati nominis ædes ,
Nilææque rapit religionis opus,

Aspera cesserunt , redeunt *Ferrata*: sed ambo
Sub duro blandum nomine pondus habent.

Aspera sic nunquam , sic nunquam *Ferreæ* Virgo
Esse solet , votis semper amica meis.

Quid tamen hæc memoro ? LOIOLÆ plura mini-
Quæ post in natos dividit ille suos. (stras ,

I 5

Te-

6. Alpes montes altissimi, & perpetuis nivibus oper-
ti, Italiam à Gallia separantes. 7. Pridie Natali-
tiorum Christi Lauretum appulit, ubi totam noctem
magno æstu, animiq; solatio transegit. 8. Templum
B. Virginis Romæ, quod vocant. Di grotta Ferrata;
prodigiosè à S. Nilo, ubi ejusdem etiam corpus asser-
vatur, conditum: ad quem locum magnus est po-
puli concursus, eoq; itare solitus Berchmannus;

Tessisq; eris, Guttierre, cūi testata MARIA.

Prodera Virgineus prodere jussit Amor.

Forſitan orabas primo calefactus Eoq;

Inque tuis oculis Virginis ara fuit.

Daveniam, Mater, votis traducimus, inquis;

Quæ tibi cura mei, discere gessit Amor.

Integra fovisti maternas castra sub ulnas;

Nunquid & exiguæ cura Cohortis erit:

Dixerat hæc: subitoque in lumina DIVA re-
fulsit,

Virgineum laxo pectus operta sinu.

Et prior: ecquid adhuc dubitas, Guttierre? vereri?

Desine, LOIOLÆ castra fovemus, ait.

Nec mora: laxa togæ subter confinia, tutus

LOIOLIDÆ populus Virginis hospes erat.

Hac mihi sub palla quæ non fiducia crescit,

Et rapit obstrictas ad pia bella manus?

Vincimus hinc, Mater: 10, nudoque rosaria
collo

Erudiunt somnos in mea lucra meos.

Si quis (ut in somno) furvus surrepserit hostis,

Turbidâque ignavis sensibus arma movet,

Protinus appositæ pavefactus imagine lerti

Diffugit obscurâ noctis in antra fugâ.

Quid moror hîc, Virgo! tuus ô! BERCHMAN-
nus ad Indos

Gessit, & extremos orbis adire Sinas.

Quâ-

9. P. Martinus Gutierrez, Hispanus coactam sub
toga B. Virginis Societatem universam conspiciit,

10. Berchmannus rosario B. Virginis collo imposito
cubare & dormire solitus.

Quaque nigris Brasilus Phœbeâ lampade mem-
bris

Horret, & humanam dicitur esse dapem,
Proruet huc velox, motaque citatior aurâ:

Nil hunc barbaries, nil fera tela movent.
Candida Virgineis agitabit prælia signis,
Candidus & nivea te duce victor erit.

Quin & te PURAM cum toto edixerit orbe,
Impressis I I. figet casta trophæa typis.

Interea dum crescit adhuc, & fingitur ætas.
Pendeat ad postes ista tabella tuos:

BERCHMANNUS puros DIVÆ tutabitur ortus;
Sic amat, & scripto testificante vover.

Tu quoque fac, mea DIVA, nigro quàm carus amictu,
Tam tibi sit niveo pectore carus amans.


II *Votum emittit, primum librum (si edere contin-
gat) de Immaculata Virginis Conceptione scri-
bendi,*



EPISTOLA OCTAVA.

ARGUMENTUM.

Cum hactenus hoc Tertio Epistolarum Libro nonnulla tractaverim, quæ ad SOCIETATEM pertinebant : placuit hic quasi corollarij in modum, ejusdem SOCIETATIS, quam per prosopopœam hîc inducimus, Epistolam addere. Scribit autem illa ad SUOS, qui in acie, & campo (ut ita loquar) ceteris ad caelestes palmas admissis, adhuc decertant. Et verò consentaneum visum est, quando annum Sacularem fundata ab IGNATIO SOCIETATIS agimus : præclara facinora commemorare, quæ Majores nostri ad Dei gloriam, salutemque animarum patrauerunt. Quod ipsum hæc Epistola attingere studui : SOCIETATEM ipsam SUIS scribentem inducendo, eisque Majorum exempla ad virtutum veluti imaginem quandam exhibendo, quò quisque acrius stimuletur, accendaturque ad imitandum. Porro neque inter scribendum rationes alias omisimus, quibus momenti aliquid inesse videri poterat ad suasionem : tamen si ad animatos suapte SOCIOS sermo sit, neque enim petitum, quod vulgato proverbio discimus, Currentibus addere calcar.



Societas JESU Filijs suis anno suo
Sæculari,

103/

S Y M B O L U M.

Palma arbor & phoenix avis sæcula patiuntur : nihilo seciùs *Societas* centum jam annos adulta, & florens. Quippe ut Palma adverforum pondere preffa, at non oppressa : & supra Phœnicis annos senectam ignorat, nedum exuit. Quam ergo jure, faventibus cælo terræque, ejusdem postibus affixeris !

A Sæculo & usque in Sæculum.

SOCIETAS JESU

FILIIS SUIS

ANNO SUO SÆCULARI.

Illa ego transmissis cœlo notissima turmis ;
 LOIOLÆ proles , LOIOLIDUMQUE parens :
 Pauca MEIS scribo, quos Magni castra Tonantis ,
 Exercent , & adhuc infimus orbis habet.
 Scribendi neque causa levis : centesima messis
 Exijt , & nivibus cana cucurrit hyems :
 Ex quo Romani sacras ad Præsulis arces ,
 LOIOLIDAS cœpi Mater habere viros.
 Est aliquid , Phœnix toto cùm vivida sæclo ,
 Instruit aggestos in sua busta erocos.
 Est aliquid palmæ , centum crevisse per annos
 Tôtque hyemes nitidâ sustinuisse comâ.
 Talis ego : talem chari spectate Nepotes.
 LOIOLIDÆ peperit quos mihi fortis Amor.
 Noscimur ? an quoniam mihi littera fulgurat
 auro ,
 Nescitur præsens unde movetur opus ?
 Illa ego sum , Magni qui Nomine dicor Jësu
 Semper in hostiles fortis itura globos.
 Forſan at hîc aliquis motus novitate requirat ,
 Cur mea sit rutilâ scripta tabella notâ.
 Lætitiâ prodendus amor , victorialuce :
 Non facit ad palmas littera nigra meas.

Sic

1. Pauli Tertij Pontificis Maximi anno 1540. DD.
 Cosma & Damiano sacris frÿs. 27. Septembris.

Sic 2. quoque LOIOLIDES rutilo pinxisse colore
 Fertur, cœlitibus quod bene cessit opus.
 Inspice quæ scribo, proles mea, disce parentem :
 Materies oculos exigit illa tuos.
 Mons fuit, Empyreo similem propè dixeris : illi
 Diffusum toto vertice lumen erat.
 Huc ego, centenus vixdum diluxerat annus,
 Rapta fui, Natos intuitura meos.
 Scilicet exceptam passâ me sustulit alâ
 Penniger, & Jesu nomine pictus Amor.
 O! ibi quid vidi! fas sit mihi visa referre,
 Nec pigeat scriptis quæque notare meis.
 Montis in ascensu, primique ad limina clivi,
 Quâ structus rutilâ fronte micabat apex.
 Aliger occurrit vultûque, habitûque decorus,
 Atque prior: Genitrix Optima, vivis? ait.
 Bis tibi lustra decem partu fluxêre secundo;
 Nec tamen hinc ulli facta videris anus.
 Non tibi dens putris, non fœdo pupula fluxu:
 Infecit castas non tibi ruga genas. (astris,
 Junge manum, & quantis cælum depinxeris
 Quæque illi dederis sidera, visa dabo.
 Dixerat hæc, junxique manum, rapidoque volatu
 Constitimus claras protinus ante fores.
 Aurea gemmatis prostabant limina valvis,
 Ostiâque 3. appicto splendidiora Deo,

Pro-

2. Solebat Ignatius Sanctorum res gestas, variopi-
 ctura genere, & quàm clarissimis litteris in codi-
 cem referre. Maffei lib. I. c. 3.
 3. Nomine Jesu quod Societatis Symbolum, atque
 insigne est.

Protinus agnovi, tacitoque in pectore dixi:

LOIOLIDÆ populum continet iste locus.

Mox mihi diducto patuerunt atria poste,

Atria conspectus detinuere meos.

Et stupor invasit: nec sic tamen ille nocebat,

Quin fierent oculis pervia quæque meis.

Scilicet hæc aderant Natorum longa meorum

Agmina, perque gradus stantia cuncta suos.

Parte loci summâ claros LOIOLA per ignes,

Ut bello, palmâ sic quoque primus erat.

Ponè pares curâ, quos vidit Roma 4. quaternos

Flectere sollicitâ publica lora manu.

Stabat & hîc, sed parva cohors, quos 5. Insula
cinxit,

Abstulerantque meo maxima iussa sinu.

Cæterâque Imperiis gens didita néve lateret,

Tractabant docta jusque, piûmque manu.

Parte alia domitis stabat XAVERIUS Indis,

Primâque Japonicæ faxque, salûsque plagæ,

Plurimus hunc populus circumque 6. minutula
turba

Constiterat, sacris lota recenter aquis.

Can-

4. Quatuor Prepositi Generales, qui S. Ignatium in
administranda Societate exceperunt, videlicet, Ja-
cobus Lamius, Franciscus Borgia, Everordus Mer-
curianus, Claudius Aquaviva. 5. Societas enim
voto se obstringit non admittendi honores, aut præ-
laturam Ecclesiasticam, nisi summi Pontificis im-
perio: quo pacto creati Cardinales Toletus & Bellar-
minus, & Patriarcha Æthiopia Andreas Oviedo, &
Joannes Nugnes Barretus, alique pauci Episcopi.

Candidulæ vestes illis, meliôrque parentum
Sanguine formoso lacteus ore color.

Riccus 7. hic etiam, Sinas qui primus in oras
Venit, & à Batavis 8. BARZIUS ortus aquis.

Vidimus & claros 9. ANCHIETÆ ad lumina vul-
tus,

Cui quondam æquoreæ vela dedistis aves.

Quid reliquos memorem, perstringere crimina
doctos,

Faustâque pacificis bella movere tubis?

Hic 10. STRADA, 11. BARRADAS, facundi 12.
PALMIUS oris

13. AUGERIO comes hac parte 14. COTONUS
erat.

Hic etiam, quondâ qui 15. Nomine notus, & ore
Dicitur impuros perdomuisse canes.

Inde per & sedes, quâ se aurea pulpita tollunt,
Vidimus aggestis lucida castra libris.

SUA -

6. Infantes innumeri, quos sacro baptismo abluit,
æloq; transmissit. 7. Mattheus Ricci Italus, pri-
mus Sociorum in regnum Sinenſe penetrat. 8. Ca-
ſpar Barzeus Hollandus, mira in Indijs operatur.
9. Joſeph Anchieta Braſiliæ Apoſtolus, & ſui tem-
poris Thaumaturgus: cui aliquando aves marinæ
advolarunt eum à ſolis ardoribus obtenſis alis de-
ſenſuræ. 10. Franciſcus Strada Hiſpanus. 11. Se-
baſtinus Barradius Luſitanus. 12. Benediſtus Pal-
mius Italus. 13. Edmundus Augerius, & 14. Pe-
trus Cotonus Galli, eximijq; divini Verbi præcones.
15. Itēque Petrus Caniſius Belga Noviomagen-
ſis Germania Apoſtolus.

SUARIUS 16. hîc aderat , sed & hîc quoque 17.

LESSIUS : & tu

Aufus es 18. immundâ qui sacer ire viâ.

PAZIUS 19. oratæ clarus quoque nomine Divæ ,

Aptabat Latios ad sua scripta modos.

Cætera quid referam ? longum est memorare ,
quod illic

Spectandos dederint aurea castra duces.

Interea medio quâ se locus explicat igne ,

In liquidas circum visus abire faces :

Prostabant rutili Heroës , quæis purpura testis ,

Cingebátque sacras laurea vitta comas.

Ante alios isthic 20. ANTONIUS emicat : illi

Heu ! malè quàm nomē criminis horror erat ,

Ponè enses , fractæque rotæ , palique jacebant ,

Lignaque in arsueros non reditura rogos.

Vidimus 21. affusam deno quater ordine turo
mam ,

Quæ fuso æquoreas sanguine tinxit aquas.

Vidi

16. Franciscus Suarez Lusitanus. 17. Leonardus Lessius Belga , insignes Theologi. 18. Thomas Sanchez vitæ Sanctitatis & Castimonia clarus , qui de Sacramento Matrimonij ingentem librum composuit. 19. Jacobus Alvarez de Paz. Theodidactus à B. Virg. Latinæ linguae usum accipit , & libros scribens in ecstasim rapitur.

20. Antonius Criminalis, domo Parmensis, ad cujus nomen fit allusio, primus Sociorum Martyrium subit.

21. Ignatius Azebedius dum in Brasiliam navigat , cum 40. Socijs , ab Hæretico Pirata capiuntur , & in odium fidei occiduntur.

Vidimus 22. HENRICUM, pictosque in sanguine
vultus,

Quos orbi quondam spica Britannia tulit.
Plurimus hîc etiam 23. Japon. seu clarior igni,
Fortior aut potâ sæpe superstes aquâ.

Has ego dum coram lucentes conspicio umbras,
Visâque 24. MASTRILLI Martyris umbra fuit.
Scilicet à collo restis pendebat 25. Imago,
Sæpius extremis facta medela malis.

Quid? quod & his fulgent argentea turmis.
Quæ properus casto pollice legit Amor.
Hîc KOSTKÆ GONZAGA comes, flos additus albet,
Quique 26. Brabantino prodiit alter agro.

Flu-

22. Henricus Garnettus, dum ab Hæreticis in Anglia suspendio interimitur, & secatur: spica sanguine ejus conspersa, Martyris vultum prodigiôsè exhibet. 23. Plurimi Martyres in Japonia, è Societate, uti Carolus Spinola Italus, & alij, lento igne adusti. Nonnulli violenta aquæ infusione novo tormento excruciiati. 24. Franciscus Mastrillus Neapoli 3. Jan. 1634. à S. Xaverio prodigiôsè sanatus, invitatusq; ad conversionem Gentilium, Nangasachi in Japonia pro fide occiditur 1637.

25. Imago, ad S. Xaverij, quâ apparuerat, speciem depicta, multis terrâ, mariq; prodigijs inclaruit: Uti hoc anno seculari Societatis 1640. Atrebatî, in Philippo Penantio Adolescente, qui atrocibus morbis agitat, eadem Imagine sanitatem recuperavit. Quod P. Pennequius lib. 3. Eleg. Anni Secularis Societatis Jesu, quinque Elegijs eleganter expressit.

Plurima prætereo: vos facto insistite calli,
 Si patrum virtus, si pia facta movent.
 Neu frustra moneam: locus est quoque pluri-
 mus illis;

Elige, quo demum quisque manere velis.
 Audior? an contrà studiis frigentibus, edat
 Dissimilis proavo facta pudenda nepos?
 Fallimur ô! certum est, sensu peccavimus isto;
 LOIOLIDES nullus degener esse potest.
 Utque sit hoc verum: tabulæ servatur imago,
 Est ubi promissi littera scripta memor.
 Scripsisti, certum est: hoc saltem parce negare;
 LOIOLIDÆ proles, tu mihi mater eris.
 Quin etiam (memini) dixisti sæpe: videbit
 (Hoc voveo) ignavum me quoque nulla dies,
 Per probra detur iter: probris tentabimus ire;
 Materies pugna convenit illa mea,
 Cur (rogo) sacratos dum JEsu sector amores,
 Illius renuam signa, probrumque sequi?
 Hoc, quisquis Meus es, vovisti: cur modò solvit
 Te metus, aut repens in tua facta pudor.
 Eja age, pone metum: duce quo nova prælia captas,
 Is tecum innumeri militis instar erit.
 Huc igitur properate mei, gens æmula, Nati;
 Nec mea mobilibus tradite verba Notis,
 Paucis multa fero: montes vitate propinquos;
 Ille locus crebro fulminis igne tonat,
 Tutiùs est imas gressu percurrere valles:
 Aureus hoc vobis calle præivit Amor,

Si

26. Joannes Berchmannus Belga Romam missus,
 ubi sanctissimè obiit anno ætatis 22. Christi 1621.

Et tamen & formam fors expectatis ? & unde ,
 Quove modo cœptum conficiatis iter
 LOIOLIDES vobis , ne quid peccetis cundo ,
 XAVERIUS vobis sæpe legendus erit.
 Ite igitur , totôque alacres excurrite mundo :
 Sic bene vos Jesus Divaque semper ament ,
 Sic bene conceptis crescant incendia flammis ,
 27. Pérq; malè affusas non minuantur aquas ,
 Interea sæclo primùm , labente , secundi
 Dux etiam vobis 28. MUTIUS alter eat ,
 Ille novos cunctis feliciter inchoet annos ,
 Impleat , & serus quæ canat acta nepos.
 Cùmque sibi tardè venientibus ordine fatis ,
 Supremum emoriens clauferit albus olor :
 Addemus tumulo : *Rexit feliciter omnes ,*
Nec me , quamquam auctam prole , reliquit anum

27. B. Franciscus Borgia dicere solitus erat , *Societatem tamdiu florentem fore , quamdiu obtracta terum calumnijs impeteretur.*

F I N I S.



IN-

INDEX EPISTOLARUM

LIBRI PRIMI;

1.	M aria Christo.	fol. 1
2.	Jephtias Jephte.	12
3.	Anna Tobiaë.	21
4.	Mariamna Herôdi.	29
5.	Dorothea Theophilo.	37
6.	Elapis Jacobo.	46
7.	Ursula Cordulæ.	55

INDEX EPISTOLARUM

LIBRI SECUNDI.

1.	A Glaë Bonifacio.	fol. 70
2.	Anthusa Chrysoftomo.	77
3.	Polydora Alexio.	86
4.	Theodora Didymo.	96
5.	Alena Phosphoriano.	104
6.	Lucia Scotiano.	112
7.	Austraberta Frameildi.	121
8.	Barbara Dioscoro.	128

INDEX EPISTOLARUM

LIBRI TERTII.

1.	L Ojolis Ignatio.	fol. 136
2.	Xaverias Jasso Parenti.	145
3.	Francisca de Jesu Borgia.	154
4.	Honovinga Canisio.	162
5.	Kostka Deipara.	170
6.	Aloysius Aquavivæ.	182
7.	Berchmanous B. Virgini Aspricollensi.	195
8.	Societas Jesu Filijs suis, Anno suo sæculari.	203

F I N I S.



APPROBATIO.

E Legantes hæ , Sacris Heroidibus
affictæ Epistolæ , præterquam
quòd suaves sunt , & lacteo decur-
runt flumine , nihil habent , quod
non pietatem simul , & bonos mores
ædificet ; ob idque quo minùs securè
imprimi , legique possint. Actum
Tornaci septimâ Julij. 1640.

J. BOUCHER Sacræ Theolo-
giæ Doct. Archid. & Ca-
nonicus Tornacen.

